

明憲宗實錄

卷一〇五至一三〇

成化八年六月至十年閏六月



明憲宗純皇帝實錄卷之一百五

成化八年六月丙寅朔增給修城軍民匠四百九十五人口料
月一斗鹽一斤○按湖廣祁陽縣永隆太平市巡檢司于羅口
營○丁卯加封 慈懿皇太后生母陳氏為太夫人以其孫都
督同知錢雄奏請也雄又言伯父欽為錦衣衛指揮使正統己
巳與父瑾俱扈從北征以竣欽無子臣襲其職陞都督既以例
贈三代恩及伯父矣惟本生父瑾與母王氏未蒙恩典故昧死
以請 上以瑾歿于王事特允 惟思為錦衣衛指揮使事王氏
封恭人不為例○是夜北方流星如蓋青白色光明燭地自冀
仲東北行至紫微東藩後二小星隨之○戊辰提調北直隸學
士監察御史林誠乞養病許之○浙江左右布政使余子俊劉
福按察副使呂正湖州府知府劉傑等先以織造供用彩段不

如法為工部所劾時子俊已陞副都御史巡撫延綏 上以邊境用人特宥其罪命刑部錦文銜差官往命巡撫御史處福等鞠之得匠人偷杜狀福等以閱視不詳及首領勾官等罪皆當杖刑部覆奏 上曰福等不用心提督織造虛費錢糧難循常例發落福正降一級降二級俱調用首領並勾官調遣遠吏放為民匠作之長四人追陪完日克福建邊衛軍仍移文各府用為懲戒○己巳增設慶陽延安二府通判各一員管理邊備從巡撫延綏右副都御史余子俊請也○詔雲南銀課止如舊例煎辦先是鎮守太監錢能奏各貯礦脈微細軍民陪納甚艱乞暫停煎辦以紓人力至是戶部連引前以煎辦教例以請故有是命○庚午遣內官祭中霤之神○疏刻金主入并宿犯兩府北第一星○壬申授理刑知縣段正為監察御史○癸酉右

副都御史陳濂奏乞令制不予。甲戌戶部奏應天府庫房被火其焚餘庫物宜令所司估價賣銀以備賑濟從之。○巡撫山西右副都御史雷傑奏山西陽曲等縣近者派運代州草于府谷等場緣代州草熾于火改撥繁峙等縣山路險遠車載不通民皆傾貲買草一束之價或至三錢陪納甚苦乞將所陪草准作成化八寺地畝草數為便事下戶部議以為宜從之。○乙亥授翰林院庶吉士張晟為禮科給事中王錦方珪謝顯為監察御史錦雲白道珪貴州道顯山東道。○命南京濟川衛帶俸署都指揮僉事楊槩子琰代父原職本衛指揮使山西都指揮僉事吳雄子裕代父原職太原右衛指揮使故烏全署都指揮僉事張順子俊襲父原職宣府右衛指揮同知貴州署都指揮僉事吳綱子胤龍父原職安南衛指揮使。○哈恭故右都督把塔

木克子罕慎都指揮使阿都剌于合剌甫丁都指揮使事見力
赤子你俗俱乞襲其父職并求冠帶得旨允其襲職而不興冠
帶○丙子詔楚府故鎮國將軍李煇已支祿米本色折色共七
百三十餘石免還官○給伏巷伯毛銳誥命○丁丑起前都察
院右都御史李實於家實赴召行至南陽御史龔晟等劾之謂
實輕挑小人素無行檢不宜復用有旨令移文止之比命下實
已至京因自敘歷任功伐具奏申辯且引漢文季布事為言復
為御史董翰等所劾詔實既不用何若等又言之命以原職致
仕實字孟誠四川合州人正統乙丑進士授禮科給事中 英
廟留實庭衆議遣使奉迎而未決實昌言于朝謂奉迎之便在
所必違不然則曲在戎衆難其人實請行遂陞禮部右侍郎使
虜還陞右都御史巡撫湖廣 英廟復辟有上其所著北使錄

者言多虛誕用是然為民至是黃緣召用為科道所劾得冠帶
致仕實傾校有口辨恣肆無拘檢巡撫湖廣而至縱惡蹟貸家
居數年已老矣猶潛至京師獻秘術無驗乃歸士論鄙之然使
虜庭能不屈于虜肆言辨折虜酋款憚車駕之還未必為無
助云○戊寅朝鮮國王李娣以悼恭太子之喪遣陪臣李原效
奉慰表并進香禮物及祭文上命禮部以祭文詣太子墳所
燎之賜原效衣服綵段等物○定安王長子聰滴有罪命守大
同祖墳鎮滴君山而沂州尤坐罪停封益縱恣不法時出押送
過不引避者輒重杖之或笞其財畜民有奏其事者下巡按
御史會三司具實御史遣指彈赴州逮其左右聽理聰滴因奏
言指彈毆已其弟鎮國將軍聰濬亦奏兄被毆狀于是命內官
羅祥錫衣衛指彈趙能往會巡撫等官按之具得其事而聰滴

兄弟所奏皆誣都察院會法司議擬覆奏 上曰總滴不能改
逆愈肆非為宜還守祖墳總滴其降勅切責之餘左右之有罪
者從法司所擬○巳卯賞錦衣等衛帶條指揮等官并旗軍字
羅台等二百七員名絹四百八疋布一百八十九疋以征進兩
廣殺賊功也○工部左侍郎謝祥六年滿考吏部言祥年七十
有五已逾致仕之期 上以祥內官監督工年久命復職仍舊
辦事○辛巳兵部請責寧夏總兵官沈煜等獎勵逆孽將軍祝
椎及卻指揮韓英速治卻指揮郭雲黃瑞俱從之時寧夏遣兵
運草五十餘萬束至花馬池等營被虜殺傷連卒掠去牛畜葉
草百餘車于道椎英追還之兵部謂煜等軍令不肅致虜入為
患而椎等忠勇可嘉故有是命○太僕寺奏成化七年在京北
直隸河南山東各府衛孳生馬駒共二萬九匹○刑部郎中劉

秩奉命會巡按御史戴縉審錄罪囚于比直隸辨死罪之有冤者六人情可矜疑者三人以具獄上請詔有冤者准辯釋之情可矜疑者免死誦元邊衛軍。懷柔伯施鑑奉命統領京營官軍下場牧馬多納所部賂遺都指揮閻城發其事總兵官撫寧侯朱永等以聞命都察院逮治具伏坐受財枉法論絞例減死立功邊方五年獄上詔鑑追贖畢發貴州立功餘把總等官兵部具通行戒約之後或再犯俱重罪不宥。下四川都指揮使劉芳于獄先是榮縣盜起鎮守太監等官奏芳率兵偕布按二司官勸捕芳托疾不行為所奏兵部因以失機悞事劾之命錦衣衛官執芳至京師下都察院坐臨敵後期律斬獄上有旨芳免死降官三級發茂州衛帶俸差操。壬午命陝西行都司都指揮使劉昇元寧夏副總兵分守花馬池地方。甲申陞江西

按察司僉事史權為浙江副使。命以浙江江西等布政司應
天并直隸蘇州等府成化八年存留稅糧支買花素段二萬疋
以內承運庫供應不給故也。命陝西都指揮使陳輝充右叅
將分守花馬池地方。乙酉荆襄總督軍務右都御史項忠上
疏辯証具乞致仕云。臣等肅將天威克平逋寇不意媚疾流言
至壻宸聽。今廷臣之所言兵科之所論兵部之所叅駁大率謂
臣等以良民作賊俘獲至京以無罪編氓謫戍于邊以文居流
民迫遣還鄉。至謂祛殺慘酷甚于夷狄。禁出早傷皆臣所致。又
謂報捷之章與上功之籍級數不符不宜陞賞。臣若不辯何以
自明。荆襄之寇若李胡子小王洪之徒千百成群久為民患。今
分兵悉捕而俘百人于京皆首惡也。兵科乃以為良家之子而
法司聽其翻異不知前時巡撫叅將等官累奏賊猖極難以制

禦者爲何人即賊之黨與不欲濫誅簡其丁壯請發戍邊而家屬從之非無罪者也流民附籍百無一二如光化縣陳長子者籍雖有之占山四十餘里招聚無賴千餘爭鬪劫殺常由之凡若此者可以爲久居而不遣乎若非近山州縣則固仍其附籍而未嘗遣也臣始以流民嘯聚揭榜論之謂剽襄山中已殺數千蓋張虛聲牀之使解散耳今計殺傷囚繫死者其實不過千餘較之往時官軍討劉千斤者殺教十萬人何如也兵科乃謂快于夷狄而致夢出旱傷亦可謂厚誣矣軍中報捷初未及詳斬獲之數或有冒濫其後核功定籍百不存一雖擒李胡子小王洪軍以將士爭邀首功臣亦革去不錄假如功少報多不能無弊今止報一百二十餘級反加叅數人豈服乎且爲兵部者亦嘗親歷其地親任其事矣今日之舉乃往日之遺患也若

以為今日之功不宜陞賞則往日雖擒劉千斤尚遺後患而得高陞厚賞者蓋亦少思乎今臣等已遣回流民一百五十餘萬請戍賊黨一萬二百有奇隨居家屬四萬八十餘人散遣官軍一萬五千餘衆境內帖然無事矣先時中外言事者皆厲荆襄禍患何日得寧今既無患而流言沸騰反以臣等為口實昔馬援征南而有薏苡之誣鄧艾代蜀而有檻車之徵非惟功不見錄身且不保今臣幸遭 聖明不加罪譴伏乞投閑致仕以終天年幸甚奏入 上批荅云荆襄事已成功雖有浮言朕所不取今覽奏章事理益明卿何嫌疑遽欲退避所辭不允忠奏雖辯然說者謂流民一百五十餘萬遣回何所請戍并家屬幾六萬人能生存者幾何恐以古人征伐要在平安安輯之言難乎免于公論矣○丙戌擢掌京衛武學事國子監監丞閻禹錫為

監察御史提調北直隸學校。○山西都指揮張俊守備大同左衛城。以去年冬虜寇入境，不能禦，鎮守總兵等官遣人往覈之。遣者受俊賂，為掩其實。致仕都督僉事張鵬以聞。俊因託奏。鵬事下巡按御史逮俊治。具伏坐守備不設，被賊入境，虜掠罪。減死充邊軍。鵬亦有罪，當逮治。都察院以具獄上，詔以鵬既致仕，置勿問。俊免。充軍降官二級，帶俸。差操。○丁亥，命封故占城國王槃羅菴全弟槃羅菴悅襲占城國王。槃羅菴全既為安南所虜，并朝廷所賜印符皆失之。其弟槃羅菴悅暫攝國事，奏請封爵。并乞印符禮部。請如正統間封世子摩訶奇奉事例。遣官往封。仍詔所乞與之。遂遣工科右給事中陳峻行人司行人李珊以往。○錄大同等處殺賊功陞賞將士有差。成化七年閏九月至八年正月，大同宣府山西延綏寧夏等處官軍先後斬獲首

虜共一百五十六級兵部覆竄擬上陞賞之例得旨九之而今
調度領軍等官俱從厚給賞于是總兵官撫寧侯朱衣都督許
寧都御史王越余子俊少監張暹各賞銀十五兩祿段三表裏
遊擊將軍都督范瑾等五員恭狩都督神英等三員各銀十三
兩二表裏督餉郎中谷琰叅議嚴憲各銀八兩一表裏把總都
指揮王玘等三十二員都指揮各銀八兩一表裏指揮各銀七
兩一表裏自都指揮以下陞二級者八人陞一級者四百五十九
人給賞者七千五百四十三人○新寧伯談祐以所部操軍私
倩人代事覺停俸三月○戊子福建鎮守等官奏有流賊千餘
攻劫銀礦掠取民財兵部請令三司等官捕之詔可○辛卯
孝莊虜皇后忌辰 奉先殿行祭禮遣駙馬都尉周景榮
裕陵○禮部言今年陝西岷洮等衛所奏送各獲番人共四千

二百有奇除給與馬直不計凡賞銀段八千五百二十四表裏
生絹八千五百二十餘疋鈔二十九萬八千三百餘錠濫費無
已正統天順年間各番進貢歲不過三五百人成化初年因限
汰等處濫以熟番作生番冒送已立定例生番許二年一貢每
大簇四五人小簇一二人赴京餘悉令回成化六年因按察司
副使鄧本端妄自招撫來貢又復冒濫本部復申例約束今副
使吳玘等不能嚴飭武備以守邊方惟通番人以紓近患宜降
勅切責俾遵前例若夷情難以阻抑亦須別白往時何以未少
之故奏聞裁處詔可○巡撫寧夏都御史徐廷章以成化八年
正月擊虜官軍功籍未上兵部擬陞賞格自指揮以下當陞一
級者三十五人其餘給賞有差詔可○停武平伯陳能成安伯
郭鏞祿半年能等奉勅提督官軍下場牧馬兵科給事中等官

點視官軍多不在場兵部因劾奏能鑛及把總都指揮等官湯成等六十八員管隊官五百三十二員不能用心提督牧放俱宜治罪得旨姑宥之能鑛及把總管隊等官停俸祿半年平鄉伯陳政以差未久置之。陞大同遊擊將軍都指揮使緜謙為後軍都督僉事以延綏斬獲首虜功也。命金吾右衛帶俸都指揮僉事薛敬子英代父原職本衛指揮使福建行都司都指揮使劉勝子玉代父原職福州衛指揮使金吾左衛帶俸都指揮僉事耿不老赤子瑞代父原職本衛指揮使故浙江都指揮同知王宇子良襲父原職温州衛指揮使。甲午禮部主客司員外郎曹隆主事康珩王琮下都察院劾時 皇后千秋節近禮部具奏誤書殿下作殿中有旨詰問尚書鄒幹等上章待罪有旨堂上官姑宥之而下隆等于獄皆治罪如律

卷一百五
終

明憲宗純皇帝實錄卷之一百六

成化八年秋七月丙申朔享太廟。遣內官祭司門之神。

命榜諭各道將領不許倚勢放債賣馬多收價利擾害遺軍從都察院議遣巡撫大同都御史林聰奏也。丁酉長蘆等處巡

鹽監察御史姜讓陳言二事。一近例漕運船回於濟寧儀真二

處盤驗私鹽沿河官兵則不許拘留擾害逆糧官軍因欲將所

載私鹽隨處發賣以致在途延緩稽誤程期且臨清南北各有

行鹽地方盤驗亦有常處。立濟寧可許盤驗不惟違法越境

抑恐發賣無餘乞以於臨清盤驗為宜。一長蘆小直沽二批駁

所收到餘鹽已多宜變賣銀兩以備賑濟戶部議具言皆可行

從之。賜秀玉見澍冠服及諸藥品從王請也。南京監察御

史吳禮劾奏巡撫南直隸右副都御史半亨擅入南京內府宜

寃其罪刑部移文南京刑部先逮其洗、鞠治從之。己亥
仁孝文皇后忌辰 先奉殿行祭禮遣駙馬都尉石璟祭 長
陵。兵部奏四川流賊攻劫定遠永川等縣殺死千百戶等官
宜停三司分守分巡官俸令戴罪勦賊制可。庚子兵部奏大
同各城之馬宜募人上納欲行河東運司每歲七十引納馬一
匹或納價銀十兩其冠帶事例全納馬四匹或價銀四十兩從
之。別有都昌王祁鑑奏欲徙居江西建昌其父刑憲王舊府
第不允。辛丑翰林院修撰張昇乞歸省親許之。癸卯大僕
寺卿牟俸奏各府州縣馬政雖有管馬官專治之而掌印正官
亦當總理三年六年考績併且稽其馬政以為殿嚴兵部覆奏
從之。濟陽衛帶俸都指揮同知楊智坐強奪操軍官馬革職
為民。甲辰改翰林院檢討李昊為南京禮科給事中待詔王

相為南京國子監學錄中書舍人獨孤高顯為光祿寺署丞吳
等皆預選以備所有官屬至是忻王薨故改任之○命襲封衍
聖公孔弘泰歸闕里弘泰襲封初 上從國子監丞李伸言遣
入國學讀書習禮嘗一遣歸奉祀仍俾其未至是弘泰懇以母
老病且久曠祭掃乞歸故允之○寧夏鎮守等官奏報虜寇自
五月以來屢從花馬池入興武營一路剽掠入畜分守叅將都
指揮羅敬守備都指揮黃瑀等不能防禦追剿兵部奏請下巡
按御史逮治從之○乙巳陞寧夏前屯衛指揮使仇理為番都
指揮僉事協守花馬池地方○丙午陝西隴州大風雨雹大如
鷄卵或如雞子中有如牛者五長七八尺厚三四尺六日方銷
是月州之北山吼三日裂成溝長半里尋獲合事聞命巡撫都
御史馬文升告祭西鎮吳山○修隆善寺畢工命陞工匠張定

位等三十八為文思院副使寫碑官尚寶司少卿任直遊為本
司卿司丞程洛為少卿於是工科都給事中王詔等言爵祿者
天下之公器人主之大柄所以驅策群臣制馭四海者也故古
之王者慎重乎此不輕畀人我朝稽古建官上自公卿大夫下
至倉務車局莫不各有定言官不濫授朝無倖位誠萬世不易
之良規也 陛下紹承鴻業勤法 祖宗于茲九載宜乎天地
位萬物育時和歲豐家給人足兵革不試四方無虞也柰何頻
年天變於上而星妖示見地變於下而江海泛溢或炎夏霜降
或平地阜出或猛虎食人或雨雹傷稼夷狄擾邊疆師久暴露
於外加以水旱相仍瘟疫流行各處軍民疾苦日甚一日於此
之時汰冗官去冗食以節國用以救凶荒猶恐緩不及事今因
寺成碑完而濫陞官爵如此彼西征北伐捐軀殞命之人將何

以勸酬之哉方其修寺之初臣等失於論諫固已獲罪於陛下不容於清議矣於此而又不言於身計得矣如祖宗設官之意何如天下後世公議何伏望陛下斷曰宸衷寢前命則名器不濫國體斯正矣上以成命已行不允○丁未陝西鎮守等官奏沿邊墩臺屯堡修築剝削已完其乾鹽池新築城堡遇警宜分兵防禦打刺赤古城乃虜賊出沒要衝之所可以駐兵欲移送烈孫巡檢司於此增兵防守從之○戊申命燕山左衛帶俸都指揮同知陳景廣東總督備倭○旌表孝子劉哲等四人節婦許氏等十一人哲直隸贊皇縣人父母沒哀毀踰禮結廬墓側習澗河南弘農衛軍母沒廬墓負土成墳楊輔山西平陽府指揮僉事母病瘡輔顯天求代遂愈既而又病瘡不食且將死忽聞人言曰爾子孝感死而後生果又愈張憲江

西餘十縣人仕桃源縣學訓導父母及繼母卒並廬墓三年俱
旌其門曰孝行許氏直隸吳橋縣民張本妻秦氏新樂縣民王
璟妻陳氏河南太康縣民崔福妻王氏民郭浩妻鄭氏民趙泰
妻匡氏洛陽縣民董雄妻王氏民董安妻趙氏鄭州民李讓妻
廖氏江西新淦縣民蕭嘉迪妻蔡氏新喻縣民廖益璧妻汪氏
陝西甘州中衛舍人高瑄妻並蚤寡守節無玷俱旌表其門曰
貞節○庚戌中元節遣駙馬都尉周景揚偉分祭 長陵 獻
陵 景陵 裕陵文武衙門各分官陪祭○遣內官祭 恭讓
章皇后陵寢○太子少保吏部尚書兼文淵閣大學士彭時等
言今天下水旱相仍人民缺倉山西河南陝西三處急於軍餉
而民愈苦京畿八府迫於追馬而民愈困鬻賣子女流離道路
者在在有之如是而不加存恤誠恐良善化為盜賊則邦本動

播而事日多矣然欲矜恤非八賙之衣食家與之金帛也但省
科派減力役寬秋夏之稅而勿徵弛山澤之利而無禁使民得
以休息營生是即安養之道惟在 聖心一轉移之間耳昔之
人君有言民吾子也安有子倒懸而父不為之解哉斯言也施
於今日尤為切務臣等於民情不能盡述謹條列一二於後伏
望 皇上念上天付畀之重思下民仰賴之切采而行之斯民
幸甚一皇莊之名自古無有景泰存藩邸之舊 皇上因東宮
之餘莊名曰皇固已非理然事因其實猶為有說近聞故太監
劉永誠所獻莊田亦欲立為皇莊深駭人情居者懼於騷擾不
已耕者懼為徵科過舊而街談巷議咸謂四海之內莫非王土
何獨以此謂之皇莊臣等竊聞外議如此恐不足為 聖德之
光乞以劉永誠莊田令戶部籍之俾居民仍舊耕種以息外議

一古者山澤之利與民共之不為厲禁此先王仁民之意也今畿內八府湖澤數多若非官有禁地即為勢家私莊但其間所產魚蝦螺蚌菱藕蘆葦之類皆天地自然之利今人民缺食又乏倉糧賑濟請命有司凡所在湖澤不分官私許令居民採取供食諸人無得禁利及抽分稅錢亦救荒之一端也一編民養馬已有定制計馬徵駒亦有定期但今畿內田土日狹人民艱窘孳牧虧欠遇遣官印烙其管馬官及詳長人等因而科擾於民實於馬政無益去冬詔令每馬四匹聽買一匹恩已寬矣然及今有司追併尚未能買補乞暫免今歲印烙仍行有司暫停折覈馬匹一順天等八府夏麥早傷秋成未卜乞教戶部早將夏稅勘實蠲免勿令有司推逼其他賦役有重難者許有司甲達暫行減免一近者戶部以將有事河套必須軍餉遣官往山

西河南陝西借逆糧車未免刻期取辦乞令暫遲侍郎陳俊以
大軍未出宜從緩行事已起首運赴軍前未行首量為停免庶
使三處之民稍得蘇息疏入 上批荅云卿等所言深切民情
馬政止以見有昔印烙其折買者停止劉永誠還官地朕自處
分餘令所司議行○辛亥江西都指揮僉事樂昇借逆糧備假
以造船料欵所部財物事覺下巡按御史鞠問如律○壬子徽
王冠 上遣襄城侯李瑾持節兼掌冠太子少保吏部尚書姚
夔替冠禮部左侍郎萬安宣初戒儀如常○癸丑 太宗文皇
帝忌辰 奉先殿行祭禮遣駙馬都尉楊偉祭 長陵○韓府
襄陵王冲烱初以所居遠地宗文衆多供給為難乞徙居江西
之建昌或浙江之衢州湖廣之德安屢請不已 上用廷臣議
欲徙之鳳翔王以去母園陵為辭至是復請徙事下禮部覆奏

上賜書諭之曰王累奏欲遷移以就供給下所司議謂各處王府分封已定歲饑民貧事難准行而王亦嘗自奏甘心舊居不顧外遣恐離母妃墳園及勞擾下人言猶在耳須守而行之終身不渝可也而今乃又有建昌衢州德安之請何哉專此以復王其亮之○南直隸浙江大風雨海水暴溢南京 天地壇孝陵廟宇中都 皇陵垣牆多頽損揚州蘇州松江杭州紹興嘉興寧波湖州諸府州縣渾沒田禾漂沒官民廬舍畜產無算溺死者二萬八千四百七十餘人○乙卯命凡一應公私湖濶勢豪之人毋得擅侵其利工部覆奏從大學士彭時等言也○丙辰分守延綏參將晉都指揮岳嵩率兵出境至定邊營大沙頭擊破虜營射死賊馬百餘鎮守少監葉信等以聞 上降勅褒之仍賜絲段二匹○命鎮守兩廣平江伯陳觀佩漕運印

充總兵官鎮守淮安○戊午太子少保吏部尚書姚夔乞致仕
不許夔奏臣今年已六旬疾病交遘力小任重屢致謬言雖謹
邪不行於 聖明之世奈投行起於三人之言顧猶侈然尸素
罔知止足其能免乎臣不敢遠引陳迹正統間刑部尚書魏源
年尚未及以病乞休特許之當時士大夫以為朝廷美事乞視
源例令解任還鄉以終殘喘不勝大願 上批答曰卿年力未
衰宜勉修職業以副委任不允所辭○監察御史張誥等言致
仕右都御史林聰廉謹公平素著清譽嘗賑濟山東淮揚并巡
撫大同俱有善政可稱亦可謂老成而忠良者適自大同來京
議事偶嬰風疾疏乞休致詔俯從之今聰疾已漸愈士論共惜
朝廷之上去此老成之臣且南京 祖宗根本之地都察院振
肅綱紀之司須得如聰者表率僚屬鎮服軍民庶緩急事宜可

竊謀議而中外人才亦各知所勸勉也 上命侍聽病痊日起
用之○廣西鎮安府土官知府岑永壽姪岑宗紹糾集土兵攻
破府治殺傷嫡母兄姪流劫鄉村巡撫等官撫諭不服又復拒
敵官兵都指揮岑瑛擒之坐斬○己未誅犯邊虜寇阿林帖木
兒于市○庚申命平鄉伯陳政佩平蠻將軍印充總兵官鎮守
兩廣○兵部奏先是安南國王黎灝奏稱鎮安府土官岑祖德
并欽州民越境侵擾兵部以安南國嘗爭奪廣西憑祥縣地縱
夷人趙海潛探珠池又為此奏恐其假此為辭以遂姦謀已下
兩廣巡撫等官勘實至是劾報言岑祖德以爭鬪事懷印逃居
鎮安峒峒民岑望為盜事覺逃入安南太原州通農峒祖德遣
人追捕不獲被交人毆之而還欽州民則未嘗有越境侵擾者
宜因其來使歸諭其王俾保境安民毋容納通逃遂非文過制

可○命故羽林前衛帶俸都指揮僉事王鐸弟銘襲兄原職本
衛指揮使遼東都指揮使孫能子鴻襲父原職遼海衛指揮使
廣西署都指揮僉事馬瑄子胤襲父原職桂林中衛指揮同知
○辛酉太子少保吏部尚書兼文淵閣大學士彭特稱疾乞致
仕不許特言臣始蒙 英宗皇帝簡拔置諸禁近之地繼蒙
陛下超擢加以崇重之秩受恩至厚省已何堪自是心口相語
誓竭螻蟻之誠用圖捐瘳之報奈何學不通古今之宜才不適
方圓之用倦倦忠愛徒切于中而論議謀謀一無可取近覩天
變非常外夷不靖下民窮困日甚于前未免私憂過計每與同
僚具本以代面陳而言乖謬違忤 聖心或留中不出或出而
事不皆行則臣之過昧迂拙即此可見如是而尚被優容濫居
論思輔導之職中心慙懼其何能安雖然猶冀懲修不懈國後

效焉誠以 陛下躬上賢之資智察群物無所不至一旦深思
上天付畀之重 祖宗創業之艱憤發聖志勵精治理則何
弊不可革何功不可成而濟世安民如反掌爾臣雖迂愚尚當
驅策不及以備任使以圖稱報於萬一豈忍違違初志浩然引
去甘老于山林哉第念臣稟氣素薄近來疾病交侵耳目昏積
精神衰憊日甚一日雖欲勉強驅策少圖後效而力有不堪者
夫居官既無所補有疾又不能去臣竊耻之惟當早圖退休以
避賢路使繼此進用者皆高才遠識可備緩急之用是亦臣區
區愛國之微忠也疏入 上批荅曰覽奏備悉悃誠仰宜益加
勉勵以副朕懷所辭不允○壬戌陝西寧夏地震○山東滕縣
民韓能造妖言惑人爭覺發克遼東三萬衛軍○癸亥廣東守
珠池奉御陳彝奏南海縣民為風飄至安南國被其國王編以

為軍其後逸歸言中國人飄泊被留及所為鬪禁者百餘人奏
下戶部請移文巡撫鎮守等官禁約軍民人等毋得指以高販
私通番國且令守珠軍人設法段備從之○泰寧侯陳涇卒涇
字文淵其先泰州人先瀛卒無子涇襲爵景泰末命掌南京前
府事天順初召還管神機左掖軍馬五年命充總兵官鎮守廣
西成化初召還管五軍左掖軍馬時言官劾南京成國公朱儀
因舉涇老成可任遂命協同朱儀守備七年命充漕運總兵官
至是卒涇無他才徙以會昌侯孫繼宗壻得進用在廣西以
數千軍為數百蠻所困大損國威罪重刑輕論者至今不平

明憲宗純皇帝實錄卷之一百六

明憲宗純皇帝實錄卷之一百七

成化八年八月乙丑朔命署都督僉事劉清於奮武營都督僉事柯忠於敢勇營俱坐營指揮僉事趙真於奮武營馬木於立威營俱犯總管操○丁卯釋奠先師孔子遣禮部左侍郎兼翰林院學士萬安行禮○巡撫山東右副都御史翁世資賑濟濟南青州等府飢民并復業人口一百六十二萬五千餘口凡用預備等倉糧五十四萬餘石給閒地一萬九千餘頃種子五萬七千餘石具籍以聞○戊辰祭太社太稷○陞浙江右布政使張瓚山東右布政使董昱四川右布政使楊琳廣東右布政使何宜俱為本司左布政使○革漕運理刑主事以揚州府知府周源奏歲旱民艱官多政紊故也○己巳加賜晉府故鎮國將軍鍾卿夫人楊氏食米歲二千石從其請也○宣府鎮守

等官奏報七月虜數入境探掠兵部請行總兵官顏惠等嚴兵
防禦其夫機內外官左監丞劉祥春御曹廣左參將李副及守
備指揮陶洪等俱宜治罪詔祥廣劉姑宥之令嚴備擊賊餘皆
逮問○庚午戶部左侍郎原傑以母喪去任○命寧晉伯劉聚
掌中軍都督府事○兵部奏巡撫陝西都御史馬文升奏虜賊
屢入靖虜平涼會寧靜寧等州縣殺掠宜移文武靖侯趙輔都
御史王越等調度軍馬相機剿殺毋徒擁兵自衛坐耗邊儲制
可○辛未擢翰林院庶吉士尹仁吳祚為監察御史仁浙江道
祚江西道○壬申復除按察司僉事林傑于浙江○命巡撫淮
揚等處右副都御史陳濂巡撫京畿八府兼理永平山海邊務
徙右副都御史楊璠巡撫河南塘初巡撫京畿繼又兼理邊務
以地方廣遠難於兼理兵部請以璠專撫京畿而別遣大臣理

邊務有旨舉材幹老成者代瑋兵部會舉二人以聞皆不稱旨
特以命濂而徙瑋於河南○癸酉命涼州衛都指揮僉事趙英
守備西寧地方○金吾右衛帶俸都指揮同知劉振群飲夜行
為邏者所獲下獄贖杖還職○甲戌 孝慈高皇后忌辰 奉
先殿行祭禮成國公朱儀承命祭 孝陵○乙亥兵科都給事
中梁璟奏近以延綏有事預徵山西糧草及攢運邊儲已經數
次今又行權預徵草豆起解秋青草草束每夫科銀多或至二十
兩歲旱民飢計無所出屢嘗陳奏戶部無所可否止行侍郎陳
俊處分代州等州縣振武等衛所軍民逃移道路者無日無之
若太原一縣五日內至有三百八十餘家人心驚惶地方可慮
乞發官銀六七萬兩補買草束或摘撥邊軍隨地採打而盡停
前役以蘇民困事下戶部議以馬山西所發內帑已多難於再

給宜仍令陳俊隨宜區處軍民逃移者令都御史雷復督三司
官勘實處之詔如議○丁丑陞尚寶司司丞蔣啟為本司御以
九羊任滿也○遣戶部尚書薛遠祭京都太倉之神○遣順天
府官祭宋丞相文天祥○敕兵科給事中郭鐘赴延綏等處密
訪行軍事宜兵部以西征將士未見成功議遣廷臣一人往勸
之 上以命鐘賜之敕曰比因虜賊入寇朝廷已命將出師聞
此虜六月間又來剽掠臨洮鞏昌平涼之境時趙英魯鑑等率
兵俱到安定會寧等處適逢其會乃擁兵坐視致令得利而去
今七月間虜復從花馬池入大掠環慶等處其時趙輔王越覽
軍已到花馬池而馬儀趙英魯鑑姜勝白玉陽詔等亦駐兵境
上許寧范理等又各領兵沿邊防禦使總兵等官果能運謀設
策併力夾攻必可大捷儻又失此機會縱虜出入如蹈無人之

嗟則邊患何時已乎朕念地方騷擾生靈荼毒宵衣旰食不遑
寧處特命爾呈馳以往逐一訪勘地方虜情若何總兵叅贊及
統兵等官調度若何勇怯若何何人逗遛不進何人坐失事機
何人竭忠效力真有為國為民之心何人推艱避難專為畏首
畏尾之計今宜設何長策作何處置其博采群議呈馳來聞○
戊寅陞南京工科給事中翁信為湖廣布政司右叅議○兵部
尚書兼翰林院學士高輅等奏今歲旱傷之處較之上年尤多
而山東飢饉之民比之他處尤甚即今秋收之際尚聞扶老攜
幼棄家流移冬春之間不言可知雖有巡撫等官在彼賑濟然
地廣人衆儲積有限兼之稅糧軍需馬政夫役等項此催彼併
未見優容而欲民受實惠免於流移不可得矣乞敕該部會廷
臣同巡撫都御史計議安民良策某府某州飢荒最甚某縣某

御賑恤宜急稅糧軍需何者當停何者當免馬政夫役何者當寬何者當減何處官糧可以借貸何處官錢可以借支納米冠帶之令或有可行召商中鹽之法或有可舉其他事無鉅細凡可以為賑恤之助者斟酌以聞仍令巡撫官宣布德意慰安人心嚴督所司賑濟招撫務使軍民安生地有寧安臣等又聞漕運糧船尚未過脾濟寧一帶河道淺澀或未能盡數到京依期回衛及至天寒冰凍或棄船逃歸或折船變賣似此情弊勢所必至乞敕大臣馳往濟寧上下趣令來京庶米歲運糧不致稽誤上可其奏遂命吏部左侍郎尹旻往督運船其納米中鹽凡可預備賑濟及賦役所當寬減停免者悉命諸司議行之○賜征進延綏達官軍舍都指揮于盛等五百三十九人八銀四兩沿途仍給米食日二升五合○己卯兵部言巡按陝西監察

御史蘇盛奏報臨洮鞏昌等四府境內虜賊深入殺掠人畜不知幾十萬計言之可為痛心其征西將士都督僉事楊紹止領兵七百餘累戰奪還八畜七千有餘以寡敵衆功足掩過都督同知魯鑑領兵三千嬰城坐視賊退方遣兵塞責功不足以贖罪副總兵趙英都指揮姜盛皆閉壘不出副總兵馬儀右都督白玉俱逗遛不進宜令英盛儀玉鑑俱戴罪殺賊以贖前過秦可○設湖廣平江縣長壽巡檢司○辛巳祭太歲風雲雷雨嶽鎮海瀆山川等神○遣棋手衛官祭旗幟之神○陞廣東按察使甯良山東左叅政王汝霖山西左叅政王儉四川左叅政馬馴為石布政使良浙江儉廣西汝霖馴俱本司○命宣城伯衛穎管後軍都督府事○陝西寧夏地震○宥分守延綏左叅政都指揮使錢亮死請戍邊衛亮分守延綏西路以師婆洲夫機

械至京下獄坐斬至是上奏分析法司以聞 上曰亮輕率寡
謀法當坐死但其初志本欲成功比與閉門不出者不同持宥
死發邊衛充軍○壬午巡撫山東右副都御史翁世資乞以其
子瀛為國子監生許之○巡撫湖廣右僉都御史吳琛奏都指
揮僉事胡璿提督馬政視常怠忽濫支官廩輒回原籍私營家
計都察院請行巡按御史究治其罪從之○癸未陞欽天監秋
官正楊瑛為監副時欽天監夏官中官冬官正及五官靈臺郎
翠壺正漏刻博士俱缺員吏部具本監長貳所舉堪任者擬其
名以聞原奏無瑛名既而內批出皆如所擬而陞瑛為監副○
命都督同知趙勝佩鎮朔將軍印充總兵官亟赴宣府擊賊時
虜寇宣府總兵官顏彪以病不能出戰兵部請別命將代之故
也○甲申翰林院編修董越乞歸省祭許之○廣東按察司僉

事陳貴免為民先是貴奏總兵官平江伯陳銳玩寇納賄諸
法事銳亦奏貴貪酷不德節制數事都察院詳議以聞 上宥
銳而下貴事于法司令侯勘問處治至是巡撫都御史韓雍等
劾貴事多實遂坐免○乙酉陝西榆林城地震有聲如風濤○
鴻臚寺序班魏完奏先臣致仕南京吏部尚書驥以今年正月
卒於家蒙 皇上遣官祭葬但先臣臨終語臣母曰我即死朝
廷賜葬必須辭免又嘗以手書遺臣謂沐 六朝厚恩墮一品
之榮乏分寸之報死後甚勿以葬事累鄉里今者 皇上念
先朝老臣特加優恤而臣於先臣遺命不敢棄違故敢昧死以
詩章下禮警辭葬固魏驥謙己之誠心賜葬乃朝廷卹終之盛典
惟 上裁處 上曰大臣不幸云亡朝廷賜卹典以為盡忠者
之勸非但為死者也今驥臨終遺言乃爾身之將死猶恐有勞

于民可謂純臣矣覽之良用惻然重違其志特從之○敕蘇州
永平山海密雲等處鎮守總兵及居庸紫荆倒馬屬門等關守
禦諸將各嚴兵備虜時虜寇宣府兵部尚書白圭等慮其深入
奏遣大臣經畧薊州等處并令居庸等關戒嚴奏上有旨大臣
不必遣當敕鎮守等官嚴備其移文巡撫都御史陳瀛亟往經
畫之○丙戌命雲南景東府土官知府陶瓚于洪襲職○丁亥
陞廣東右布政使周鐸為左布政使按察司副使呂洪為按察
使○都督僉事徐恕以罪請充遼東邊衛軍恕先充副總兵鎮
守大同嘗杖殺人用財買免為警家所發一時稱冤受害者二
十餘家巡撫都御史林聰以聞命官往會巡按御史勘實械送
至京法司覆審坐斬至是恕母吳氏乞恩請貸故有是命○戊
子撫寧侯朱永奏延綏擊賊時有旗牌官都指揮等十八人有

勞效乞量陞用事下兵部看詳覆奏命各陞署職一級○己丑
更金吾左衛帶俸都指揮僉事閻平姓名為王英金吾左衛指
揮使斃為張友燕山前衛指揮同知脫脫不花為栢英武城後
衛指揮同知白漢為崔墨錦衣衛帶俸都指揮使阿討刺為白
瑜指揮使愛牙思為張永阿力迭兒必失為馬玉指揮僉事別
吉為王玉俱以達官遣赴延綏擊賊乞更姓名故也○庚寅擢
進士黃璉鄭宏李鸞城瓊為南京給事中璉戶科宏兵科鸞刑
科瓊工科○陞浙江台州府知府阮勤湖廣武昌府知府程宗
為布政司左叅政陝西鳳翔府知府侯瓚為右叅政勤山東宗
四川瓚山西○辛卯命守備南京成國公朱儀祭告 太廟駙
馬都尉趙輝祭告 孝陵南京工部左侍郎李春祭 后土以
南京 天地壇及陵廟嘗為風雨所壞將興工修葺也○命故

廣東都指揮僉事徐昇子珍襲父原職廣州右衛指揮使福建都指揮僉事桂福孫宗代祖原職鎮海衛指揮同知貴州署都指揮僉事屠昇子翼代父原職都司衛指揮使○南京守備等官奏上南京錦衣等衛見在內府工作旗軍餘丁共七千一百九十九人欲依前敕令其復伍操練而諸司造作未完請旨處分詔仍舊工作○肅王祥埒奏虜入會寧縣境大肆殺掠原該護衛官軍今選調甘涼備禦及延綏征進者共二千四百五十餘人慮賊乘虛侵犯缺人城守乞以甘涼備禦之兵存留操守事下兵部請行巡撫等官勘實定議以聞詔可○壬辰陞廣東石城縣知縣陳綱為高州府通判潮陽人以監生授知縣有恩信及民且善捕盜總督軍務都御史韓雍及鎮守巡按官聯章奏薦遂擢用之伴隨副使孔鏞撫治夷民○賜總兵官都督

同知趙勝所領從征虜寇官軍都指揮黃欽等七百二十人銀
八一兩○癸巳旌異湖廣長沙府知府錢澍常德府知府楊宣
江西建昌府知府謝士元直隸隆慶州知州李鼎湖廣靖州知
州蔣洪浙江温州府通判余鼎實直隸保定府推官鄭傑湖廣
長沙縣知縣艾旻福建甌寧縣知縣喬銘俱給誥敕從巡撫巡
按官奏請吏部移文覈實故也○翰林院編修李東陽辰墓還
後任○修築淮安抵儀真瓜洲湖河堤岸衝決者一十五處

明憲宗純皇帝實錄卷之一百七

明憲宗純皇帝實錄卷之一百八

成化八年九月甲午朔○丙申命中都署正留守徐顯隆祭
皇陵署副留守李謙祭后土之神以風雨壞陵垣將興工修
葺也○擢監生鮑椿彭鑽黎昊為中書舍人○秀王有疾命御
醫齋藥餌馳往療之○運銀六萬餘兩於陝西等處以給邊儲
從戶部奏也○順天府府尹李裕以所隸州縣災傷陳寬恤三
事一每歲陵墳供祀薪炭皆順義等縣備給途遠費多民甚
不便乞令各陵守衛人戶採辦一大通橋至通州闊夫三百三
十六人河久不通舟楫兩應役如故乞量為減免一順天府州
縣津渡之處每歲水漲及天氣寒涇官司修造船橋以便往來
近為無賴之徒冒貴戚名色私造渡船勒取往來人財物深為
民害乞敕巡按監察御史嚴為禁止上皆從之○丁酉 孝

恭章皇后忌辰 奉先殿行祭禮遣駙馬都尉蔡震祭 景陵
○遣駙馬都尉石璟往南京祭 社稷山川等壇以風雨壞壇
垣將興工修葺也○戊戌占城國遣使臣樂沙弄來朝貢方物
賜宴并衣服綵段等物有差○己亥復除廣東按察司副使馮
定于陝西○安南國王黎灝遣陪臣裴日良等來朝貢方物賜
宴并衣服綵段等物有差○鎮守宣府右少監于勝奏比者虜
入永寧荊子村等境內殺掠其地逼近 陵寢宜備永寧指揮
韓晟提督山口指揮周謹後昇等及分守叅將陰傑守備永寧
奉御吳海俱宜究問事下兵部議以方秋寇警須人防守嚴謹
昇宜奪俸一年令戴罪立功傑海則當究治 上是之而宥傑
海罪○庚子敕大同左衛管操都指揮僉事秉剛守備朔州○
壬寅江西寧都縣學生員何京上禦虜車制言其車旋轉輕疾

一人可挽上掛鐵網前置拒馬刃網眼可發鎗弩進可衝陣退
可殿後行則斂之寬止三尺戰則展之廣至六尺每五十車馬
一隊用士三百七十五人或五百或千乘隨宜創置輜以濟藥
弩矢中者必死遇敵衆寡用無不宜兵部言今邊境沙磧曠深
溪澗險阻京所言車制未辨利否宜遣赴延綏軍前與總兵官
趙輔都御史王越等面議可否從之○癸卯命宣府總兵官都
督同知顏彪等支萬金都司官庫銀五百兩製銀牌千面給賞
有功官軍時彪與鎮守巡撫等官俱言往者師出無功由無賞
罰之柄今欲選兵訓練以俟調遣非用此給賞無以激勸衆心
故特許之○甲辰敕左僉都御史張綱往薊州永平山海密雲
居庸等處整飭邊備兼巡撫順天永平二府兵科都給事中梁
璟等奏比者兵部擬遣重臣一員整飭薊州等處邊備而未得

請但薊州密雲一帶外臨虜境內屏京師兵務廢弛殊非細故且畿內入府境土廣遠飢饉相仍巡撫一人兼理邊備卒遇有警恐悞事機乞以河間保定以南六府專委都御史陳濂巡撫其薊州密雲直抵居庸一帶邊關并順天永平二府屬境乞更舉重臣一員專督兼理巡撫之任詔報云畿甸內地恐任非其人徒為煩擾以此不用巡撫今爾等既以是為言其令該部即選才識練達者以聞於是兵部尚書白圭與吏部尚書姚夔舉綱故特任之○巡撫陝西左副都御史馬文升奏虜寇自夏及秋深入環慶固原境內四散抄掠勢日滋蔓署石都督白玉涼州右副總兵都督同知趙英各分兵邀擊之前後擒斬六級追獲被虜牛羊二十餘時總兵官武靖侯趙輔亦奏延綏西路指揮孫鑑閻威各率軍禦之於半箇城紅寺兒等處追還牛羊千

餘延綏總兵官許寧軍夜襲其營於境外鴨子湖殺傷甚衆奪獲其馬百匹以還章俱下兵部言虜衆犯邊首尾三月趙輔王越師行已久今唯聞白正趙英及閻威等略有得禦擒斬之功其餘俱擁兵袖手欲從舉劾但已遣給事中郭鐘察訪未報今且宜督責輔等力圖後效其趙英白玉等叢緣失機立功贖罪今宜宥之使益加奮勵從之○宥通城王府儀賓郭成罪初成以父卒於寧遠衝啓王欲奔喪不從乃潛歸湖廣按察司劾其罪上曰聞親喪奔赴人子迫切至情有不容已者非有他過其宥之○乙巳增設陝西西安府及同華等五州同知各一員咸寧等二十八縣縣丞各一員從西安府知府孫仁奏餽運方急故也○丙午代府鎮國將軍仕聖既削冠帶祿米逃往絳州靈丘王遜烜疏仕聖切失學乞宥其罪禮部請命靈丘王從之

還仍戒其母再違法而逃復請敕襄垣王仕樞宜除宿忿如禮
遇盡反愛之情 上從之乃降敕諭仕壻曰爾先奏鎮國將軍
仕聖謀害違法等情巡按御史曾都布按三司勘報止得其冒
犯之罪亦在赦前其餘皆誣爾不自懲復以前事舉奏有不相
容之意此豈待弟之道哉惟兄能反愛其弟則弟必敬順其兄
兄弟協和乃為盡道而交惡如此豈不有玷宗室耶朕已敕責
仕聖俾盡弟道爾為兄者亦須篤念同氣加之恩愛毋以小忿
乖大義毋以一事之失而結終身之怨翻然改悔庶可保全令
名王其慎之勿忽○敕諭安南國王黎灝勿侵越皆城境土灝
遣使臣阮德貞上書自陳言往因占城侵化州地故舉兵為援
由彼國人自相叛亡以取敗北耳 上乃令德貞齎敕歸諭灝
曰此者占城國奏稱爾國於成化七年二月間攻破其城執其

國王暨親屬五十餘人并劫其印焚燬室廬殺虜老稚不計其數朕以卑詞未可深信今得王所奏情詞各異但王國與占城勢力大小不待辯說若彼先啓釁端是不度德量力固為不義若王無故乘彼小釁輒興忿兵凌弱暴寡亦豈得為義乎致至王宜略其小失益悖大義將所虜人口盡數發還戒飭邊吏毋生事邀功興兵構怨旋致報復自貽伊戚庶幾天鑒孔昭永享令名欽哉○丁未禮部言通者太原地震有聲如雷厥象為兵今陝西多虜患而山西壤地相接宜嚴飭守臣防禦上從之○敕府軍左衛帶俵都指揮同知鄒宏守備黃花鎮昌平縣知縣吳迪言近以黃花鎮委居庸關守臣帶管鎮屬關兩軍士則屬長陵等衛事不歸一况鎮去山近關去山遠以鎮屬關似以近就遠比者山後烽警迭至應援為難乞仍令永安城守

臣提督或別命一將臣專守事下兵部言居庸守臣不離關口
皇陵守臣止在永安兩地兼掌俱未為便請舉京營都指揮
可任者既得旨遂薦宏用之戊申遣英國公張懋恭順侯吳
鑑駙馬都尉楊偉遂安伯陳韶伏羌伯毛銳清平伯吳璽為正
使史料給事中梁鏞戶科給事中施純禮科給事中黃麟兵科
給事中俞澤刑科給事中王銓工科給事中張琳為副使持節
冊封韓王弟偕潯為西德王通渭莊簡王庶長子鎮國將軍徵
鉢為通渭王夫人高氏進通渭王妃南城兵馬指揮胡銘長女
為鄭世子見滋妃秦府永壽安惠王長子公錕為永壽王夫人
傅氏進永壽王妃魯府樂陵恭惠王次子鎮國將軍陽鎰為樂
陵王夫人傅氏進樂陵王妃晉府寧化僖順王次子鎮國將軍
鍾鈞為寧化王鎮遠府知府陳寔孫女為岷府克城王膺銳妃

思明府通判劉順女馮黎山王齊鈺妃○甲處置荆襄流民之
令初有旨荆襄流民仍舊附籍而總督軍務都御史項忠復令
遣還原籍且令各處有司招使復業湖廣按察司僉事尚琥呈
于巡撫都御史吳琛以為欲遵前旨恐附籍者多後將難處欲
奉忠令復恐其散無所歸惠且不測請為裁處琛責其猶豫且
以報忠忠乃奏褫掠羨市恩飾詞避事及陝西等處副使等官
梁覲王齊旼等不亟奉行之罪乞再下各處巡撫等官申明
禁約惟流民願附籍者聽之應復業者仍遣之還毋得互相推
託以貽後惠戶部覆奏詔可時忠既以編遣流民致多道死屍
等故緩其事故雖為忠所劾而戶部不為究治時議亦不以為
非○巡撫寧夏右僉都御史徐廷章奏七月以來虜衆近邊日
遣輕騎啣散入花馬池靈州等境內抄掠且填塞井泉攻燬燉

優勢甚危急總兵官武靖侯趙輔亦奏寧夏總兵官都督同知
范瑾違邇不遵宜治其罪事下兵部併劾瑾廷章擁兵坐視宜
責令立功贖罪其總兵官趙輔并叅贊都御史王越並膺重任
莫效寸功亦宜移文督責從之○改常州府江陰縣馬馱沙巡
檢司隸靖江縣○夜北方流星大如盞赤色有光自勺陳北行
衝文昌後四小星隨之○己酉陞廣西按察使袁凱為廣東石
布政使刑部郎中王珪為湖廣石叅謀○太子少保兼吏部尚
書姚夔言南京及浙江等處守臣各奏今年七月狂風大雷雨
江湧海溢環數千里林木盡拔城廓多頽廬舍漂流人民溺死
田禾垂成亦皆淹損夫南京根本之地風陽王業所基淮浙財
賦所出災不虛發况自前歲妖孽示變四方多故水旱蟲傷流
移餓殍山東河南湖廣尤甚加之胡虜猖獗暴骨千里兵疲於

奔命民困於供億萬一姦人乘機扇亂禍將不測不可不預為
之防請命廷臣共條所以安民弭患急務事下禮部於是尚書
鄒幹會府部等衙門大臣議南京承平日久宜教守備恭贊大
臣整飭兵備毋視如故常四方凶荒之處巡撫鎮守者各練武
事以遏絕盜賊臨清地控京師鳳陽境接淮汝俱不宜無謀勇
武臣以總軍政浙江福建東南大藩連山濱海私盜鹽礦下番
者時時有之近亦俱罹水患福建又土阜突生災變非常亦宜
簡大臣巡撫其地又各處三司官多不勤政務民以急告輒相
推避展轉以至事滯民艱有如此者宜憲究治各處並海兵民
多以魚鹽為生如馱員貿易者槩禁捕之恐迫飢寒嘯聚成盜
宜戒所司勿捕惟禁其駕舟挾兵者災甚之地今年糧芻鹽課
類料秋青草束俱令勿徵邊關士卒率為主將私役宜憲究其

弊議上詔皆允行○福建福安縣劉洋銀坑礦脉已盡先以銀課分派民戶辦納至是有司請於新開上坪坑採辦代納其課從之○庚戌戶部奏定寧夏群牧千戶所旗軍月糧米鈔兼支本色米六斗折色鈔四斗如平慶等衛例先是本所糧米布中半支給有司言其別無征調虛費邊儲故請以鈔易之○從設陝西西安府常濟庫大使一員○陞番僧也舍堅繫崇教廣化國師給大興宛平二縣養濟院貧民布一千二百餘疋○辛亥巡按陝西監察御史王哲奏虜寇久據河套出沒無時自去冬至今羊夏凡三入鞏昌等府會寧等縣境內殺掠人畜近於六月間益肆深入南至通渭秦安等縣西至金縣等境殺虜尤多竊恐此虜得利而歸復圖再舉南必至秦州西必至蘭縣倘蘭縣有警則甘州西路梗塞秦州戒嚴則鳳翔西安動搖况虜每

入寇俱由安邊花馬池等境內往來其延綏寧夏守將徒擁兵
自衛未聞少遏其鋒近雖有總兵總督等官調兵分守延綏環
慶固原等處但榆林固原安會境土相距二千餘里彼此有警
卒難應援且蘭縣甘蘭二衛官軍先已摘選一千五百赴延綏
聽調及甘涼原撥兩班操備官軍亦俱留在邊守城數多不足
防禦兼之慶陽南通邠州去西安不遠西安係關中重地慶陽
係西安北門亦不可缺人防守今致仕吏部尚書李秉兵部尚
書王竑俱年力未衰識達軍屢立邊功乞將近調官軍分為二
路東路令總兵官周王越專理西路令一副將或起竑或起秉
專理而慶陽中路仍令都御史馬文升等如舊屯守蘭縣捕去
延綏聽調官軍則令掣回以足防守事下兵部言蘭縣防守宜
令鎮守巡撫等官勘議事情緩急具聞區處其欲起李秉王竑

分理軍務緣近已會議遣武靖侯趙輔克總兵官都御史王越
叅贊軍務調軍調討及敕都御史余子俊馬文升徐廷章等各
督官軍并副叅等官俱聽輔等節制恐將權獲分難以別議
上批答曰既有會議事理仍敕輔等用心調度軍馬殺賊○壬
子分守萬全石衛右少監顧雄右叅將署都指揮僉事蔣良等
奏虜賊剽掠小窟峯屯等處守備指揮吳信詹佑等悞事失機
法宜究治雄等亦自劾事下兵部言方係防禦之際若槩違問
恐缺人為用信等宜停俸半年令立功贖罪其守備奉御田真
協同都指揮使孫素并顧雄蔣良等亦宜究問但雄等皆引咎
取旨裁決命宥之○夜月犯天關星○癸丑命故左都督劉玉
子文襲陞父職錦衣衛帶俸指揮使時玉妻自陳文已自立功
為指揮同知以其次于武襲父職兵部議舊例不許重職故仍以

命文○巡撫延綏右副都御史余子俊等奏虜寇自成化五年以來相繼犯邊累次調兵戰守陝西山西河南供餽浩繁今邊兵共八萬之上馬亦七萬五千餘匹畧計今年運納之數止可給明年二月且今山陝之間旱雹所傷秋成甚薄每銀一錢止糴米七八升豆一斗買草七八斤財力困窮人思逃竄倘不預為計慮恐後患復生如此虜今冬不北渡河又須措備明年需費姑以今年之數計之截長補短米豆每石俱作直銀一兩共估銀九十四萬六千餘兩每人運米六斗共用一百五十七萬七千餘人每草一束直銀六分共估銀六十萬兩每人運草四束共用二百五十萬人往回兩月約費行資二兩共費八百一十五萬四千餘兩脫用牛驢載運所費當又倍之蓋自古安邊之策攻戰為難防守為易向者奏乞剗削邊山一事已嘗得旨

令於事寧之後舉行竊計工役之勞差減輸運戰鬪之苦欲於
明年摘取陝西運糧軍民五萬免徭給糧倍加優恤急乘春夏
之交虜馬羸弱不能入寇之時相度山界剗剗如墻縱兩月之
間不能盡完而通寇之路已為有限彼既進不得利必當北還
稍待軍民息肩兵食強富則大舉可圖其寧夏等邊又在守將
各陳方畧倘以所見未合仍事戰守須預備芻糧以防不給如
虜能悔過入貢乞聽輔等遣使招徠之事下兵部言供餽事乞
移文戶部措置剗剗山勢恐虜已近邊難於興作宜令輔等勸
議可否施行如虜能效順入貢速具以聞 上曰修築邊牆乃
經久之策可速令處治虜酋如不來入貢亦不必遣人招之○
甲寅陞禮部右侍郎劉吉為左侍郎太常寺少御俞欽為右侍
郎○復除浙江按察司副使王璘于河南○肅王祿埈游陽王

公鎔奏求藥品與之○命監察御史崔庭蕙復巡視遼關一
庭蕙巡視已及二年當代鎮守薊州總兵等官仍奏留之故有
是命○乙卯秀王見澍薨王 英廟第五子也母淑妃高氏景
泰壬申生天順丁丑冊封為秀王六年九月之國于河南汝寧
府上孝反溫和言動不苟至是薨年二十有一訃聞 上甚哀
悼之輟朝三日賜祭葬如禮 上念王乏嗣不忍遐棄遣中官
奉迎靈柩歸葬于京城之西山謚曰懷○以巡撫山東右副都
御史翁世資為戶部左侍郎太僕寺卿年俸為都察院左僉都
御史巡撫山東○以福建左布政使劉敷廣東左布政使張瑄
為都察院右副都御史敷巡撫浙江瑄福建○陞廣西按察司
副使吳綽為按察使○改給沁源王祿米折色內一百石為本
色從王請也○巡撫陝西左副都御史馬文升等奏虜賊字羅

忽於六月內乘我大軍未集擁衆深入固原安定會寧環慶等處蓋以道路平夷居民富庶寨堡踈遠戍守乏人不入則已入則必獲厚利竊計其入寇之路自安邊定邊花馬池興武營進至萌城鹽池約三百餘里自萌城草州分爲三路東則自東打狼山至鎮原平涼中自胡盧峽至固原靜寧西自雪山鳴沙州至安定會寧遠近廣袤四方千里路遠地偏兵分勢寡實難應援竊觀蘭縣係甘涼之喉襟固原爲平鞏之屏蔽而平鞏又關陝之藩離平鞏有警則關陝震驚而固原一帶尤不可無備且天順間毛里挾入寇之時曾遣將統兵於此戰守乙以初擬調征榆林京軍二萬命將分遣萬人會甘州兵併守固原而以馬儀所統花馬池軍五千分布會寧等處及都指揮姜盛所統疲兵千人歸守蘭縣俟春深搜套之時併遣以往事下兵部言陝

西屬衛軍餘數多尚堪簡集為用京兵未宜輕動馬儀姜盛諸
軍宜令總兵趙輔勸議緩急便宜區畫仍行劉祥等招募義勇
或舍餘人等給以月糧教練操守從之○後設寶源局大使○
巡撫陝西右副都御史馬文升奏虜寇犯邊勢將深入比命議
調大同宣府甘涼諸軍征剿今年四五月間此虜出沒榆林左
右六月初後大掠花馬池安邊營境內其大同遊擊將軍范瑾
方克寧夏總兵使能聞命即趨率兵至高橋屯駐延綏總兵官
許寧聞賊西行率軍至安邊營按伏虜衆知我有備豈敢長驅
直至鞏昌而瑾延至八月方抵寧夏寧徒擁重兵深居清平堡
內雖受總兵趙輔督責終不能到安邊及分守莊浪都督同知
魯監涼州副總兵趙英都指揮姜盛甘州副總兵馬儀或遇虜
退避不戰或率師逗遛不行太監劉祥右都督白玉昇臣等俱

不能鎮撫致此寇攘請先將臣等治罪仍令科道官備劾寧等
六人重加刑憲庶警將來事下兵部言許寧與白玉等先已令
戴罪救賊今邊務方殷難槩更易宜併行給事中郭謹訪察聞
奏其太監劉祥不總兵務難以責備馬文升不能防患禦寇及
見事不能支方糾舉諸人并引咎自解不為無罪宜行文升令
與白玉等合謀禦寇務圖成功勿更疎虞以罹憲典奏入從之
○山西按察司僉事賈俊奏瀋頭寧武鴈門三關俱邊塞要地
偏頭突出二關之外西近河套東接東勝尤為要害守關馬軍
三千既皆以大同步兵代去陝西聽調及代州寧武馬步官軍
亦盡調西征况三關地勢相聯而守備將臣不相統攝且久處
承平失於訓練往歲大同有警命大同寧武代州三路合兵進
剿然總制無人號令不一臨事却顧卒難成功今虜衆一據河

套迤西一揆東勝迤東似有謀約必須預防倘河冰一凍兩虜
勢合恐三關不教之衆難以當之乞遣一大將假之重權使總
制三關兵馬仍乞選馬軍量給各關及時訓練以備戰守事下
兵部言鴈門寧武二關已有鎮守代州都督王信提督難更增
設惟偏頭去代稍遠宜令都指揮戴廣專守一關與二關互相
保障及敕巡撫山西右副都御史雷傑至冬兼督三關至春仍
理巡撫從之○巡撫陝西左副都御史馬文升奏比奉旨招募
義勇五百土達四百餘俱乏馬乞於河南山西近陝州縣選馬
四百給之事下兵部言山西近亦缺馬宜止於河南近屬州縣
選給從之○丙辰鎮守靖虜固原等處叅將都指揮周海分守
都指揮宋琪倪珍及指揮常謙以守備不設致虜入境剽掠事
下巡按御史鞠問例應請成上命宥之各降三等調邊衛帶

俸差操○丁巳免定邊神武通州三衛採運秋青草一萬三千二百餘束以軍多逃亡故也○陝西都指揮使鄭雲守備靈州累被虜賊入境殺掠人畜隱匿不報事覺下巡按御史鞠問坐罪發邊衛充軍○戊午命襄城侯李瑾代祀南京 天地壇及孝陵以風雨壞壇陵垣將興工修葺也○命宣城伯衛穎守備鳳陽賙之敕曰朕惟鳳陽乃 祖宗陵寢所在其地至重近來水旱災傷人民飢饉慮有他虞今特命爾守備地方防禦賊寇其鳳陽等九衛所并附近壽州等衛官軍悉聽爾提督操練遇有賊寇生發相機撲滅及督各衛所巡捕官軍用心緝捕如官軍數少量選精壯餘舍每月給與口糧三斗相兼操守俟年豐之日奏請定奪其撫恤流移賑濟飢荒督令軍衛有司設法整理凡有弭寇安民長策聽與彼處巡撫等官計議斟酌而行

事體重者具奏處置務俾地方無虞用副委任○海西兀者前等衛野人女直都指揮都里吉等奉朝貢馬及貂皮賜宴并金織衣綵段等物有差○庚申陞監察御史張敷為廣西按察司副使○巡撫遼東石副都御史彭誼等奏八月間虜衆殺掠刺榆塌并核桃山等處修築邊牆軍士一百六十餘人都指揮鄧鈺王昇等不領軍防護副總兵韓斌亦失躬親巡督致悞事機俱宜究治事下兵部言鈺等宜行巡按御史逮問韓斌論法亦宜究治但恐此虜乘勝復來缺人防守宜行令戴罪殺賊以贖而太監葉達總兵官都督同知歐信及都御史彭誼等擅興工役不嚴守護罪亦難宥取旨裁處 上曰韓斌葉達等姑宥之修築邊牆守邊要務今後用工之際務嚴謹防護不許輕忽○辛酉改除苑馬寺御熊瓚為陝西行太僕寺卿以丁憂起復也

○命進進趙英等一百二十四人歸省○陞都指揮同知王信
為署都督僉事鎮守臨清地方○壬戌北虜字羅來降貢馬八
十五匹命為廣州前衛副千戶○癸亥以明日十月朝遣駙馬
都尉周景王增分祭 長陵 獻陵 景陵 裕陵○遣內官
祭 恭讓章皇后陵寢○擢進賢縣知縣呂聲為太僕寺寺丞
○平虜將軍武靖侯趙輔叅贊軍務右都御史王越等奏虜寇
被我軍追奔出境日夜東行今方秣馬厲兵思與一戰竊恐此
虜雖內懼剪戮不敢邇邊而外避擊敵不能北渡邊延河套又
復經冬老我師徒弭患無日夫禦戎之策不過攻與守而已今
欲攻之必須搜套緣河套之內延袤二千餘里而從征軍士止
餘二萬所選近邊精兵亦然調遣不足須得京營山陝精兵十
五萬分道並進庶可成功應用芻糧宜區畫以待進攻之策大

略如此但今議者皆云延綏兵禍連結供餽煩勞國賦邊民窮竭甚矣重復科徵恐生內釁倘念邊務之勞暫為退守之計宜即散遣從征軍馬量留精銳就糧廊延等城以便防守沿邊軍民悉令內徙山崖舊堡深藏避寇其寇經之路多設坑塹密置釘板蒺藜以為險阻山頭多置烽火以相傳報仍從都御史余子俊所奏鑿山築牆以為保障其寧夏花馬池高橋兒境內沙漠平漫難於修築宜令都御史馬文升徐廷章等於萌城鹽池諸處量度形勢浚壕築塹必不敢懸軍深入而甘涼被調諸軍亦且量留精銳就糧固原等城以為陝西藩屏退守之策大略如此此外或移城就水拓地據河等策非一須及事寧區處事下兵部尚書白圭言輔等統兵七八萬眾未聞有一天之捷乃稱追奔出境務為誇大且既膺閫寄或攻或守宜定計以行

何乃依違陳乞首鼠兩端自揣事勢不支欲推避之計請令大
武大臣會議可否 上從之於是議者皆謂此虜深入邊疆二
千餘里單人匹騎驅我人畜數千邊臣守將俱擁兵自守莫敢
嬰其鋒及輔等兵已至邊虜復大掠延慶不能少禦益兵攻剽
事將誰欺且既欲進攻又稱險遠方張聲勢遽懇艱虞兩可其
詞聊且塞責其言退守內地欲量選精兵分屯邊堡少甦民勞
似為得計然大敵在前我軍退却恐亦非宜但軍中事機理難
遙制宜勅輔越會同三邊巡守統兵之臣量度事情具陳方略
上曰詎險守備宜速為區畫虜賊不退須發兵搜勦仍令趙
輔等會議以聞

明憲宗純皇帝實錄卷之一百八終

大明憲宗純皇帝實錄卷之一百九

成化八年冬十月甲子朔享太廟○道內官祭司井之神○
丙寅陞兵部郎中范文為廣西布政司右叅政○巡撫寧夏右
僉都御史徐廷章等奏八月以來東路興武花馬池虜衆出沒
屢入靈州永隆墩境內殺掠守備署都指揮同知蘆茂於歡喜
嶺追襲敗之事下兵部尚書白圭言蘆茂失誤事機然能奮勇
追逐僅可贖罪且總兵官趙輔都御史王越比奏此虜已被追
奔出境今寧夏守臣復奏虜每化邊顯是輔等大言罔上而遊
擊將軍祝雄徒擁虛號不立寸功宜令輔等并寧夏巡守總兵
遊擊等官各議方畧務在成功從之○兵部奏比者延綏寧夏
虜寇不息而宣府獨石古北口諸邊警報迭至遼東亦被殺掠
築牆丁夫雖嘗取旨戒飭但今冬寒正虜馬彊弓勁之時又恐

冬至正旦將近各邊守臣耽溺宴遊或私役軍士出境樵獵以啓邊釁更乞降勅諭令倍加防守從之○丁卯陞刑部員外郎諸正監察御史胡靖南京監察御史余諒為按察司僉事正廣東靖江西諒福建○停僉南海子貼助海戶一年以順天府尹李裕言也○巡撫湖廣右僉都御史吳琛奏湖廣起運南京糧每石加耗米至七斗五升民不能堪請量減其數王府歲祿俱徵晚稻米而湖廣產少民以常米易于他州石加十之三四不勝疲敝請令槩收常米庶使早荒之後民困少蘇戶部議運糧加耗待勘報處之王府歲祿宜令暫收常米從之○戊辰選行人劉肅林符于大節知縣張蕙素禎陳英劉濬楊峻翟瑄丘山于都察院問刑○己巳禁山東河南及真定府起運京儲不許折價時各處部運者以河漕賈繁折銀至京糴納以致米價騰

躡而銀不足又累乞增補戶部請移文禁之詔可○壬申命榆
林城等處夜不收官軍朱受陸等一百九人應襲補者俱陞一
級以巡撫右副都御史余子俊等言其死於邊事同陣亡例故
也○誅犯邊虜寇把克孛羅於市○癸酉陞雲南右布政使路
璧為福建左布政使○鎮守寧夏總兵官修武伯沈煜被召還
京命帶俸隨操○甲戌以順天府早減五府所屬并親軍等衛
採取秋青十分之三○丁丑 皇太后聖旦 上率親王上壽
受命婦朝賀賜百官宴于午門○勅廣西按察司僉事葉淇專
於賓州禦寇以巡撫右都御史韓雍等言賓州徭寇經行要地
宜委按察司官一員常居其地往來柳慶遷江上林南寧宣化
等境防守故也○平虜將軍總兵官武靖侯趙輔復奏比傅聞
虜寇知我軍馬大集移營近河潛謀北渡迨今兩月不來入寇

意者其不戰自屈乎但大軍所至留糧缺供况山陝荒旱衆庶
流移遍地早寒凍餒死亡相繼彼督餉者惟恐缺食典兵者惟
欲足兵民事艱危所不暇恤曩所上攻守二策以今觀之攻在
所難蓋議攻者或泥於兵法或狃於傳聞不失之易則失之迂
卒欲舉行未見其可莫若姑從防守之策省兵節費安民三者
俱便乞量留從征軍士於各邊要害就糧屯駐虜如北歸即各
遣還伍如復入寇就令彼處總兵等官併力拒之仍行各邊巡
撫等官乘春鑿山築墻以為久計臣等居此勢既難行事殊無
益亦宜暫且還京俟圖再舉章下兵科駁議輔等奉命討賊不
建寸功繆為不戰屈人之言以自誇大今寧夏寇警未息正其
効力之時乃妄乞旋師事屬欺罔法宜究治叅贊軍務右都御
史王越奏亦與輔同兵部言輔越七月間至榆林繼至安邊虜

寇方入慶陽環縣大掠畧不遺兵少挫其勢而寧夏延緩警報
日至虜未退却可知且勞民餽運本為安民今乃坐耗邊儲無
益於事方陳進攻之計又病搜套之難逆其所言自相牴牾縱
使虜情少却亦當圖為久遠之防儻我軍既旋彼復入寇失機
誤事責將誰歸且請兵之奏甫行而班師之疏繼至欺君負國
法不可容宜速至京究治以雪邊人之怨但給事中郭鍾往勘
未報姑俟其還且問區處仍行輔等悉遵本部前議留從征軍
馬精銳者守邊餘皆量就便地其修築邊牆令各邊守臣審度
舉行從之○戊寅夜月食○庚辰順天府府尹李裕言本府所
屬宛平大興二縣多有玩法之徒詐稱奉各衙門差遣往往挾
勢囑託又有在外詐稱內府差去催辦公務遇吏胥人等需索
酒食財物多被逼迫逃竄乞勅都察院懸榜禁約後有若是者

無間真偽械送法司明正其罪庶使人知警懼奏下都察院議
如所言從之○辛巳 誠孝昭皇后忌辰 奉先殿行祭禮遣
駙馬都尉蔡震祭 獻陵○增設湖廣常德府新店遞運所○
壬午戶部議覆巡視浙江工部右侍郎李顯等上言水災事宜
其一浙江歲辦猪鴉麻鐵之類皆內府歲例急用之物不可停
止宜改納於無徵之處年豐如舊一浙江原派兌軍糧六十萬
石其被災無徵五萬二千二百七十石嘗議折銀者今無銀可
折宜免之一舊例杭嘉湖紹金衢嚴七府戶口食鹽官吏市民
納鈔鄉民并寧台溫處四府槩納米亦詔俱納鈔今水災納鈔
不便宜今復舊一各處軍民納米二百五十石者給正九品散
官每加五十石則增二級至正七品止一三司并各屬吏兩考
役滿納米一百二十石者即撥京考三百石者免京考冠帶辦

事民間子弟有願充知印者納米二百石承差一百五十石參
三司吏一百石各府運司七十石各司府經歷司及九品以上
衙門五十石雜職衙門三十石舉保僧道陰陽醫官二百石軍
民納穀五百石者請勅旌異為義民三百石者立石并給復其
家議上從之○癸未巡撫大同右副都御史殷謙奏大同邊儲
事宜一先開中兩浙鹽每引納大同雲川場草五束朔州六束
玉林威遠四束河東鹽每引納大同雲川場草一束六分朔州
一束八分玉林一束五分今天早草貴無上納者請兩浙減二
束河東減其奇數一山西行都司并大同府衛自真犯死罪外
其軍職軍民并文職官吏一應罪囚俱納米收贖今糧頗足用
而草甚缺請以納米例改革徒至流自三百束始每等遞加五
十束雜犯死罪一千束杖五等自一百三十束每等遞加三十

束吾五等自二十束始每等遞加二十束俱納於大同左右威遠三衛一山西十五衛所七軍應納子粒除揀選官軍操備及旗軍免徵外其餘應納米者每石折草十束俱納各衛以准該年屯田之數戶部覆奏從之○巡撫甘肅右副都御史婁良奎肅州南接羗戎北通胡虜西通番戎最為要地守備都指揮僉事彭程乞降勅重其責任庶夷虜畏服從之○乙酉雲南署都指揮僉事范宗守備永寧納部下賂遣御史逮鞠宗左右得實既而遇赦宥都察院請仍追原贓給主令還職帶俸差操從之○丁亥陞雲南布政司右叅政俞鐸為右布政使四川按察司副使高瑛為按察使○朝鮮國王李娣遣臣梁順右等奉表貢馬及方物來朝賀 萬壽聖節○廣西等道監察御史楊守隨等以災異邊警上言九事一京師城隍溝渠久淤不浚夏秋兩

滂公私廬舍多壞。明春調軍浚隍而令居民自治溝渠。一公侯伯率由陰補糜費厚祿請更於十二營內建一營令諸應襲子姪并武職之帶俸者日習武藝踰年試其材而任用之一京師北邇邊霽永寧又其要地黑峪荆子村阨塞數十處兵多調遣西征其留戍者又率為將校私役致虜乘虛肆掠有直犯城下者請亟簡都指揮一員暫並以兵往鎮守之一京畿歲比不登民甚困乏請如上年例以京通倉儲糶二三十萬而保定等府縣則急發公帑勸富室以廣賑恤仍戒有收處毋過糶其牛具種子令有司給之一虜聚西陲守將各擁兵自衛畏縮難用而天下亦豈無將才未用者請詔兵部檄所司各察其官屬之謀勇者舉送試用其有抱文武全才堪大將者則明著其實以俟特擢一各處饑民或假名復讐借貸行劫所司多匿不以聞

遂致滋蔓如滿四劉千斤是已請道戒有司備禦撫安盜發則則亟撲滅之母養成大患一貪濫官吏過因天變慮有枉抑許再詳遂致混瀆幸而復官甚非常法請已許辨者毋得更辨已復職者勒令開住一邊將遇寇輒堅壁不出及出戰又多奪兵士首功付其私人而怯懦將校亦往往有市首級以為功者請勅叅贊等官司其人畏縮失機即奏遠重罪之紀功官務審驗其實毋令冒報一團營兵最號精選亦多老弱且其數不足此皆將校之弊請勅兵部嚴加校閱毋徇情作弊更密詔給事中等官時點視之庶兵足而緩急可用詔下所司議之○平虜將軍總兵官武靖侯趙輔以疾乞代兵部言輔自揣事情重大不克勝任以疾乞代恐虜酋知我主將衰病乘隙入寇或從所請選命將臣一人代之使還或仍留輔以終其事有旨趙輔不允

代回仍令盡心調度殺賊○戊子賞保定河間各衛從征陝西
官軍銀八四兩○巡視京倉監察御史吳道宏奏京師米價騰
踊實由官軍月糧於通州支給且銅錢貿易揀擇太過請自十
月以後俱給京倉而嚴禁揀錢為便又總督漕運官不督所部
縱其沿途留滯作弊多端漕法日弛請勅戶部會官遴選黜其
姦庸而進其才能者代之戶部議倉糧銅錢二事宜如所奏其
欲黜總督漕運官蓋指都御史張鵬而叅將袁佑亦嘗為給事
中俞俊所劾此皆文武大臣請自 上裁詔准議總督叅將治
事如故○夜西方流星大如盞赤色有光自叅宿西南行至狼
星旁尾跡炸散後三小星隨之○己丑陞通政司左通政楊穉
為太僕寺卿○開設福建永安縣醫學○陞南城兵馬司指揮
張寧為應天府治中以九年任滿也○鎮守岢嵐太監吳旺

奏黃花鎮地近已有都指揮鄒宏守備其餘如驢鞍嶺隘口二十餘處屬居庸者道里隔越難於提督恐臨事遲誤兼舊掌神鎗火器在鎮俱乞覆分而宏亦言鎗砲未敢輕用欲乞取回事下兵部言黃花鎮迤東隘口宜令鄒宏防禦迤西令居庸關內外守臣防禦鎗砲則量留在鎮餘如宏奏 上曰鎗砲不必取回仍遣內官一員同鄒宏守備○夜東方流星大如盞青白色光明燭地自女床行至天市垣東○辛卯貴州總兵官都指揮同知吳經奏九姓長官司土官蒙存與其族人蒙理互相讐殺攻燬司治不遵撫治乞加遠問事下兵部言蠻夷讎殺恐因而煽惑為患宜行鎮守總兵巡撫三司等官悉心撫諭如強橫不服遠問如律從之○延綏遊擊將軍都指揮同知祝雄奏虜入延綏鎮靖堡殺千戶黃琮執夜不收以去事下兵部言此者趙

輔王越累稱虜衆遠遁亟欲攸師今境內官軍潛被殺掠必能
覘我虛實大逞入寇之謀宜令輔等率兵追勦毋徒坐視以貽
邊患從之



大明憲宗純皇帝實錄卷之一百一十

成化八年十一月癸巳朔欽天監進成化九年大統曆 上御

奉天殿受之給賜諸王及文武羣臣頒行天下○以明日 萬

壽聖節遣駙馬都尉周景王增謁告 長陵 獻陵 景陵

裕陵○甲午 萬壽聖節 上詣 奉先殿 皇太后宮行禮

畢出御奉天殿文武羣臣及四夷朝使行慶賀禮○丁酉遣內

官祭 恭讓章皇后陵寢以是日忌辰也○宣府總兵官都督

同知顏彪秦比者虜寇夜入逸東瓦窰屯殺掠人畜防邊指揮

便陳濬等追之不及其宣府指揮僉事趙勛史瑄等官俱係戍

守邊墩而陳濬復被調領軍防禦怠忽誤事俱宜究治臣等亦

皆有罪事下兵部言此虜得利而去未嘗少被挫衄必將復寇

乞令彪等嚴加防禦勛等宜行巡按御史遠問如律且彪及都

御史鄭寧不能嚴督防守亦宜究治詔宥彪寧餘如所擬○戊戌定遼東開中鹽米則例兩淮運司成化五等年所中餘剩并存積鹽二十萬引每引米一石二斗兩浙運司成化三等年存積鹽二十萬引每引米九斗長蘆運司成化七年存積鹽三萬一百六十一引每引米四斗河東運司存積鹽二十萬引每引米三斗以預備邊儲從巡撫都御史彭誼請也○命南京文武官員折俸布暫改折豆先是南京戶部奏各倉料豆約計足用十有三年以次支給恐多腐爛已嘗有旨間作南京文武官吏旗軍俸糧之數然官軍俸糧每年兩月兼支小麥四分一月兼支鹽二分又兩月折支絹布茲復聞支料豆則用愈不給且庫藏收貯賞賜軍士布少而京官往往糴買馬豆宜止將料豆准京官折俸布每年一次待支豆既盡折布如舊其吏典旗軍月

糧俱仍與本色為便事下戶部覆議以為料豆除存留足支五
年外餘改折官員俸布自成化九年為始從之○己亥戶部奏
歲漕京倉米四百萬餘石今年將盡尚有未到者一百一十餘
萬石請貯於天津等五處水次倉以俟支運又恐糧數既多收
貯難久宜令在京官吏旗軍原談通州倉食糧者悉於天津倉
預支明年正月五月俸糧石與腳價銀五分疏上命俱與假半
月令自往支仍禁沿途糶賣以絕他弊○庚子賜朝鮮國朝賀
陪臣梁順石等宴并金織衣絳段等物有差○勅都督同知鮑
政佩平羗將軍印充總兵官鎮守甘肅○辛丑鎮守寧夏總兵
官都督同知范瑾奏北間虜酋亂加思蘭外畏阿羅出讐殺內
懼我兵攻勦待河冰一合欲西走甘涼而寧夏孤城是其歸路
乞及今河冰未合之前行令總制各路軍馬總兵叅贊暫分一

員防守西路或至冰合之際將原調赴河東官軍掣回城守仍
乞如侍郎葉盛所議以涼州莊浪軍馬悉調葫城抵高橋一帶
協守事下兵部請行令趙輔王越會同范瑾徐廷章等酌量緩
急臨事區畫從之○壬寅命給遼府故輔國將軍豪打夫人樊
氏食米二百石樊氏嫡長子恩鏐已封奉國將軍而幼未給祿
乞以所賜米二百石內免折鈔故有是命○戶部奏御馬等倉
缺草請將太倉折草銀召入中草糶糧銀召入中豆其壩上諸
倉穀草計一百八十一萬五千束束價三分黑豆六萬二千八
百九十五石六斗石四錢碾熟穀草五萬五千束束三分二釐
菜豆一千五十石石六錢淨石橋諸倉穀草七十一萬八千束
束二分五釐黑豆三萬三千六十石石三錢八分菜豆四千二
百二十石石六錢疏上從之○兵科給事中郭鐘奏總兵官武

靖侯趙輔風疾未痊恐誤邊務宜別選將臣代回章下兵部以
輔嘗乞代不允取旨裁決 上批答曰輔初稱病恐有推避故
不允今鍾奏既實其即推堪充總兵者一人代之○甲辰以明
日冬至節遣駙馬都尉周景蔡震祭 長陵 獻陵 景陵
裕陵文武衙門各分官陪祭○遣內官祭 恭讓章皇后陵寢
○己巳冬至節 上詣 奉先殿 皇太后宮行禮畢出御奉
天殿文武羣臣及四夷朝使行慶賀禮 皇太后 皇后俱免
命婦朝賀○巡按山東監察御史徐英奏八月間虜賊千餘分
道入懿路迤西剽掠人畜備禦都指揮僉事佟昱率軍五百追
至豬兒山與戰斬首一級獲其馬八匹被傷官軍七十餘人陣
亡者三人昱備禦不嚴宜寃問但以寡敵衆兼有斬獲微功事
下兵部言鎮守總兵等官俱嘗奏呈功欲量與實勞但以被虜

人畜并陣傷軍士數多兼隱匿賊情久而方奏其功僅可贖罪從之○丙午文武羣臣朝親王於奉天門東廊○丁未巡撫山西右副都御史雷復奏比奉勅選調山西屬衛守城屯田軍士協守偏頭關但墩堡數多分守不給乞令三關下班官軍俱暫赴偏頭并力防守守備偏頭關都指揮使戴廣亦奏近獲虜中人言虜酋小石有衆二萬欲入遼剽掠事宜預防章俱下兵部言此虜今居東勝通迤偏頭入寇之計恐不虛傳本關馬軍三千先因趙輔等以大同步軍五千易去今步軍之數雖存但便於守城而不便出戰宜令輔等即以所調馬軍三千遣回守關其三關下班官軍則令協守從之○巡按陝西監察御史蘇盛奏今年六月虜衆入平涼靖虜等境前後殺掠一千七百六十人馬騾牛羊十萬五千七百餘以去指揮黃慶陳泰等失於防

禦罪宜究問章下兵部言慶等固宜究治但虜方入寇兵力不敵宜姑令停俸戴罪立功以贖從之○巡按陝西監察御史王哲奏鎮守蘭縣都指揮同知姜盛率軍赴延綏聽調至車道嶺被虜劫掠兵仗輜重并馬牛一百三十殺傷三十餘人宜加速問事下兵部言盛方用事軍前宜暫停其俸令戴罪殺賊以贖從之○命宣府召人納馬四匹或價銀四十兩者給冠帶以巡撫宣府左僉都御史鄭寧言缺馬故也○戊申工部右侍郎李顯以疾乞致仕許之○復除監察御史鄭昱于貴州道○己酉陞南京太僕寺少卿魯崇志為應天府尹○命寧晉伯劉聚佩平虜將軍印充總兵官赴延綏代武靖侯趙輔○命總督漕運右僉都御史張鵬專巡視淮揚等處初鵬督漕兼巡撫後以力不備及命南京兵部右侍郎馬顯暫代巡視而鵬專督漕至

是御史劉城等奏顯擅執軍職及五品以上官其所罷黜不分賢否變法壞事貽惠地方因命顯還南京復改鵬巡視而令戶部別舉堪督漕運者以聞○賜朝鮮國成化九年大統曆○兵部尚書白圭等議覆御史楊守隨等陳言事一薦舉將才宜申明太僕寺少卿李侃奏准例一軍官應襲之子宜送舍人營帶俸官屬宜送五軍等營俟訓練有成舉用一冒功失機之人宜嚴加禁治從之○定延綏東路鎮羌堡清水營等處擒斬虜賊有功官軍二百七十四人陞賞有差○兵科給事中郭鐘自陝西軍中還奏自今年六月以後虜衆取道花馬池深入平涼鞏昌臨洮等府州縣境內一月間劫四千餘戶殺虜人畜三十六萬四千有奇時分守莊浪署都督同知魯鑑分守涼州副總兵都督同知趙英守備蘭縣都指揮同知姜盛俱被調駐安定內

止魯鑑曾一出兵餘皆閉門退避虜去始行而姜盛防護輜重
軍士遇寇莫能救援其分守靖虜等處叅將周海分守延綏西
路叅將岳嵩協同都督僉事楊銘寧夏都指揮韓英遊擊將軍
祝雄雖間有擒斬追奪驚擾虜營之功僅足贖罪七月以後虜
衆縱橫出沒於慶陽境內都督白玉都指揮張瑛及魯鑑等出
軍追襲而延綏總兵許寧也駐寧塞漠若無聞至若總兵武靖
侯趙輔叅贊右都御史王越已至榆林復遂巡旬日不肯即到
花馬池定遠等處控制諸軍併力攻勦致部將遇敵輒以不得
號令為辭徒重兵虛費輸運方且撰為戰書誣下周上餘若白
玉已老甘州副總兵馬儀宣府大同副總兵孫鉞黃瑄趙英魯
鑑姜盛及總兵范瑾等俱有死兵玩寇之罪而趙輔王越其罪
尤深俱宜逮赴法司究治以為臣子誤事不忠之戒章下兵部

言總兵叅將等官擁兵自衛玩寇殃民皆宜究治內惟岳嵩承
錢亮喪敗之餘軍馬單弱亦嘗擒斬有功庶可贖罪其餘欲一
槩遠繫恐戰守缺人宜令戴罪殺賊以贖前過白玉雖老而善
撫士卒惟楊銘貪暴事覺姜盛夫機罪大宜遣人往代其趙輔
王越互相推倚明肆姦欺不正二人之罪恐衆怒不解邊事益
隳 上是之日趙輔已取回不必問王越仍降勅切責令速調
度殺賊贖罪○鐘又奏此於邊境訪察之餘博採羣議酌量事
宜條畫以上一趙輔等所陳退守之策蓋因芻糧不繼兵難久
留於兵食之計猶在戰守之間或及軍需尚充邊兵四集先聲
鼓勇乘間亟攻此戰亦可分調軍馬就糧內地以逸待勞俟隙
邀遮此退亦可今勢當全盛之日手提萬衆之師葢爾小夷莫
敢據却脫復退守亦豈能為其入愈深退將何地且邊臣將佐

富貴已極驕惰偷安視軍民荼毒為尋常以閉門避禍為得計
蓋兵凶戰危人孰不懼今賞功之典奉行如例而矢機之罰無
從輕減兵勢不揚姦人得志職此故也古稱賞罰明信則人人
力於事功乞自今厚之以賞如當先陣亡陣傷者俱量加一級
嚴之以刑凡敗軍償事之人無問大將小官必行誅竄庶法令
一新入思戮力一每遇虜警以邊兵不足動調諸路彼料我客
兵難又糧餉為艱或繆傳渡河或揚言款塞或相持不戰或聲
東擊西比我師方旋彼已深入尋復調集勢已難為春去秋來
墮其智數今欲全軍留成則供餽實難欲從便班師則此患可
慮竊見平鞏固原靖虜等境戍兵單弱地勢寬平北之延綏無
險可守且外與花馬池相連虜騎便於衝突今平涼精兵二千
四百有奇屯駐環縣明春宜勿放還悉留戢守仍留甘涼統兵

將佐一人分兵數千就糧要地俟彼乘我空虛我亦出其不意先人有備心中事機一闕陝之民材力堅疆無精騎射每能扼虜奪其所俘募以防守可紆兵力但聞前時所募義勇民壯俱永編行伍民間賦役不獲蠲除各顧身家誰肯應者又舊令遇冬邊民避寇但城堡狹隘人畜難容不若就令所司於近村便地或古寨深崖百家相依共修一堡無事則四散耕物有警則入堡歛藏仍推舉二丁立為總甲得相號召保障一方殺獲功次如例陞賞止屬有司拊循不許軍職干預一今邊將遇警不分衆寡惟事閉門俟其大掠而回徐圖追躡或收拾棄餘為奪獲之數或乞買首級為擒斬之功傳報寇警以少作多畏避賊鋒彼前我却姦謀罔上積弊已深是以黠虜輕視我軍肆行無忌雖叅贊巡按等官得相糾舉然責任不專玩愒如故乞如舊制

仍命方正御史二員待居軍前督軍殺賊糾察姦弊章下兵部
言鐘所條列俱中時弊宜如議舉行但賞功之典已有近例敗
軍之罰如把總等官以下退縮無勇者聽總兵叅贊以軍法從
事而總兵等官聽巡按御史糾問究治督軍殺賊已有巡撫及
叅贊都御史又增御史督軍恐多掣肘但乞勅遣二員隨軍糾
察以杜姦欺議入 上允之惟御史不遣○鐘又奏寧夏靈州
之地土達錯處虜賊入掠之時往往互相吞閔邊情虛實豈無
漏洩且其徒多貧乏見外寇剽掠得利豈無羨慕乞勅有司加
意撫恤或多添軍馬鎮懾其心或安置便地以散其黨或收召
豪勇以盡其力庶幾防微杜漸之意又言陝西邊境累歲用兵
士卒死於鋒鏑不可勝計此皆奮勇當先忘身徇國之人中間
得與陣亡之賞者少而擯棄不錄者多身膏草野而人不知父

母無依而人不恤寡妻孤子情事可憐項至慶陽夜聞哭聲滿
耳問之於人皆云多係前日師婆澗陣亡官軍妻子臣一聞之
不覺墮淚况其同類寧不感傷然朝廷雖有存恤之典行之既
久人以為常乞令巡撫等官重加撫綏務令得所仍乞遣官親
履邊城備勘累年陣亡將士名數勿遺一人盡收其骸骨賜予
一祭非獨以報死事亦足以激勸衆心章下兵部言靈州軍馬
數多不必添置土達安居已久無事遷動恐致他虞宜行巡撫
都御史徐廷章加意撫恤其豪勇可用者宜從招募施行陣亡
軍士理宜矜憐乞行巡撫都御史余子俊審勘名數撫恤其家
并收葬給祭從之○詹事府詹事兼翰林院侍讀學士李恭卒
泰字文通順天府香河縣人正統戊辰進士改庶吉士授編修
景泰間進左春坊左司直郎兼編修再陞右春坊右中允 英

廟復辟改尚寶司丞兼編修既而以侍 東宮講讀陞侍講
上即位陞侍講學士兼經筵官尋侍文華日講修 英廟實錄
成陞詹事府少詹事兼侍講學士未幾進詹事兼職如故至是
卒年四十三贈禮部左侍郎賜祭葬泰繼伯父太監永昌後永
昌在正統中掌章奏泰初應鄉試京尹進錄 英廟問左右李
泰中否見其名甚喜及官翰林頗向學矜己自足不事華侈但
生長富貴性狷僻與人寡合而所與者則相朋比汲引士論以
是薄之○東寧伯焦壽卒壽之先山後人曾祖八思台洪武中
歸附授薊州衛指揮僉事祖禮累功至東寧伯卒父亮有疾壽
代嗣其爵成化初命鎮守薊州山海等處八年充總兵官鎮守
甘肅至是卒賜祭葬如例無子弟俊嗣 祖宗舊制不許番將
掌兵雖衛所亦然天順初始亦恭順侯吳瑾掌府事成化初又

用廣義伯吳琮為寧夏總兵遂成例○辛亥曉刻木星入房宿
犯北第一星○賜封都督同知王鳳祭葬鳳都督同知鎮之父
也○戶部奏揚州府白塔河巡檢司為巡察私鹽而設舊隸兩
淮運司後改屬揚州府府官以為鹽非所職運司以為官非所
轄兩不經意姦弊日生今運司副使柴秀以為言事下本部行
巡按御史侶鍾勘以為宜屬運司令其嚴督稽考為便從之○
巡視淮揚等處南京兵部右侍郎馬顯奏一鳳陽府并壽州正
陽鎮往來商船甚眾宜照淮揚二府收料事例暫收錢米以備
賑濟一淮揚府衛州縣地方間有水旱災傷宜令該徵稅糧半
收雜糧以蘇其困一巡獲私鹽揚州等府州衛所解赴儀真批
驗所淮安鳳陽徐州等府州衛所解赴淮安批驗所各照今定
事例收受與本所已掣餘鹽一體支用一鳳陽淮安揚州三府

缺糧宜照浙江納米近例召人上納二百石者給與散官正九品二百五十石者正八品三百石者正七品五百石以上者請勅旌為義民仍免本戶雜役二年二百石以上者立石旌異免差役一年一百五十石給與冠帶戶部覆奏以為可行惟稅糧以存留折半而起運之數仍收本色詔如議○癸丑曉刻木星犯鈞鈴○應天府府尹彭信卒信字中孚浙江仁和縣人舉景泰辛未進士改庶吉士授御史成化改元陞順天府丞八年陞應天府府尹至是卒信為御史府丞皆久次而為府尹僅七閱月皆循常守職無甚可紀者既卒其子乞祭葬禮部尚書鄒幹言在京三品例有祭葬而順天府尹王賢致仕卒惟有祭今信卒于任未敢定擬上命止與一祭○免直隸順德府邢臺等九縣秋糧二萬四百四十餘石草五十四萬五千四百四十餘

東以旱傷故也。○甲寅直隸東鹿縣民王仕華以其父文嘗任少保吏部尚書兼諱身殿大學士被誣而死援例乞為國子監生許之。○定擬成化九年戶口食鹽實徵事例在京文武官吏隨住人口納鈔關鹽南京官吏亦折半納支如例其餘諸處司府州縣談徵鈔存留起解各從所擬惟浙江杭嘉湖紹金衢嚴七府官吏市民納鈔中半存解其鄉民并寧台溫處四府民每口納米四升三合一勺存留備用從戶部請也。○巡撫遼東右副都御史彭誼等奏九月間虜寇掠定遠堡境內右叅將都指揮周俊等率軍追之虜棄所獲牛畜三十餘以去旬日復糾衆二千餘入寇後復與都指揮馬成等分兵四路拒之追至亮子河轉戰二十里共斬首八級獲其馬四匹并盔甲弓箭以還今遼陽錦州等處境外虜衆屯聚往來不絕而海西女直亦屢傳

報孕頰三衛謀入寇宜預為設備巡按遼東監察御史徐英亦
奏虜賊入寇射傷官軍九人馬五匹指揮董源等被調守堡分
巡按伏及備禦開原都指揮俞隆俱失於防禦律宜究治章下
兵部言獲功官軍宜覈實陞賞董源等既嘗率軍拒敵追獲俘
虜宜令戴罪殺賊以贖且傳聞此虜近邊抄掠之謀未已宜仍
行總兵官歐信并誼等嚴加防禦從之○丙辰廣德長公主下
嫁駙馬都尉樊凱禮儀如常公主上之第四妹也○丁巳命
巡撫北直隸右副都御史陳濂總督漕運○命給紫荊關操守
舍餘口糧月三斗於該操日給之○戊午陞通政司右通政劉
昭為左通政左叅議陳萬里為右通政右叅議滿禮為左叅議
○給魯府樂陵恭惠王故長子陽灤夫人賈氏米歲一百石從
魯王陽鑄請也○賜遼庶人豪坵長子恩鍬米一百石以給婚

費從豪坵請也。○命減光祿寺成化九年分供應魚果等物共十一萬一千五百斤光祿寺奏歲計魚果等物一百三十五萬八千餘斤近已嘗量減十三萬今收積尚多恐久而滯壞而此歲水旱饑饉民力不堪乞再減其數從之。○辛酉借給運糧官軍口糧兩月三斗是歲漕舟滯淺及輸畢凍不能歸軍士多先陸回領兌而留一二人守舟月久缺食或棄而逃漕運叅將袁佑以為請戶部因言糧宜借給於來歲行糧扣除以償許之。○命禮部左侍郎劉吉子申為國子監生

大明憲宗純皇帝實錄卷之一百一十一

成化八年十二月癸亥朔 上視郊祀牲○都督僉事戚斌卒
斌之先金山人伯父察罕台洪武二十年歸附永樂初為金吾
衛正千戶卒無嗣以弟完者克子北斗襲北斗者即斌也正統
六年以招漢賊寨功陞指揮僉事後以麓川功陞指揮使九年
以古城龜帽山功陞都指揮僉事十四年陞都指揮同知尋以
彰義門功陞都指揮使景泰初以紫荆關等處功陞中軍都督
僉事天順四年以老疾謝事至是卒○甲子陞吏科都給事中
李和為通政司右叅議○命故恭寧侯陳涇子桓襲爵歲支祿
禾一千石米鈔中半兼支○給寧夏及涼州莊浪調征延綏軍
士三萬一千七百八十一人銀一兩俾自辦冬衣○乙丑宥宣
府總兵官都督同知顏彪罪初虜賊入青邊口堡虜掠彪以足

疾不能出但遣將士往禦之至是具奏伏罪事下都察院行巡撫等官覈實命宥之仍令盡心調度殺賊○丙寅陞山西布政司左布政使葉冕為都察院右副都御史巡撫河間等府○定襄伯郭登無子以姪嵩為後命襲登爵歲支祿米七百石○寧晉伯劉聚奏都指揮等官李景張傑周海并充軍錢亮俱驍勇過人久諳邊事乞令從征殺賊事下兵部言四人者俱因充總兵叅將等官失機降謫之人但使功使過兵家常事宜准令帶赴軍前殺賊俟有功之日一舉陞賞從之○免山東山西并順天直隸保定真定三府成化九年春夏季人夫柴價十分之三以其地俱罹災傷也○庚午命建州右衛都指揮使察哈答子歹山降襲都指揮同知歹山入貢求襲父職兵部言其父察哈答係董山逆黨難允求襲但其子悔過來朝宜視趙哈禿事例

降襲為都指揮同知從之。○以早災免直隸真定府所屬并河間衛糧粟米七萬七千一百九十餘石穀草一百二十九萬三千四百七十餘束綿花五十二萬八千二百一十餘兩。○巡撫山東左僉都御史羊倬奏救荒事宜一借糶官廩以平米價濟南府倉有米四十五萬餘石欲依京師上平糶之法借支十萬於各州縣每糧一石糶銅錢三百文或銀三錢五分候豐年糶買新米還官一折收船料以備賑濟東昌府臨清縣鈔關所收船料鈔解京庫者欲依近例每鈔五貫折收米麥三升以備本縣賑濟下戶部覆奏從之。○辛未賜灌頂廣善大國師乃耶室哩祭葬。○虜賊可失干等四人寇邊被獲法司俱坐以凌遲處死內二人尚幼大理寺以聞命未出幼者發免廣西梧州所軍。○壬申重給開平衛儒學印以其印為虜入寇時失之也。○

工部主事謝敬理呂梁洪事會慶雲伯周壽過呂梁令家人饋
敬儀物欲多挾客船過洪既而為官船阻塞不遂所欲壽遂與
敬互毆致傷壽至京訐敬在洪時職事以聞下都察院鞫問得
實敬坐除名其各從者罪有差○癸酉陞戶部郎中李寬為通
政司右叅議管理薊州等處糧儲○賞巡撫四川右副都御史
夏瑄等及官軍民快練段楮幣有差以擒斬保寧府廣溪溝流
賊功也○賑京城乞食饑民光祿寺寺丞郭良適來近京饑民
比肩接踵丐食街巷晝夜啼號凍餓而死者在在有之有司雖
有養濟院而人多不能徧濟奉行者亦不經心乞勅戶部行順
天府及各司府州縣勘丐食人數酌量多寡出米作粥食之暮
則安置寺觀溫暖處所儻有死者即令火甲收瘞之戶部覆奉
詔曰京城乞食者無處內外州縣其令巡視該管官籍其名數

人給口糧四斗凡外縣民俱令回原籍其有疾不能去并在內
無依倚者收入養濟院存恤毋得違誤以負朕意○南京監察
御史戴琥以災異言九事一國家糧餉全倚江南漕運今管河
管運各委一人事多牽制宜令一人兼理之一安民之本惟在
任人近者以民之未安由官之不才欲行沙汰既黜之於巡撫
巡按復黜之於朝覲給由法網愈密遂使小吏身未之官而已
心懷去計為姦日甚是則名為安民而實病民乞如舊制以三
載九載為準一江南漕運軍民交兌之處雖有各官監催原無
統屬乞勅管運都御史嚴立兌完起程過壩日期所司各委官
一員提督催償違者治罪一將者三軍之司命不可不擇乞於
勳臣內擇其才力壯健者量授以兵仍以經事久者叅之使聽
節制一江淮南北民多流亡山東尤甚乞予不足必行攘盜乞

勅所司招撫賑濟一北虜侵擾河套朝命武靖侯趙輔總大兵以擊之輔既奏益兵以搜套隨稱虜遁以班師廷臣斥論其詐而輔乃稱有疾朝廷又許其代回則其罔上之計得行何以勸懲來者臣以為趙輔不可代回但當視其疾以全君臣之恩責其失以彰君臣之義一江北浦之口為南京藩籬鎮江建陽二衛實上下派門戶彙因征進麓川各衛官軍遂有貼操之例今遵為故事遂使各衛缺人乞將貼操者放回操備一我朝遇施恩例雖正賦亦嘗減免歲辦之類無不蠲除但歲辦者非徵在官則入里胥之手而小民實無與也小民所苦者丁夫鹽鈔耳夫丁夫役作有時鹽鈔徵收無極今里胥不徵鈔而徵銀用一取十其弊多端然不過用以折俸而已乞將成化九年鈔出於民者停徵折於官吏者停給詔下其奏於所司○夜西南赤氣

一道如槍形名曰天鋒○甲戌授知縣江弘濟為陝西道監察御史弘濟先歷刑半年以招擬久詳再歷半年至是都察院考稱授之○復除廣東按察司副使唐彬于山東○西寧侯宋謙卒謙故西寧侯晟之曾孫駙馬都尉追封鄆國忠順公瑛之孫天順丁丑襲祖爵至是以疾卒輟朝一日賜祭葬如制子愷嗣○丙子陞山西布政司右布政使王育為左布政使○命故陝西都指揮僉事陳英子瓚襲父職為西安衛指揮使○平虜將軍總兵官武靖侯趙輔奏比奉勅會同叅贊都御史王越鎮守總兵巡撫等官余子俊馬文升等勘議所上攻守之策及修築沿邊墻堡皆以為搜套之計用兵一十五萬姑以兩月為期共費糧料四十餘萬石輸運夫卒十一萬有奇深入虜境事難萬全若精選從征軍馬就糧內地如慶陽鄜州延州清澗等處權

宜退守使虜進無所掠退懼邀遮事無大害或可為其剗山築
牆并修理鐵角等城用力不多為計甚遠鎮守等官奏欲動調
人夫五萬優免徭役支費官錢俱乞允行事下兵部言趙輔等
既覆議以搜禽難則向者乞兵十五萬之言欺誑可知今乃以
守為良便欲量留軍馬就糧內地以省輸運之勞但此者傳聞
李羅忽為小石所殺亂加思蘭順何亡走儻此虜渡河而西越
至鎮番則甘涼必有侵軼之患其甘涼調征軍馬宜遣還操守
剗山築牆及修鐵角等城眾議既協宜令及時興舉俱允之○
戊寅陞山西布政司右叅政錢昕為右布政使○巡撫宣府右
僉都御史鄭寧等奏北者虜眾遠道初調京兵一萬三千餘人
供餽浩穰乞量留五千命一人統領防守餘悉掣回事下兵部
議令遊擊將軍劉清統領分守其太監張琳總兵官趙勝等宜

率餘兵以還奏入命官軍止留三千人令劉清統領防守○錦
衣衛千戶吳寧等奏巡捕京城千戶屠洪百戶王果因失盜事
覺速聞竊見近例許帶鎖奪俸責限一月不獲者降秩一級但
比者廷臣會議四方災傷盜起其分巡分守等官止令奪俸戴
罪緝捕得獲者免與京城巡捕論擬不同今洪等乞准此例從
之○朝鮮國王李娣遣陪臣貝達中等奉表貢馬及方物來朝
賀明年正旦節○南京戶部尚書陳翌卒翌字翀霄直隸虹縣
人正統丙辰進士授戶部主事進郎中歷陞山西右布政使再
陞右副都御史巡撫寧夏進南京戶部左侍郎丁母憂服除召
拜南京戶部尚書至是卒年六十九賜祭葬如例翌質直渾厚
不務觀察所至以幹治稱其在寧夏以鎮靜為治邊人安之及
掌南京戶部屬官貪污者衆翌首劾退其太甚者而薦清謹者

數人貪風為之少戢。○庚辰內官傳奉 聖旨起復丁憂尚寶司卿朱奎光祿寺寺丞顧本儒士杜昌於內府寫書。○故太僕寺卿張諫子恢乞為國子監生許之。○朵顏衛都督阿兒乞蠻遣指揮逞吉台等毛憐衛女直都指揮亦里哈等建州衛女直都指揮完者禿等各來朝貢馬及貂皮賜宴并金織衣綵段等物有差。○辛巳陞大同府知府郝淵之為山西布政司右叅政。○壬午宥掌錦衣衛事都指揮同知袁彬指揮同知焦壽僉事趙能朱驥罪初本衛千戶高安奉命往按內官張慶家人張倫杖殺犬使索賂罪俱實械倫還京倫至蘆溝橋而道安懼罪自經彬等以病死聞 上命官檢閱彬等伏罪宥之。○甲申陞兩淮都轉運鹽使司運使謝燦濟南府知府白行順為布政司左叅政保定府知府章律為右叅政燦廣東行順山西律雲南。○

旌表孝子李傑等六人節婦陳氏等十三人傑直隸平山縣人
任光祿寺署丞父病親視湯藥衣不解帶父沒廬墓三年且能
孝事繼母井澍邢臺縣人母卒負土培塚若岡阜朝夕不離墓
側者三年李忱山東莘縣人父卒三年不離墓所築成三世墳
塚植樹千株孔昭亦莘縣人母卒鬻女以營葬卧草枕塊於墓
三年負土成墳王弘恩縣人以吏役于京告回養親親終竭力
營葬結廬墓傍劉祥湖廣監利縣人父沒夜廬墓旦歸事母比
母沒仍廬墓三年俱表其門曰孝行陳氏應天府上元縣民匠
楊阿庇妻鮑氏直隸曲陽縣民高俊妻嚴氏無為州民王用妻
李氏石埭縣民桂智妻王氏民陳恂妻陳氏宿州民方亮妻滕
氏山東鄒平縣民韓傑妻溫氏館陶縣民高資妻徐氏浙江淳
安縣民項文興妻王氏山西汾州守禦所舍人謝得妻陶氏湖

廣靖州衛舍人史斌妻胡氏江西新喻縣民張和禎妻王氏氏周達理妻皆喪夫守節孝養舅姑撫育孤子為鄉里所稱俱表其門曰貞節○乙酉晚刻月犯氐宿東南星○勅靖江王規裕戒約各將軍以王秦輔國將軍相紹等不遵禮法賭博遊蕩故也○賜達官指揮同知完者禿所鎮撫丁麻定祭如例○陝西都指揮僉事黃瑀守備寧夏東路虜入境剽掠失於隄備罪當請戍命降二級差操○丙戌晚刻月犯氐下星○兵部奏南北直隸并山東河南等處今年秋季倒矢被盜馬例應歲終比較決罰但大學士彭時等以四方災傷已嘗奏令停止俱宜如例從之○昏刺金星犯壘壁障東第六星○戊子巡撫延綏右副都御史余子俊等奏虜入定邊營境內殺掠運糧民夫六十餘人并車牛糧米以去防護糧道指揮李晟失於隄備罪宜究治

事下兵部請令巡按陝西監察御史速問如律從之。○右府帶俸保定伯孟昂卒。昂山東海豐縣人。天順四年襲父爵。以是年奉命往應天府。公幹卒于道。計聞輟朝一日。賜祭。命有司營葬域。○己丑大同總兵官彰武伯楊信等奏往因威遠城極邊軍士數少。奏調山西太原府屬縣壯勇二千六百餘人。輪番禦冬。今過期累趣。而布政使葉冕阻遏不遣。况烽警日急。恐誤邊備。乞行令巡按御史嚴督。并逮冕等。究治。事下兵部言宜如所奏。但葉冕比陞右副都御史。巡撫保定等處。先已去任。取旨裁處。上曰。冕既去任。其令其實以聞。○辛卯立春。順天府官進春。上御奉天殿。堂之文武羣臣朝賀。免宴。○歲暮。享太廟。○遣太常寺官祭五祀之神。○遣旗手衛官祭旗纛之神。○以明日正旦。遣駙馬都尉石璟、楊璋分祭長陵、獻陵、景陵、裕

陵○遣內官祭 恭讓章皇后陵寢○命錦衣衛帶俸都指揮
同知趙順充叅將鎮守固原靖虜等處地方濟陽衛帶俸署都
指揮僉事劉瑛鎮守蘭縣地方○降西安前衛指揮使胡鏞為
本衛指揮僉事帶俸差操鏞操備鎮羗堡以失機坐罪例應請
戍邊方特宥而降之○是歲天下戶九百一十一萬九千九百七
十戶口六千一百八十二萬一千二百三十二口田地四百七
十七萬八千九百五十頃七十畝有奇田賦米二千二百七萬
五百六十石有奇麥四百三十一萬三千六百一十石有奇絲
九萬二千六百九十斤有奇綿一十萬五千兩絹二十八萬五
千二百一十疋有奇布八十七萬九千一百疋有奇綿花二十
萬二千一百八斤有奇折色鈔八十三萬四千三百三十錠有
奇雜課鈔二千七百九十六萬一千三百錠有奇米五萬六千

二百石有奇麥二千三百八十九石有奇布七百二十疋有奇
鹽課鹽三百七十九萬一千有奇折色米五千七百九十石有
奇布四萬四千七百疋有奇茶課茶五十六萬三千九百一十
斤有奇屯田子粒三百九十五萬七千三百九十石有奇採納
銀七萬九千九百六十兩有奇水銀二百四十七斤一十兩有
奇硃砂一十七斤一十兩有奇漕運京師備運糧三百七十萬
石各處運納糧四百五十萬一千石有奇減免天下官田等項
稅糧八十一萬五千石有奇

大明憲宗純皇帝實錄卷之一百一十一終

明憲宗純皇帝實錄卷之一百十二

成化九年春正月壬辰朔 上詣 奉先殿 皇太后宮行禮

畢出御奉天殿文武羣臣及四夷朝使行慶賀禮 皇太后

皇后俱免命婦朝賀○癸巳文武羣臣朝親王于奉天門東廊

○甲午 宣宗章皇帝忌辰 奉先殿行祭禮遣駙馬都尉揚

偉祭 景陵○命故彭城衛帶俸都指揮僉事李讓子翔襲父

原職本衛指揮使陝西署都指揮僉事栢隆弟欽襲兄原職延

安衛指揮使○丙申寧夏總兵官都督同知范瑾等奏成化八

年十二月虜入興武營等處隨調官軍截殺至沙井兒與虜交

戰而都御史徐廷章所調官軍亦前後夾攻虜衆方退追至沙

窩遇虜伏兵併力來戰彼衆我寡臣等督勵官軍下馬步鬪自

辰至申凡十餘合虜大敗而遁生擒二人斬首八顆獲馬一百

三匹兵器什物八百九十併追還被掠牛羊驢騾一千一十有奇奏至 上以寧夏近年以來止有此捷然警尚至可見虜患未息勅諸將慎為隄備以收全功○丁酉孟春享太廟○遣內官祭司戶之神○戊戌賜朝鮮國賀正旦陪臣具達中等宴并金織衣綵段等物有差○巡撫貴州右副都御史秦敬以疾去任○己亥降陝西署都指揮僉事黃瑀為寧夏右屯衛指揮同知坐守備寧夏與武營失機也○清勾兵仗局逃匠四千五百三十七名○庚子夜月犯天街下星○辛丑陞陝西布政司右叅議嚴憲為按察司副使監督延綏東路邊儲從巡撫都御史余子俊奏舉也○壬寅以上元節賜文武群臣假十日○陞河南按察使宋欽為都察院右僉都御史巡撫貴州○南京刑部覆奏御史吳種劾右副都御史畢亨擅入南京內府已鞫其

從人得實當治身罪亨亦具疏自陳以咨訪鹽法誤入內府伏
罪且以禮奏其素有貪名自辯其狂 上宥之○甲辰以大祀
天地 上御奉天殿誓戒文武羣臣致齋三日○命燕山前衛
帶俸都指揮僉事李信守備南京浦子口○乙巳泰寧等衛都
督脫脫孛羅遣都指揮哈失帖木兒等建州衛女直都指揮擇
家保等建州左等衛女直都指揮脫羅等建州右等衛女直都
指揮剌哈等海西亦兒古里等衛女直都指揮必里你等哈兒
分等衛女直指揮伯思哈等各來朝貢馬及貂皮賜宴并衣服
綵段等物有差○丙午上元節以郊祀齋戒免宴○丁未大祀
天地于南郊祀畢 上還宮謁 皇太后出御奉天殿文武羣
臣行慶成禮○戊申 英宗睿皇帝忌辰 奉先殿行祭禮遣
駙馬都尉王增祭 裕陵○是日以忌辰免慶成宴○山西太

原所地震有聲如雷○庚戌陞戶部郎中魯能為陝西布政司
右叅議管理糧儲○賜大慈恩等寺法王扎寶巴灌頂大國師
端竹也失班著爾藏卜國師乳奴班丹加納失哩誥勅金印等
物○辛亥巡按直隸監察御史婁謙言漕河自通州直抵臨清
多淤淺請於通州一帶各設管河官一員及委軍衛官相兼管
理䟽通并令捕盜事下總理河道侍郎王恕議以為當工部遂
請移文吏部於順天河間淮揚四府各添設管河通判一員通
州等州各設判官一員各該衛所俱推選廉幹官相兼管理仍
行總理管河等官往來提督奏上 上曰河道只仍舊委官管
理不必添設○壬子賜晉府寧化王鍾鈞鎮國將軍美坊子名
鍾鉅靖江莊簡王庶長子名曰相承次曰相繼曰相紹曰相純
○陞南京戶部郎中金醞刑部郎中李澄為布政司左叅議南

京刑部郎中金禮禮部郎中吳森為右叅議醞禮雲南澄福建
森浙江○巡撫兩廣右都御史韓雍奏罷老疾官平樂府照磨
馮餘等二十五員○錦衣衛罪囚越獄掌衛事都指揮同知袁
彬指揮同知焦壽僉事趙能朱驥具奏自劾及劾守監百戶劉
勇等不謹 上命執勇等下都察院鞫問彬等皆宥之○癸丑
陞福建按察司副使何喬新河南按察使僉事黃隆為四川副
使○陞禮部郎中吳謙為太僕寺少卿仍於內閣書辦謙九年
任滿吏部援例言其年已過六十五之數命特陞之○平虜將
軍總兵官武靖侯趙輔以疾自延綏代還辭免營府事 上曰
卿未衰老尚堪任事所辭不允○巡撫四川右副都御史夏瑱
奏黑虎寨賊首夜合等攻劫關堡官軍嘗勦殺之近聚眾報讐
右叅將都督宇用兵備副使沈琮等督兵馳詣松溪堡遇賊敗

之斬獲夜合等乘勝追入賊巢前後共斬首三十六下兵部知之○免湖廣武昌等府秋糧三十一萬八千六百餘石直隸廣平府秋糧三萬一千六百餘石草六十萬五千六百餘束綿花一十八萬二千七百餘斤俱以旱災故也○甲寅賜故晉府鎮國將軍鍾鉅生母王氏妻姚氏食米歲五十石○六科十三道都給事中果璟等劾奏武靖侯趙輔先征兩廣賊未殄而遠班師繼征建州功甚微而報大捷濫膺侯爵驟歷崇班通以虜寇延綏復命總制征討而輔猶懷故詐專飾虛文始欲以精兵十五萬直搗賊巢尋復稱地方數千里難於搜勦賊屢入境未聞少挫其鋒事未就緒輒欲還京自便曩兵部奏其懷姙上方命誤事竟得代還力疾朝見竟圖復蒞營府安享富貴乞正明其罪以戒將來 上曰爾等所言良是但輔自陳有疾已代還矣

姑置之令自調治於是兵部尚書白圭等亦言京營總兵比之
邊方尤重如輔者用於一方且不可大軍之總豈病人所堪請
罷其兵柄上曰輔既舊疾未痊姑令調治○丙辰鎮守淮安
漕運總兵官平江伯陳銳奏漕運事宜一各都司運糧把總都
指揮千百戶等官多有不畏法律貪贓害軍者乞皆退回原衛
帶俸差操別選廉幹者代之自後凡借債者皆令停俸運糧候
債完日支俸若年久不完及剝削害軍者照例問發立功哨瞭
其果廉幹者依文職旌異例或量陞署職以勵後人一淮揚徐
呂濟寧臨清一帶河道淺澀以致船被凍阻軍多逃亡乞從寬
恤減運其阻凍之船量其地近可以不誤領兌者促回兌運果
地遠有誤及船或損壞者修艙堅完將兌運并下年支運俱於
附近倉領納却將各該官軍下年兌運暫不為例令有司以正

耗米賣銀解京就給官軍准作月糧一運糧軍士費用多端至於交納不完未免借貸歲久利息日加一衛一所有至本利七八千兩者以此軍士月糧行糧冬衣布花皆用償債今欲以前所借銀除加利不還外如本銀全負暫以淮浙餘鹽給還或許本船回載北河鹽於江南賣還一各府州縣官通同糧里長濫收惡米及兌糧之際復發水和沙其河南山東等處米益不精領先在船蒸濕沓爛難上納乞勅各處巡撫巡按等官嚴督所司痛革其弊違者究治一各倉收糧每斛例一尖一平近年俱攤薄曝晾數日又有五七人成行號為耕米往來蹶踐多年久空腐者半作灰塵及平米又淋尖踢斛外增官堆計收糧一石加耗三斗有餘虧折甚多蓋因前官得其積出羨餘以為功蹟是以遞相做做今不改正疲敝愈深乞勅管糧內外官員并巡

倉御史嚴加禁約務遵舊制而收仍令旗軍行槩斛下餘未盡
還本軍違者罪之庶使軍困稍蘇而糧獲早完疏入下戶部議
皆可行惟請官鹽以償私債為不可詔從之○免廣東海康等
縣秋糧三千石有奇以海溢故也○丁巳禮部奏湖廣施州衛
所屬金峒等七安撫司進賀冬至表文過期始至宜行巡按湖
廣監察御史治以不敬之罪 上以土人宥之○戊午設浙江
桐廬縣桐江巡檢司○命諸衛所餘丁運糧者依正軍例給餉
從平江伯陳銳請也○守備鳳陽宣城伯衛穎等奏鳳陽新城
密邇 陵寢舊皆土築城門損壞守鋪倒塌皆由土性鹹鹵隨
修隨壞徒費工力其舊城亦臨淮河連年為泥沙壅積反高於
城一遇潘雨水無所洩今議東西門外原有護城土壩歲久陵
夷未經修築成化八年淮水暴至衝開東壩滄沒城內居民至

今城外淤沙未除城中積水如故乞包砌新城以護陵寢修築土壩以備水患事下工部請行巡視留守等官相度其切要者量加修理餘俟豐年從之○掌內靈臺事內官監左監丞蘇奇奏成化九年中曆後上朔日該注丁巳而欽天監司曆陳賜誤作辛巳事下禮部劾賜并監副田綦等俱當究治上命下賜錦衣衛獄而宥綦等○放肅州衛軍張元吉還其鄉元吉既免死謫戍至是其子真人玄慶奏乞放免且以母老子幼為辭上允其奏於是給事中虞璠監察御史龔晟等劾之曰元吉擅作威福棄絕倫理改易勅書借用器物姦收祖婢勒索人財挾讐誅死三十八人造意殺死一家三人罪當凌遲處死已有旨監候處決矣尋乃獲宥杖一百押發肅州邊衛永遠充軍時科道已交章陳諫未允今又念其母老子幼放歸原籍渙命一出

物議沸騰臣等以為刑罰之設本以究姦惡誅暴橫實國家紀綱所係人心向背所關古之帝王所以與天下畫一不以親疎貴賤而輕重之也仰惟祖宗酌古準今定為律令殺人者死萬古不易內外臣工罔敢變亂以故百年承平上安下順元元言罪極惡深神人共憤顯戮于市尚有餘辜奈何既貸其死又放寧家殊與前日論音不類愚昧小人未諭聖意將謂許其殺人而不罪也若以元吉母老子幼可憫則元吉所殺四十餘人其中又豈無母老子幼者乎其他罪囚亦豈無母老子幼如元吉者乎皇上為萬民父母天下臣民皆其赤子今獨念元吉而不及他人殆非與天下畫一之道也意者以元吉世嗣道教不以常例待之殊不知化外人有犯亦依律擬斷况元吉本五千米賊之後奉非道之教何功於國何益於世而乃蒙此非

常之眷乎 皇上縱欲曲貸其罪其如 祖宗之法律何如朝廷之紀綱何如臣民之清議何設若此後有一愚夫犯罪如元吉母老子幼如元吉復援例乞恩以求寬宥 皇上亦將許之乎其事雖微關係甚重伏望念 祖宗之法律重朝廷之紀綱仍命元吉終於戍所庶幾國法不虧人心有警 上曰元吉事既處置待其親終仍令戍邊○己未太監黃賜傳奉 聖旨陞欽天監五官靈臺郎馬貴為秋官正漏刻博士賈信為五官司曆天文生范英為漏刻博士○總督漕運平江伯陳銳奏儀真瓜州運河原無水源全賴揚州雷公陳公二塘又高郵寶應邵伯等湖積水接濟清河迤北至徐呂三洪則籍河南黃河鳳池口金龍口沁河等處諸水濟寧南北開河則賴徕沂泗泰山曲阜等處諸泉源并昭陽南旺孫村等湖諸水近所司視為泛

常不為踴濟修築是到水利不通程運有阻揆厥所由蓋因通
州至儀真相離二千里往來巡視非一二人力所能辦宜酌
量遠近自通州至德州責令郎中陸鏞專理自德州至濟寧則
責之副使陳善自沛縣至儀真則責之郎中郭昇仍勅大臣一
員總督其事庶事體歸一而工力可成工部議以為宜從之○
庚申以秀懷王靈柩至自汝寧詔葬祭并輟朝禮儀悉如忻穆
王例○都察院右僉都御史李侃乞致仕許之○調四川納溪
縣知縣樊瑾于彭山縣以巡撫都御史夏瑱言其才堪治劇故
也○辛酉秦府永壽王公鋌薨王安惠王第二子也母妃胡氏
正統戊午生戊辰封為長子成化壬辰冊封永壽王至是薨年
三十六訃聞輟朝一日賜祭葬如制諡曰康定○陞福建延平
府知府盛顯為廣西布政司右叅政○命順天府分官賑濟貧

民旨勸農桑時府尹李裕奏本府所屬州縣以去歲旱災秋麥未種即今民乏農具種子田地益荒本府欲委通判等官設法措置或借官銀易買分給耕種其逃移者招撫復業缺食者給糧賑濟及督令廣植桑棗多蓄雞豚務俾人人服勤農事待秋成之後造冊繳報疏入 上曰賑荒勸農教民樹畜皆王政首務其亟行之○宣府協同分守都指揮孫素右叅將蔣良左少監顏雄以虜寇入境殺掠人畜失於隄備兵部奏請究治命姑宥之○陝西都指揮蔡瑄當叅將錢亮師婆澗之敗擁兵不救為亮所奏下御史勘實當瑄斬罪獄上詔宥死謫戍陝西邊衛○建州等衛女直剌哈等二十四名乞襲其父都指揮等職上命依例降一級授之以其皆董山餘黨也

明憲宗純皇帝實錄卷之一百十二

明憲宗純皇帝實錄卷之一百十三

成化九年二月壬戌朔守備偏頭關都指揮戴廣奏虜入紅沙
煙臣會巡撫都御史雷復等調兵敗之追至寺煙溝石人村再
敗之前後斬首一十九奪獲馬六十兵器皮襖等物二百三十
六追還被掠牛羊馬騾二百一十五事下兵部尚書白圭等以
廣等兵少無援乃能設謀取勝宜賜勅獎勵從之○免山西太
原大同二府所屬州縣稅糧二十八萬四千餘石大同等十三
衛也田子粒六萬二千餘石宣府等二十衛所也田子粒五萬
九千三百餘石以災傷故也○癸亥復除都轉運鹽使司運使
延祥于兩淮○命錦衣衛帶俸都指揮同知魏忠子昇代父原
職本衛指揮使○開中四川鹽課十萬五十八引上流華池鹽
每引納米五斗通海新羅福興四斗富義羅泉廣福仁泉黃市

拿井永通三斗大寧二斗五升雲安一斗五升時官軍征勦松
潘等處。部因守臣言為請開中以給軍餉又以守臣擅擬鹽
課并劾奏其罪。上宥之。○乙丑給尚衣監民匠食米月三斗
○戶部奏陝西軍餉不足請於山西稅糧內量撥豆七萬石草
一百二十萬石布十萬匹河南撥豆七萬石草八十萬束布十
萬匹運送榆林等處給用從之。○命府軍前衛帶俸都指揮僉
事張瑛守備。天壽山。○守備龍門所奉御曹廣分守獨石左
叅將李剛左監丞劉祥以虜寇入境不能備禦兵部請治其罪
上命貸之。○丙寅命改陝西都指揮僉事朱原子贊襲父原職
西安後衛指揮同知。○丁卯釋奠先師孔子遣兵部尚書兼翰
林院學士商輅行禮。○戊辰祀。大社。大稷。○遣順天府官
祭先農之神。○夜月與金星光芒相並。○陞山西按察司僉事

梁村為副使○己巳兵部奏寧夏擒獲虜賊二人越獄脫逃守備都指揮盧茂督率不謹總兵官都督范瑾巡撫都御史徐廷章亦俱有罪 上命責茂罪狀瑾廷章姑貸之○庚午巡撫陝西右副都御史馬文升等以災異奏劾議上禦寇安民事宜一河套虜寇犯邊將及四載今欲禦方畧有三其一遠為哨探遇虜將近花馬池等邊我則通調各路軍馬捍禦但被初未其鋒甚銳况去邊不遠彼兵方集勝負難必此下策也其二縱彼深入示之以弱待其還時分布奮擊縱無大捷亦無大失此中策也其三及今虜馬瘦弱之時掣還各處客兵駐於寧州鎮遠合水等處以隱其形俟彼入寇則移往平涼固原靜寧一帶潛住量留軍馬防守各堡苦虜至鞏昌離邊已千餘里分掠則會兵擊之退走則縱兵邀之又令寧夏軍馬於萌城一帶榆林等處

軍馬於花馬池定邊營一帶截其歸路此上策也萬一虜知有
儀不肯深入則分守守備之策亦須講求蓋我宿兵於邊供費
日廣而虜常伺隙搶掠反為以逸待勞今宜倣有宋緣邊次邊
之制省百姓轉輸之勞以榆林等一帶城堡為緣邊令見在重
兵就糧防守若虜來近邊則勿輕出必其深入乃合擊之以米
脂綏德安定保安金湯鐵邊柔遠魏安環縣慶陽平涼固原一
帶為次邊分布客兵以時截殺各處該運糧草止於次邊使彼
在邊既無所掠深入又多失利必將渡河而去縱不渡河陝西
軍民亦可少息矣一環慶係虜賊數犯之地今乃以陝西屯田
餘丁分守而器械又不精利乞以內府神鎗三百給之一陝西
八府人民連年困於轉運去歲又添額外預徵近又因造戰車
鹿角等項罷敝益甚發倉賑濟尚恐逃移若再征求必致激變

乞以成化九年鹽鈔及各衛軍器料物俱暫蠲免仍以延安府所屬逃移人戶今年稅糧再為減免三年其季造軍器物料價直聽臣等區畫支用一鳳翔府守禦千戶所官軍俱調寧夏操備止存屯田餘丁二三百名千戶一員署印事無總統難責成功乞依甘肅事例推舉廉能指揮一員署掌所事以備不虞一陝西大路有二無事之時多由北路一遇聲息俱由南路而鳳翔迤西別無驛站自隴州至清水縣二百五十里公使人等多在石竇權宿其地多盜乞以西安府長寧驛及咸義巡檢司移置石竇為便一商洛之間流民所聚今按察司已有撫民副使布政司叅議崔忠舊嘗撫民軍民信服請專勅之都指揮僉事李從亦宜專於商縣把總庶責任有歸一秦徽等州有礦砂之利盜竊常多宜專委廉能軍職一員領軍巡視鞏昌衛指揮閻

獄才堪委任乞特命之一陝西鎮守官舊有公署後因官缺為
永興王奏占養馬今王止一子乞仍與鎮守官居止若王府果
無養馬之所別以空閒地給之一漢中商洛等處盜賊多係秦
韓肅三府軍校餘丁皆由護衛等官平日剝削及管莊之人利
於窩藏事發彼捕動輒啓稱欺侮曩者滿四之叛肅府家人從
者亦衆况今陝西糧食乞嚴禁約以杜後患一臨洮府政簡而
知府趙文博才堪治繁鞏昌府政繁而知府張瓚才可治簡乞
更調蒞事一布按二司分巡官外憚驅馳內多顧戀不肯遍歷
郡縣下詢民瘼是以政多廢缺民多失所今宜令各官歲報行
過事蹟以憑稽考或所奏不實仍行臣等查覈一平涼等府土
達雖為編民終係異類屢遭變故家業飄零其在高橋者艱難
尤甚今虜犯邊往往獲利誠恐此輩因生異心為患非細乞量

免其糧草差役無牛具種子者官為賑給一岷州守備官員俱
勅書今都指揮后泰以本衛指揮陞綬未蒙請給宜照例給與
以隆委任一陝西糧草必須多方區畫今寧夏大小鹽池有自
然之利乞開中二十萬引許自寧塞營迤西安邊定邊花馬池
興武營并環縣等處上納其鹽人到即走許於西安鳳翔并臨
鞏地方發賣一延綏寧夏屢遭虜寇官軍死於兵疫者甚多古
者興師動衆必告於神冀其默助威靈消瀉氣今宜祭告嶽
鎮海瀆諸神及諸陣亡將士庶人神歆慰奏至 上以其言多
切事宜命該部叅酌以聞○太子少保吏部尚書姚夔卒夔字
大章浙江桐廬縣人自少穎悟不群正統間以春秋舉鄉試會
試皆第一進士出身擢吏科給事中多所論列己己之變尤憤
激奮發遇事敢言景泰改元超拜南京刑部右侍郎逾年改南

京禮部奉命考察雲南官吏還朝留任禮部 英廟復辟調南
京刑部未幾驛召至京進禮部左侍郎改吏部尋擢禮部尚書
甲申 上登極一切大典禮皆所掌行己丑轉吏部尚書九載
扶滿加太子少保錫賚甚至至是以疾卒年六十訃聞 上震
悼賻祭營葬給驛歸其喪贈榮祿大夫少保謚文敏賜諡命夔
儀觀魁偉器度弘博與人言表裏洞達喜獎拔後進在禮部知
貢舉遇知名士投試卷必令主者加意瞻對恐其或有遺失主
司偶失之必極力推求得而後已及掌銓衡留心人才極力詢
訪至於黜陟之際尤不苟雖謹口中傷屹不為動朝廷有大事
大臣集議疑未能決者夔一言而判衆心服之夔豪俊慷慨學
通而文贍但頗不拘小節晚節為妻子所累言官喋喋不置論
者謂夔侑時練務類唐杜黃裳而未免通餽謝當時固有疵議

之者然求之一時大臣中罕有其比亦無愧於一代名臣云○
辛未以水旱災免順天河間保定三府所屬州縣秋糧六萬八
千七百餘石草二百萬餘束及在京并大寧都司直隸等處凡
三十五衛所屯田子粒六萬六百餘石草二萬七千五百餘束
○中都留守司都指揮僉事何俊坐誘人誣告人下獄贖杖還
職○壬申命註帶俸都督僉事白玘管前府事署都督僉事劉
清管後府事○平虜將軍總兵官寧晉伯劉聚等奏成化八年
十二月虜入興武營等處臣會叅贊軍務都御史王越等議調
軍勦之九年正月初四日遇虜於花馬池斬首二奪馬五八年
十二月二十六日至正月十二日遊擊將軍王壘叅將神英等
累遇虜於漫天嶺等處斬首二十奪馬四十皂旗一弓箭等器
八百二十九牛羊等畜六千二百二副總兵孫鉞亦復虜馬三

百三十牛羊七百餘正月二十一日臣等還至雙山高家堡又報虜衆深入至半坡峯遇之奮戰五十餘合自辰至申虜敗走追至漫山嶺伏兵夾擊又敗之生擒四斬首一百三十七奪獲弓刀等器一千五百九十四馬牛等畜一千七百一十九是月十九日孫越王璽神英等亦於劉家塢遇虜交戰斬首五十奪獲馬五十四盔甲弓矢等項一千六百二十三追至漫塔日己晚對壘而宿二十日追至井油山虜據險拒戰三日夜至二十二日復敗走又追至水磨川斬首一十九奪獲馬二十二駝二盔甲弓矢等器四百五十一又奪還被掠牛羊等畜二萬餘奏至 上賜勅獎諭之曰得奏具悉爾等同心協謀及將士用命效力致此克捷朕甚嘉之特茲獎諭以慰爾勞爾等尤宜晝夜用心整搦軍馬振作士氣嚴謹隄備設法勒殺悍虜寇殄滅地

方寧安庶副朕委任原獲馬驗有堪中者起送來京其餘給與有功之人○翰林院侍讀學士江朝宗以母喪去任○甲戌遣戶部尚書薛遠祭京都太倉之神○遣順天府官祭宋丞相文天祥○鎮守大同總兵等官揚信等以卜剌罕衛頭目脫脫歡遣使臣歹都不花打蘭帖木兒等來貢馬騾奏取進止 上曰使臣就彼宴賞馬給與價直選其良者赴京○丁丑先是 上命儒臣考訂宋儒朱熹資治通鑑綱目盡去後儒所著考異考證諸書而以王逢集覽尹起莘發明附其後至是上呈 上命剌拌以傳統制序於卷首曰朕惟朱子通鑑綱目實備春秋經傳之體明天理正人倫褒善貶惡詞嚴而義精其有功於天下後世大矣顧傳刻歲久間有缺訛甚至書法與所著凡例提要或有不同是以後疑焉有考異考證之作兩存其說終莫能定

朕嘗深求其故矣蓋凡例提要乃朱子親筆以授門人使據之以成書及書既成再加筆削則隨事立文時有小異而大體終不出乎勸懲之外豈可一一致疑其間昔者五經同異賴漢宣帝命諸儒講論于石渠閣親稱制臨決然後歸一朕竊綱目斯有意焉特命儒臣重加考訂集諸善本證以凡例缺者補之羨者去之事關大義若未踰年改元者依例正之至若漢初紀年首冬惟景帝中後二年舊史誤列冬于歲終朱子雖以傳疑而呂東萊大事記已考正于次年首矣此則宜從呂氏其餘書法與凡例小異無大關涉者悉仍其舊盡去考異考證不使並傳所以免學者之疑成朱子筆削之志也考訂上呈具如朕意綱目於是為完書矣於戲是書所載自周秦漢晉歷南北朝隋唐以及五季凡千三百六十二年之間明君良輔有以昭其功亂臣

賊子無所逃其罪而疑事悖禮咸得以折衷焉俾後世為君為
臣者因之以鑒戒勸懲而存心施政胥由正道圖臻于善治其
於名教豈小補哉然則是書誠足以繼先聖之春秋為後人之
軌範不可不廣其傳也因命繕錄定本附以凡例并刻諸梓以
傳爰序首簡俾讀者知所自云○南京監察御史金忠劾南京
戶部右侍郎黃琛急於公事屬官差違多不服從吏人誅求莫
敢禁治縱司務兵瑛貪婪以害糧戶任主事張鳳暴橫而設長
官乞正其罪黜歸田里以為人臣怠政者之戒事下吏部以為
一人之言未審虛實請下南京吏部刑部會勘從之○戊寅以
旱災免山西平陽府并澤潞遼沁等州縣稅糧三十萬二千五
百餘石草三十一萬五千六百餘束及太原寧化等九衛所也
田子粒一萬八千六百餘石○都督同知翁信卒信且隸江都

縣人永樂中襲父職為指揮同知累以軍功至都督僉事充總
兵鎮守廣東未幾以勦殺逆賊劉三仔有功進都督同知充總
兵鎮守寧夏後命南京中府署事信無他長在廣東專事貨利
晚居南京日事燕遊以侈靡相尚至是卒賜祭葬如例子琦襲
指揮使註南京金吾衛○海西益實左等衛野人女直都督三
赤哈等弗提等衛野人女直都指揮字羅禿等各來朝貢馬及
貂皮賜衣服綵段等物有差○己卯巡撫四川右副都御史夏
瑄奏四川按察司獄舍嚴固防守有人近者尚致反獄其餘偏
州小縣反獄者易出劫囚者易入誠恐聞風流毒為禍不已今
後捕獲強盜審無寃枉宜就彼處決以權一時之宜絕不測之
患事下刑部議瑄所言非成憲抑恐濫及無辜其偏州小縣宜
令附近軍衛有司撥人防守為便詔可○辛己免湖廣荆襄等

十三衛所屯田子粒五萬八千餘石以旱災故也○鎮守鳳陽
太監高廉奏白塔墳殿宇廊廡神厨為淮水淹浸墻外壘以泥
沙墳內積水無由消洩欲於近縣量起人夫於墻外別築圩壩
以防水患事下工部覆奏以為宜行守備巡視等官勘議可否
從之○壬午啓密忠順王母弩温答失力等遣使臣失迭力迷
失等各來朝貢馬駝賜衣服彩段等物有差仍命齋勅并綵段
表裏回賜王母其使臣乞易買紗羅食茶菟器等物禮部請如
例仍定與數目不許過多并禁約沿途私買從之○癸未以旱
災免直隸真定州神武三衛所屯田子粒一萬四千五百餘
石○遣禮科都給事中霍貴祭西嶽西鎮之神且命鎮守等官
祭陣亡官軍并人民被殺者從巡撫陝西都御史馬文升等奏
也○甲申勅浙江守備温州都指揮僉事弓璿兼守備處州○

乙酉陝西鳳翔府同知毛瓊奏三年朝覲既已考察官吏不一
二年間復命大臣巡行考察無非欲得其人以爲治也但奉行
者考察未必皆公去取未必盡當姦貪逢迎者或以廉能見留
老成鎮靜者或以罷輟見退况老察太勤則人無固志往往爲
身家之謀行剝削之計勢使之然也且今之人才賢否大畧相
當送故迎新徒爲煩費乞勅廷臣計議今後不必遣官考察凡
朝覲之年止令吏部會官舉行蓋在外衛府州縣統之以都布
按三司蒞之以巡撫巡按果使各官心秉至公訪求實跡勘驗
申報則考察黜陟自無不當矣詔下其章於所司○戶部右侍
郎黃琛卒琛字廷獻福建將樂縣人正統己未進士授戶部主
事進郎中歲己巳奉命於蘇松均考周忱錢穀積弊琛極力搜
索宿弊雖除然自是錢穀悉歸於官而掌歲計者束手無措矣

議者至今歸咎於璟景泰中擢江西左叅政進左布政使丁內
艱服闋調浙江未幾陞南京戶部右侍郎成化庚寅奉勅往四
川考察官吏慨然以進賢退不肖為心然銳於黜罰頗過于刻
人多怨之在蜀二年還至是卒于官賜以祭命有司營葬璟為
諸生時已自負好馳騁居官以幹治稱但在江西屈抑于中貴
頗為時論所少云○丙戌陝西總兵官署都督白玉巡撫都御
史馬文升以虜寇入境隄備不嚴兵部奏請究治 上宥之○
廣東化州知州黃璲奏聽撫賊首侯大六等近復屢劫村寨故
掠人畜事下兵部以賊既向化而復稔惡苟非懾之以威彼將
特恩玩法請命總督軍務右都御史韓雍等隨宜勦捕從之○
丁亥戶部議覆巡撫陝西都御史馬文升等所奏事宜一宜暫
免陝西八府是歲戶口鈔鹽及再免延安逃亡人戶稅糧三分

一宜量免平涼等府土達糧草差役三年并給以牛種一宜開中寧夏大小鹽池鹽課二十萬引在邊鹽一引豆三斗草四束環縣鹽一引豆五斗草八束從之○戊子陝西紀功兵部郎中劉洪陳儀邊事宜一延慶自清水營至永濟堡一千五百餘里險易相半為營堡十有九自永清堡至靈州所五百餘里俱平原沙漠止有五營堡其安邊東西三四十里近叅將岳嵩新設壕塹陷穿虜頗知憚惟定邊花馬池等處墩臺踈遠瞭望不及魏運為難宜及今虜馬瘦弱起自永清直抵靈州每一里半築一墩共為三百有奇每墩下方十丈上方六丈高一丈五尺上蓋土房一間四角用板遮護刻為箭眼墩中空處做蒿之法設為陷穿築塙浚壕以漸修舉及觀輿武一營置於靈州花馬池之間偏出東北境外道路迂遠今宜遷入與二堡適中并於二

堡間各增一小堡摘寧夏中衛守備西安官軍就近防守仍令寧夏總兵或副總兵一員專於興武營居中巡督其永濟堡以東至清水營做都御史余子俊法傍險剗削內凡係平曠川原俱為里半一墩但今陝西人民困苦已極難再驅使宜量摘各處客兵與各堡官軍兼工修築完日放回一榆林兵少久留各處客兵守之本處兵因得互相推托而客兵久留又於人情不堪今西安等府縣民多係雲南貴州軍籍累年清解輒復脫逃往往願聽榆林召募而鎮守等官不敢違例收領乞覓許自首免罪發榆林衛食糧操練仍行原衛所除其名籍而以本地隣近布政司該發充軍囚犯補之又邠州離邊頗遠見存西安左等衛守備官軍千餘坐費糧餉宜暫調安邊營操用事寧之日照例輪班又延安等處土兵三千餘名分派各邊營堡州縣止

令府州縣委官管領無人操習不堪調用宜分送榆林鎮老安邊三處操習事寧之日照舊放回一延慶臨邊軍民遷移邊外就地耕牧往往招寇寧死不避宜令緣邊各衛所府州縣差官會勘量其多寡遠近擇取險地督令修築塔堡每塔堡推選衆所信服者一人免其本身差操定為總甲各備兵器自相操演從便戰守有功則照例陞賞所獲財物令自收用如有失誤罪其總甲奏入下兵部議擬覆奏多施行之○代王成鍊奏定安王成鏐長子聰滿先因有過發大同守墳以居止無所欲暫借公館居之事下工部以為已得旨於大同城內空地造屋公館不宜假借 上是其言命亟造完俾居之○己丑代府和川王成鏗以其母賈氏封代隱王夫人奏欲詣闕謝恩 上以書止之○彭城等衛指揮使等官林英等并御用等監工部文思院

副使王林等二十二人俱請給牙牌命所司增造給之時傳奉
官寔多故也○庚寅命金吾右衛帶俸都指揮同知張雄子鑑
代父原職為指揮使

明憲宗純皇帝實錄卷之一百十三

明憲宗純皇帝實錄卷之一百十四

成化九年三月辛卯朔戶部奏岷恭王初為鎮南王祿米本色二百五十石後王既襲封岷王其為郡王時祿米例應住支乃延及今薨逝世子復襲封獨并支如故其多支四千餘石請每歲扣除滿數而止詔如奏所除祿米自成化二年始以前者免之○命寧陽侯陳瑛坐神機營中軍管操○甘肅副總兵都督馬儀寧夏副總兵都指揮劉晟叅將都指揮陳輝以虜寇入境殺掠人馬兵部奏請究治詔貸之○壬辰清明節遣駙馬都尉周景蔡震分祭長陵獻陵景陵裕陵文武衙門各分官陪祭○遣內官祭恭讓章皇后陵寢○命大寧前衛帶俸都指揮僉事李麟守備紫金關○癸巳陝西是日寧夏地震○甲午勅南京都察院右副都御史胡拱辰提督操江○山東濟

南等府狂風晝晦咫尺莫辨復有雷聲起於東南已而紅光燭地良久乃散○四川都指揮同知何節初守備安縣怠弛自肆致番蠻為患虜掠人財後左恭將等官撫追完聚乃掩為己功事覺坐徒例當謫戍遇革降二級本處差操口乙未平虜將軍總兵官寧晉伯劉聚等奏二月以來遊擊將軍都指揮王璽等於孤山清水神木并老虎溝等處禦虜斬首共九顆獲馬十四匹及盔甲等物○丙申陞山東濟南衛指揮使高通鰲山衛指揮使廉政俱為署都指揮僉事領操○命遼東三萬衛帶俸達官都指揮僉事你都子即全代父原職指揮使○鎮遠侯顧淳卒淳江都縣人天順八年襲祖興祖爵至是卒輟朝一日賜葬祭如例弟溥嗣○總理河道刑部左侍郎王恕言淮安南抵儀真瓜州湖河隄岸被水衝決者一十五處其餘坍塌者二百餘

里及儀真三壩衝倒修理工料俱揚州出辦今連年災傷民力
不給欲於池州安慶二府支所遺輓并南京龍江瓦屑壩二竹
木局所抽分支作搭木令南京兵部馬快船運送事下工部請
行南京工部查勘定奪從之○戊戌鄭所左長史江萬程等奏
鄭王祁錖疎薄世子屢諫不從怒移臣下 上命太監王允中
英國公張懋齋勅往諭之因覈實其事諭允中等曰爾至可諭
王若能改過遷善親愛世子禮待輔臣庶可永保富貴如或矜
惡不悛將有不測之事爾更宜斟酌人情事勢隨宜處之允中
等詣府宣諭勅旨并以 祖宗大法及國家親親之恩人倫父
子之道曉之王遂具奏謝罪允中等亦奏鄭王稟性急躁喜怒
不常且好使酒世子性亦剛烈子道少盡是以父子相失今王
雖改過難保將來宜徵世子至京蒞書習知忠孝之道俾王日

自省改庶得區處之宜事下禮部覆奏 上曰鄭王既自言修身改過世子不必取來姑驗其親愛之實若此後不如所言朝廷別有處置仍移文長史啓王知之○己亥勅陞吏部左侍郎尹旻為本部尚書右侍郎葉盛為左侍郎旻等上疏辭免不允○調湖廣都指揮使翟敏都指揮同知歐晟都指揮僉事武瑛於江西都指揮同知史政署都指揮僉事董銘陳寬於廣西都指揮僉事李剛署都指揮僉事蔡瑛李芳於貴州各管都司事○都察院奏兩京并天下諸司文卷自天順元年七月十二日起至成化八年十二月終止例遣御史照刷有旨如所奏既而納給事中虞瑤等言南北直隸山西山東陝西河南頻年災傷暫且停止及念兩廣民未蘇息亦待豐年於是所遣御史僅七員兩京聶友良洪性浙江龔盛江西程宏福建馮震四川魏秉

湖廣樊瑩巡按兼照刷者四員雲南董韜貴州吳道宏遼東王
衡萬全都司并陞慶州劉必賢○庚子始遣監察御史巡河東鹽
時戶部郎中文志貞奏解州鹽池垣塹多廢巡按分巡官不以
時臨視故人得私取官鹽阻壞客商少中無以濟違用之急請
歲遣御史一人往彼禁沽并修浚垣塹如巡茶事例歲滿更代
又洪武初自本運司遞運所至黃河岸並立鹽倉陝西河南山
西撥囚徒充役其鹽課除客商以次支領外其餘未支之數本
部差官督同運司官運至各倉轉運淮揚故當時鹽價騰貴人
多顧中今其成規猶在請遣官勘視而行戶部議歲遣御史合
如所奏其欲復遞運之法俟勘視至日行之詔如議○壬寅陞
福建福寧縣為州直隸布政司巡按監察御史李釗奏福寧初
以州改縣但其地接山海寇盜出沒况軍衛雜居縣官職卑莫

能抗制請如舊為州而隸以福安寧德二縣為便戶部覆奏從之○減雲南銀課十分之五巡按雲南監察御史胡涇等奏雲南所屬楚雄大理洱海臨安等衛軍全充礦夫歲給糧布采辦之初洞淺礦多課額易完軍獲衣糧之利未見其病今洞深利少而軍夫多以瘴毒死煎辦不足或典妻鬻子陪補其數甚至流移逃生嘯聚為盜以致軍丁消耗近曾奏乞停免未見允行切惟國用所以給軍需今因礦夫而日費糧布則國用雖足而軍儲耗矣國用所以養軍士今因礦夫而日耗軍士則國用雖充而兵備弛矣請并停之戶部覆奏詔減銀課之半礦夫稱是○癸卯授知縣強珍劉璋劉喬胡琮劉璟李珪為監察御史以理刑半年都察院考稱也○復除王毓王臣曹卿為監察御史○免淮安府諸州縣夏稅一十八萬七千八百五十餘石鳳陽

府宿亳虹靈璧四縣州一萬九千七百九十餘石徐州諸縣六萬七千一百五十餘石綵六萬四百六十餘兩徐州高郵邳州武平宿州大河淮安等衛并海州千戶所三萬七千餘石以災傷故也○甲辰陞廣昌縣知縣馬驥為大理寺右寺副支俸閒住以子誠選為駙馬都尉也○命福建按察司僉事鍾斌提調學校○永壽安惠王母妃胡氏奏子公疑襲封王爵薨所遺宮眷無以自給乞祿米如舊關吏從之○禮部奏今年四月初一日日食文武百官例赴本部救獲然其日孟夏時享 太廟俱在午後行禮彼此有妨宜如孟秋時享例於初一日早行禮有旨是日免朝時享如所奏○乙巳夜南京大風雨拔 太廟社稷壇樹○黃花鎮西水峪等處野火延燒山林逼近 陵寢天壽山守備太監李良以聞 上命都督僉事李景領團營官

軍萬人速往救之既而風遶火延出西北境外遇雨而滅巡按御史劾鎮守居庸關都指揮僉事宋英守備黃花鎮都指揮同知鄒宏奉御孫鑑不亟撲滅罪宜逮治命俱宥之○丁未兵部紀功郎中劉洪奏京營把總都指揮田廣陝西行都司都指揮蘇鑑強奪首級冒報功次上命巡按監察御史逮治之○兵部奏二月二十四日虜入寧邊墩殺掠人畜分守右叅將都指揮張瑛阻軍縱賊失誤事機且其人貪婪殘忍衆所共惡請命巡按御史逮治之分守太監韋正守備少監陳政羅振輕信瑛言總兵官彭武伯揚信失於調度俱宜究治命瑛如所奏正等姑宥之○誅犯邊虜賊帖木來於市○戊申賜廬州府知府宋鏞等誥勅巡撫巡按等官奏鏞及大名府知府熊祥陝西按察司僉事伍福南昌府同知李泰冀州知州胡瑛綏德州知州郝清

臨江府通判王維台州府通判孔彥綸隴州同知張翹城武縣
知縣王達曲陽縣知縣喬良俱有賢能之績吏部移文覈實旌
異之也○庚戌錄四川巴豬嘴等處斬獲番賊功指揮曹敏等
官軍七十員名陞賞有差左叅將都督僉事宰用按察司副使
沈琮俱命給賞○辛亥陞監察御史石玉南京監察御史陳昭
刑部員外郎林克賢大理寺右寺副翁遂為按察司僉事玉山
西昭廣東克賢福建遂雲南管銀課○命武安侯鄭宏南京坐
營管操仍掌南京中府事○命守備揚州儀真等處署都指揮
僉事都勝總督揚州等處備倭○壬子陞監察御史劉城為福
建按察司副使○巡撫宣府左僉都御史鄭寧奏宣府數罹凶
歉積蓄不多初定淮浙長蘆河東鹽則例召納米豆尋以兩浙
長蘆河東改納穀草今亦將完惟淮鹽價重中剝一十二萬三

千六百六十八引請更定則例開中召納其願納穀草者許令抵價但草價稍輕每淮鹽一引量加三束兩浙長蘆加二束河東加一束足用則止納米豆更以中利淮鹽亦為量減則例時管理糧儲戶部郎中劉顯亦以為言戶部遂議淮浙山東長蘆福建河東等運司鹽課開中於宣府在城倉并葛峪等一十五城堡者一百七十四萬三千六百五十九引其則例兩淮存積鹽每引米豆六斗五升山東見在鹽一斗五升兩浙見在存積鹽四斗五升長蘆見在堆積鹽二斗八升存積鹽三斗五升福建見在鹽三斗三升河東見在鹽一斗五升其獨石馬營二城堡開中二十一萬八千六百七十六引雲州龍門所赤城三城堡開中二十七萬九千六百八十引上納二城堡者兩淮每引米豆六斗山東一斗一升兩浙三斗八升長蘆二斗七升存積

者三斗河東一斗五升三城堡者兩淮六斗三升山東一斗三升兩浙四斗長蘆二斗五升存積者二斗八升河東一斗四升其獨石雲州龍門所中剝淮鹽舊已減一斗今又各量減一斗從之○命故陝西都指揮僉事黃玉子銘襲父原職西安前衛指揮使○癸丑命陝西都指揮僉事白俊子珍代父原職西安後衛指揮僉事○甲寅詔停徵順天府諸州縣成化七年糧草并八年絹鈔綿花逋負在民者候今歲秋成徵之以連年水旱故也○乙卯命故陝西都指揮同知吳榮子驥襲父原職西安前衛指揮僉事○增築宣府雞鳴山驛岔道二堡○丙辰晚刻木星犯東歲星○南京監察御史陳壯等言南京文武官月俸鹽麥絹布間月折支雖處一時之宜猶存待士之禮近者南京戶部尚書陳翌因料豆有餘奏欲支給夫天生五穀本皆可以養人

但料豆所以飼馬者也以飼馬之物養軍士尚不可况可以養士大夫乎此議方行物論沸騰殊非所以禮臣下而存國體也伏望聖賜停罷毋使傳聞遐外貽笑將來若恐其積久泛濫則當歲所該納豆暫徵米麥候其將盡乃令復舊此亦一時之宜也詔下戶部知之○禮科右給事中張鐸等言今春盡不雨穀麥無望乞勅文武羣臣齋沐修省仍簡命大臣祭告在京應祀神祇以祈雨澤 上是其言命文武群臣致齋三日禁屠宰遣大傅會昌侯孫繼宗撫寧侯朱永豐城侯李勇祭告 天地社稷 山川吏部尚書尹旻等分禱各寺觀祠廟○賞陝西鎮羌堡張家灣等處官軍人等二百五十六員名銀段等物有差以殺賊功也○丁巳陞湖廣按察司副使戴珙為浙江按察使○賜伊王河南稅課司商稅課鈔時王奏祿米數少日用之不

給援例以請故也○勅廣東守揚梅等池奉御陳彛兼管永安
珠池○以湖廣長沙岳州荊州常德辰州府并所屬州縣去年
旱災免徵秋糧豆六十萬二千九百四十石有奇○南京鴻臚
寺序班李琰奏近者南京文武官員凡遇拜賀 聖節等禮多
因循不謹乞勅禮部移文南京所司凡遇大朝賀悉照在京事
例各衙門官員先具職名手本送南京鴻臚寺報名至期聽糾儀
監察御史等官點閱如有托故不至及不具服履越怠慢者具
奏執問庶世朝儀整肅事下禮部覆奏從之○命故萬全都指
揮同知王祥子晟襲父原職萬全右衛指揮使○陝西總兵官
署右都督白玉巡撫左副都御史馬文升以時有舉將才之例
奏西安左衛冠帶餘丁馮信諳曉韜畧曾經戰陣且恬退無求
武弁中亦所罕見者今邊境多事乞如例擢用 上乞之命陞

試所鎮撫於軍中贊畫方略領軍殺賊○己未賜慶弘農王
遠典庶長子名曰寘綱晉府鎮國將軍鍾鉢等四子名曰奇沼
鎮國將軍鍾鐸長子名曰奇湛鎮國將軍鍾銘第三子名曰奇
漂韓府通渭王範暨嫡長子名曰徵鉢周府汝陽王同錕第六
弟名曰同鑽第七弟名曰同鑄沈丘王同鏗長子名曰安涪岷
府充城王膺錕長子名曰彥濟○庚申戶科左給事中鄧山奏
北直隸山東民飢相食其地密邇京畿萬一患生不測為費反
多今德州臨清天津水次三倉去歲寄收兌運糧多宜借撥三
十萬石其青登萊三府去水次遠者宜借太倉銀六萬及泰山
香錢以為糶本相兼賑濟章下戶部議水次倉糧雖多然亦放
支有數請移文各處都御史酌量地方里分人民多寡開倉支
給其不近水次府運太倉銀四萬五千兩與都御史牟倬并令

其查德州官錢斟酌給散其泰山香錢亦聽隨宜轉用候歲豐
稔則令委官督民依數還官若係寄放京儲則照原收通州脚
價每萬石除二百名以補京儲虧少之數 上是之且命各巡
撫官即行賑濟不許遲慢

明憲宗純皇帝實錄卷之一百十四終

明憲宗純皇帝實錄卷之一百十五

成化九年夏四月辛酉朔享 太廟○遣內官祭司憲之神○
壬戌陞四川威州知州何淵俸命復任三年威州所部多羗夷
叛服不常淵興利除害抑強扶弱衆皆畏服每番賦出沒輒親
督民壯徃禦之嘗有功禮俸一級至是九年將代去州人并守
禦千戶所軍士詣巡撫都御史夏瑄請留之瑄以聞故有是命
○代王成鍊同廣靈王任瑄和川王成鑑定安悼隱王長子聰
滿達日出城詣真武廟行香守臣以聞 上降勅責諭仍以王
府官不諫止命速治之○癸亥巡撫山東左僉都御史牟俸等
奏山東自今年二月以來災異迭見盜賊竊發餓殍流移日以
益衆皆臣等不職所致乞賜罷黜而別選賢能以撫安賑濟之
下吏部覆奏請諭俸并巡按三司同力協心益加修省臣等有

司多方賑貸間有貪暴不才乘機害民者黜罰之詔從其議○
甲子陞吏科右給事中徐英刑科右給事中虞瑤為都給事中
禮科右給事中張傑兵科右給事中吳原吏科給事中唐仁元
科給事中杜嵩刑科給事中雷澤為左給事中俱木科○乙丑
陞山西按察司副使張勳為廣西按察使湖廣僉事郁元博為
本司副使○丙寅陞都察院右僉都御史徐廷章為右副都御
史巡撫延綏如故以九年秋滿也○土魯苗逆種何力侵哈密
衛據其城初達種何力累引兵劫掠哈密諸部地已畧盡正月
圍其城破之執其王母奪朝庭所降金印遂留居之哈密回
馬黑麻者竊賊馬以逃赤斤蒙古衛遣人送之趨于甘肅守臣
都督同知鮑政等以聞事下兵部尚書白圭等以為哈密乃朝
廷所封世為藩籬非他夷比今志地失國奔走控訴安可置而

不問請命通事都指揮詹昇齋勅徃諭速糧阿力令其悔過自
新退還哈密境土并勅赤斤蒙古等衛會兵併力以相衛翼仍
勅甘肅總兵許官振揚威武相機以行從之○丁卯琉球國中
山王尚圓遣王舅氏實等來朝貢方物謝恩宴賜如例武甯復
奏國王嘗遣人徃滿刺加國收買貢物被風壞船漂至廣東有
司轉送福建侯臣等同還乞自備工料修船回國許之○禮部
尚書鄒幹奏乞致仕詔卿年未衰老宜勉副委任所辭不允○
山東大風空中紅光燭地有頃昏黑如夜移時漸復○戊辰總
理河道刑部左侍郎王恕奏去年自京師直抵揚州南北三千
餘里水旱災傷民甚艱食今歲雨雪少降狂風彌月土氣未福
民不聊生迺三月初四日山東地方忽黑如夜乞詔廷臣講究
所以科災恤患之策并祭告各處山川之神事下禮部覆奏以

為宜遣官祭告山東境內山川及行五府六部等衙門各陳時
政得失可以回天意者 上曰山東既災重民艱須行實惠令
年稅糧盡與蠲免順天等府有災傷處亦量減免於是特遣禮
部左侍郎劉吉往祭告東嶽泰山東鎮沂山及東海之神以祈
雨澤○命以武清縣河東地五百四頃一十畝仍給邠州有管業
河西地三百五十二頃二十一畝仍給御馬監為牧馬草場河
東地乃太監劉永誠辭退而更撥邠州者河西則免役於永誠
而混占於邠府其初實草場也故各仍其舊給之○掌太常寺
事禮部尚書李希安己以其兄子佑為國子監生許之有安起
自樂舞生以佑為後也○命埋瘞瘞道路者因命建街建河
御史嚴加禁約仍督所在埋瘞或勸募置棺自相義助○己巳
命廷綏遊擊將軍都指揮僉事王寧元寧貞副總兵以守倫朔

州城都指揮僉事表剛元進擊將軍代之○庚午兩廣總兵官
手鄉伯陳政等奏湖廣苗賊沅初廣西灌陽縣等處把總都指
揮兩義等率兵勦賊之斬首共二千顆廣西蠻賊沅初廣東陽
山縣等處左叅將都指揮楊廣等率兵倭賊之前後斬獲一百
十五人奏至 上以賊雖屢收餘黨尚多命政等速勦除之○
監察御史楊守隨等劾奏李俊軍都督府事太保會昌侯孫繼
宗等以四方災傷欲併在京諸司停止刷卷蓋在京所費紙筆
皆支給官錢買用何病於軍民何妨於國事而以災傷為言良
以繼宗等平日任情作弊多無案牘誠慮罪必及身故假此以
求倖免宜治其罪奏上命見刷文卷并停止待刷者自成化元
年為始至八年終止以後三年一刷不許違誤繼宗等置勿問
○北虜亂加恩蘭部下數踰黃河北適守臣生擒三人至京命

二人依律處死其一年幼發充廣西軍○辛未陞山西按察司
僉事胡謐為副使○以延綏等處虜寇未寧命平虜將軍總兵
官寧晉伯劉聚提督軍務都御史王越且勿還京仍駐邊徼未
調度防禦○壬申改總理河道刑部左侍郎王愷為南京工部
左侍郎○降浙江按察司副使呂政為貴州布政司右叅議以
提督織造不如法也○移置南京神機營於城外大教場○壬
部覆奏巡撫山東左僉都御史牟侔言救荒事宜一通鹽利山
東運司煎辦及買納鹽課每引備銀二錢或布二疋及豆四中
止得米八升直銀八分今宜成化九年分每引折收銀一錢五
分或二引折布三疋俱從俸分給糧糧賑濟其長蘆運司見在
官鹽二百一十六萬八十餘引聽北直隸巡撫巡按官斟酌年
數召商中納變易銀物以備賑濟明年照舊一折稅課濟南充

州東昌三有稅課司德州濟寧州東阿縣張秋鎮臨清會通等
稅課局及臨清縣帶辦課鈔每歲五十八萬七千一百七十九
錠四貫舊俱本處庫收納支用今宜如臨清船料事例每錠五
貫折米麥三升以備賑濟其處僧道借內帑文職除名者納木
復職軍職閒任者納木管事皆於事理有礙詔從其所議○癸
酉兩廣總兵官平鄉伯陳政等奏廣西忻城平田風火等峒徭
賦糾衆流劫賓州上林等處上命政等速調兵勸之○甲戌
命涼州等處副總兵趙英等各還木鎮先是議欲搜勒河套唐
寇調各路兵俱集延綏至是不果故命英等還鎮○乙亥京師
雨土○丙子仁祖淳皇帝忌辰奉先殿行祭禮○陞廣西
布政司右叅議馮維為貴州左叅政南京禮部主事沈鍾為山
西按察司僉事提調學校○丁丑陞湖廣長沙府知府錢澍為

陝西苑馬寺卿○命中府帶俸右都督王鎮照舊支俸鎮以久
歿往南京營葬停俸其夫人阮氏援例以請故有是命○兵部
尚書白圭等奏寧夏巡撫都御史徐廷章剛方有為未聞軍旅
湖廣巡撫都御史吳琛曾歷邊方熟知兵務今寧夏多警而湖
廣無事乞彼此更調各盡其才 上不從○賞榆林等衛指揮
同知許頌等二百五十七員名銀五百一十五兩布四百五十
一疋以斬獲連賊功也○先是歲運糧官軍帶運德州等倉糧
初以水淺遲遲其糧寄收於德州臨清東昌濟寧天津等倉今
今歲帶運至是總漕右副都御史陳漢奏軍多逃亡而舟亦少
宜暫免一年從之○戊寅秦廉王妃陳氏薨妃西城兵馬副指
揮政之女宣德丙午冊封富平王妃戊申進封秦王妃至是薨
訃聞賜祭葬如制○遼東總兵官都督同知歐信等奏福餘等

三衛虜賊結構海西七直屢犯邊境又於蒙州廣寧等要衝地方出沒臣等議調官軍征勦四月初三日副總兵韓瓚等兵馳至興中接戰敗之初四日追至小孤山再敗之初五日追至麥州又敗之前後斬首六十二獲馬一百一十三牛羊一千三百六十四器仗一千八百九十九空其巢穴而還是日都指揮崔勝等兵亦於南塔兒山遇虜斬首九獲器仗二百一十八上賜勅獎勞之所遣人賜衣一襲○己卯命安遠侯柳景駒馬都尉周景遂安伯陳韶靖遠伯王添定襄伯郭嵩伏羌伯毛銳為正使吏科給事中王瑞戶科給事中張海禮科給事中成實兵科給事中郭鏜刑科給事中黃澄工科給事中和遜為副使持節用封代府博野悼恭王長子聰恭為博野王代王第六弟成欽為寧津王第七弟成鈺為索強王第八弟成塗為饒陽王

遼府益陽懿簡王長子恩銅為益陽王通山莊簡王長孫榮藻
為通山王夫人趙氏進為通山王妃北城兵馬副指揮張蕭女
為臨湍王同鈞妃南城兵馬副指揮郭文女為堵陽王同鈺妃
西城兵馬副指揮楊勝女為汾川王同銖妃南城兵馬副指揮
魏監女為汝源王同鈺妃○司設監太監沈繪下獄擬斬罪繪
情罷稔惡後為上所疎斥帝懷怨望奉御賈祥因教其私造
兵器使家僮演習以備不虞有是禍者遂發其平日多益內帑
金銀器物諸不法事并言其弟十戶廣貪淫邪偽不時出入掖
甲皇城莫測其意下法司推問皆實命繪祥斬廣餘皆如所擬
律仍下獄監候其黨二十一人免贈送司禮監奏請處治○夜
金星犯五諸侯○庚辰兵部奏宣府鎮守右少監弓勝總兵官
都督同知顧彪巡撫左僉都御史鄭寧不嚴兵倫致虜入青蓮

口殺掠人畜請行究治。上以邊務方急姑貸之。○辛巳仍增修理京城河道橋梁等役。騰驤左等四衛石匠五百餘人。口糧月二斗。○詔修南京功臣廟。殿廡門庫房屋七十六間。并祭器之不堪供祀者。從南京守備叅贊等官議也。○誅廣東新會縣民劉銘梁。徇泉首示衆。旌表海康縣民吳金童妻莊氏為烈婦。初銘徇同往海康。將還。海康民吳神與其弟金童以挈家避寇。附舟至新會。止於銘家。神既遠出。傭工銘徇見金童妻莊氏色美。屢欲犯之。輒見拒。二人乃謀與金童挈舟捕魚。夜縛金童斫其腦殺之。投江中。時江濱民有闕道安者。聞金童被縛。呼欲趨救之。不果。而還。及二人歸。給莊氏曰。汝夫溺死矣。莊氏號哭不已。自是銘愈欲犯之。而拒益力。居數日。忽見屍浮。至銘門。適莊氏出。沃識其為夫屍也。哭視之。所癡。宛然始得其謀。死

狀顧力不能報仇乃先投其幼女於水即自投水附其夫屍死
焉已而三屍隨潮上下旋繞銘門不去其鄉鄰李逢春輩異其
事為買棺收葬銘又乘夜潛發其屍棄之大海中於是事寔傳
于人而吳祚亦自外至乃詐于官儒生李啓李蕃及聞道安等
爭述散氏節義并士人弔哭詩章同上事既覈實刑部員外郎
馮俊以審因適至謂其事聞勸懲特為其奏 上曰實善罰惡
國之大政不可偏廢今一事而二義兼焉其令有司即誅銘徇
仍象首示衆而旌表散氏後刑部尚書陸瑜等又奏李逢春輩
收葬三屍誠為義舉今已遣發極宜命有司即其處立石而大
書其夫婦姓名以誌庶可垂示永久詔可○壬午 仁祖淳皇
后忌辰 奉先殿行祿禮○親閱騎射于西苑 上以武備懈
弛乃御西苑命將官騎射勅諭總兵官撫寧侯朱永等曰朕親

聞公侯伯都督都指揮指揮坐營把總等官騎射于西苑其間
中三矢者僅四人中二矢者二十三人中一矢者九十九人餘
皆全不能中間又有止發一二矢者甚至馳驟失節不能閉弓
發矢及墮弓于地者此皆爾等不嚴訓練之過抑恐人才高下
萬有不齊其最下者雖如訓練於無成使此輩總統部伍安能
進教軍士爾等其會議簡別察其才力可向進者罷退惰操以
警將來既而永等會同請罷京營把總都指揮指揮李勝等四
十六人 上人諭之曰此輩先皆爾等選補何不精若是自後
有缺務宜精選以補之○賜廣德宜興二長公主任丘縣地九
百頃有奇○癸未故右都御史熊渠孫垣左副都御史周銓子
濟右副都御史賈諒孫繼福孫景致任兵部尚書王玠子純
故戶部尚書張鳳子悌李敏孫之淵右侍郎王質孫禮禮部左

侍郎許彬子赴右侍郎錢習禮孫仁輔刑部左侍郎樊敬孫浚
工部左侍郎吳政孫銓順天府尹王賢子大素俱簡禮部奏行
例考試為國子監生○命故中都留守司都指揮僉事陸祥子
玘襲父原職懷遠衛指揮使○巡按遼東監察御史王衡奏三
月初六日廣寧左衛西小臺造西被虜毀瑞入寇殺傷官軍一
百二十八員名總兵官歐信禦防史策及鎮守太監葉達巡撫
都御史彭誼俱宜究治事下兵部高書白圭等言信等近有興
中小孤山麥州等處之捷方蒙賜勅獎勞今奏前罪乞裁處
上曰信等既有後功許晴前罪○甲申賜魯世子陽錫庶長子
名曰當瀆第三子名曰當沈第四子名曰當潛安丘靖菴王已
故長子陽墜嫡第二子名曰當河第三子名曰當泓第四子名
曰當沂鎮國將軍陽璧第三子名曰當混陽鍾庶長子名曰當

甘樂陵王陽鍾第二子名曰當沂第三子名曰當漆第四子名
曰當泚鉅野王陽鑿嫡長子名曰當涵鎮國將軍陽鉢嫡長子
名曰當渭陽錫嫡長子名曰當淵東阿王泰望長子陽錫嫡長
子名曰當涂鄰平王陽鐘庶長子名曰當漢代府和川王成鍾
長子名曰聰潛第二子名曰聰淖第三子名曰聰淖晉府鎮國
將軍鍾鉢庶長子名曰奇潤韓府襄陵王冲沐子範捌嫡長子
名曰微銀範增庶長子名曰微馨○中郟留守司署副留守李
謙等奏舊例鳳陽惟內官一員奉事 皇陵近因災異又命太
監高庶協同守備今庶已故而地方無虞况有奉御林眼在
陸奉事乞如舊例 上命仍差一員奉 皇陵兼守地方○賜
翰林院侍講學士江朝宗故母邢氏祭從其請也○丙戌命故
趙州衛帶俸都指揮僉事張智子永忠襲父原職指揮僉事○

兵部奏上魯番連糧阿力併吞哈密已遣通事都指揮詹昇齋
勅省諭令西番都督赤伯革等又奏以賊僭擬大號挾制鄰境
不可不為之備 上曰詹昇且不必往宜勅甘肅鎮守等官悉
心設備仍勅赤斤蒙古等衛曰近者土魯番連糧阿力悖逆天
道欺凌哈密忠順王母寡弱無嗣侵奪其城池搶殺其人民財
畜又欲誘脅爾等歸附暴虐僭妄莫此為甚且爾西番與哈密
素為唇齒之邦世受朝廷爵賞為中國藩屏土魯番雖未朝貢
終係遠夷爾等宜出其下哈密固無統屬一時為彼侵據爾有
統領何患於彼但唇亡齒寒不可不慮爾等宜共鄰境互相結
約各保境上遇賊侵犯即併力截殺勿聽其哄誘搶劫若連糧
阿力尚在哈密不去爾等尤宜量度勢力會合精兵驅勦出境
一以伸討賊之義一以施睦鄰扶弱之仁而於爾地亦免後患

矣事成之日朝廷重賞不吝爾等其知之○丁亥賜百官扇○
陞監察御史王繼利部員外郎汪進李冕為按察司僉事繼陝
西進山西冕湖廣○陞工科給事中張琳為陝西布政司右叅
議○給靖江王府故奉國將軍佐恭佐美鎮國中尉相顯相顯
妻妾男女歲食米各五十石以男俱幼年未應請名女有殘疾
不能出嫁王以為請故也○戊子太監黃賜傳奏 聖旨營繕
祈正張忠祈副陳禮祈丞吳山之恩阮副使朱員保十六人俱
陞一級明日吏部擬陞俸一級以聞詔從之○己丑命遼府輔
國將軍恩鈿祿米折色內給實米五十石○庚寅復除湖廣按
察司僉事江寬于山西○免陝西西安府慶陽平涼鞏昌四府
逃亡并被掠人戶是歲稅糧三分○命武驤右衛副千戶左進
福子敬襲職進福初自勇士小旗歷陞至千戶皆從內降非軍

功例不世襲 上特命襲之○四川長河西魚通寧遠等處
軍民宣慰使司功加等寨頭目班蘭藏等各未朝貢遣送等物
賜鉢段絹鈔等物有差

明憲宗純皇帝實錄卷之一百一十六

成化九年五月辛卯朔○監察御史聶友良以旱朝雨斜朝奏
官少上命錦衣衛鴻臚寺按門籍點閱朝退雨不止復降旨
免之○荊州等處總兵等官都督馮宗等奏三月十三日撫寧
衛軍三人潛出境外採薪適虜寇突至被殺守關巡哨等官各
失防禦又德匿不報及臣等號令不嚴俱當有罪事下兵部議
如所言上曰守關巡哨等官俱令速問總兵等官姑宥之○
翰林院編修李傑省親復任○刑部奏刑科給事中趙良建言
事謂在外司府州縣官不親理民間爭訟以致里甲耆老賞錄
作弊誠如其言宜通行禁約自後告戶婚田土債負閉毆等事
有文卷可稽衆證已白者官司當躬自問理如人命劫奪謀逆
重情方委里甲耆老人等從公保勘不遵者並治以罪從之○

壬辰但南京大理寺左評事章懋南京監察御史張鶴俱為福建按察司僉事○都察院司務顧祥答山東地方人民饑荒之甚有掃草子剥樹皮剝死屍以充食者又有黑風之異思患豫防不可或緩謹陳救荒事宜以聞一摺米尚乞勅巡撫等官稽諭有米之家赴山東關領官銀增價糶之一摺逃亡民因荒蕪流移者多乞勅巡撫等官蠲免不急之務得徵一應稅糧更發銀米賑濟一摺料種今之賑濟有限饑民無窮宜乘民稍得食之時有司設法給以牛具種子以資耕種之本仍加勸課以作其急一除盜賊山東民窮已極安能保無盜賊之患宜令有司申明舊法嚴督火甲人等盜賊生發隨即擒獲一廣儲蓄山東素無積蓄自今宜行米文公社倉之法編定上中下三等人家每於豐年徵收之餘勸令小戶出粟五斗中戶一石大戶二

石收貯官倉如遇荒歉足可賑濟事下戶部覆奏以為言宜從從之○以旱災危直隸鳳陽府所屬定遠等七縣并高郵儀真揚州壽州氏平五衛去年秋糧四萬一千七百八十餘石穀草二萬九千七十餘包○命山東都指揮僉事趙瑄子輻代父原職平山衛指揮使○癸巳陞廣東肇慶府知府黃瑜為廣東布政司左叅政仍掌府事從總督兩廣軍務兼巡撫右都御史韓雍奏也○命山西陽和城管操都指揮使李錫充右叅將分守大同西路地方○工部右侍郎王詒奏近已奉旨量減柴炭八大而木廠額派柴炭未蒙減除人少後重縱有蓄積難以輸運請勅工部以該運柴炭量為減免通行內外典司其事者樽節用度凡一應柴炭俱暫停之事下工部請如所奏上命惜薪司勿減克祿寺御馬監等衙門量減一二其餘內外衙門雜派

者悉停免一年○甲午暹羅國遣使臣坤烈者林沙等未朝貢
方物賜宴并衣服冠帶絲段等物有差仍以文錦絲段內使臣
歸賜其國王及妃使臣以本國天順元年所頒勘合及衣簿俱
被出壞請頒新者以便貢獻未禮部乞從其請仍令以所壞
者繳進○乙未瑞陽節賜百官宴于午門○丙申陞兵部郎中
葉莖為河南布政司右叅議○丁酉免湖廣辰沅岳安陸長寧
夷陵六衛所屯田子粒一萬七千四百七十餘石以早災故也
○戊戌戶部奏直隸河間府所屬滄景等州縣旱災已奉旨發
德州倉糧二萬五千石依成化七年京城糶糧事例以救民饑
但民缺食者衆宜增糶本倉二萬石每米一石價銀六錢其銀
運送太倉交收准作京衛官軍俸糧支用上以饑民可憫命
再增一萬石石止糶銀五錢○己亥秀懷王見潯妃黃氏薨妃

中兵馬指揮昱之女成化丁亥冊為秀王妃至是薨年二十有
一賜祭葬如制○庚子 太祖高皇帝忌辰 奉先殿行祭禮
駙馬都尉趙輝承命祭 孝陵○太監黃賜傳奉 聖旨禮部
督僉事李玉玉為都督同知○命來降逆北滿都魯太子平
章哈失帖木兒為廣東廣州前衛正千戶○南京司禮監等監
監奏三月十五日夜風雨拔 太廟社稷壇樹禮部以去秋風
雨摧損各壇廟樹及垣宇已令有司修理事尚未完乞令各官
通行修理從之○辛丑分守寧夏范馬池營右叅將都指揮僉
事羅敬坐不能禦虜及提調墩臺慶陽衛中所副千戶馬迪坐
於飛報命俱免謫戍降二級本衛差採○南京吏部左侍郎范
理平理字道濟浙江天台縣人宣德丙午進士除江陵知縣有
文僅七月以舊令復任去民遮留之用少保楊溥學士馬瑜

交章薦陞德安知府以惠愛為政既去民思之為立碑進福建
右叅政歷貴州左布政使前此司署寄治于驛理至始奏即貴
州前衛為司署功成而民不擾擢南京工部左侍郎尋轉南京
吏部左侍郎兩乞休致不允滿考未親卒于京邸年六十六賜
葬祭如例理清約勤慎有吏幹而於文藝亦優所著有讀史備
志詩經集解學者有取焉○壬寅 仁宗昭皇帝忌辰 奉先
殿行祭禮遣駙馬都尉蔣震祭 獻陵○命南京刑部主事張
衍同巡撫山東都御史牟侔賑濟饑民衍赴任道經山東以書
達侔告以救荒之策侔薦之故有是命○癸卯改派直隸真定
府額辦供祀牛犢十五隻於應天府江浦縣并直隸和州二處
免山東額辦供祀山羊七十隻以旱災故也○甲辰巡按陝西
監察御史蘇盛奏虜寇從孤山堡永鎮墩入境至桑林平殺掠

人畜 上諭兵部臣曰遼寇入境官軍全不知覺鎮守總兵等
官設之何為其移文總兵官劉聚都御史王越延綏鎮守總兵
等官張選等督屬嚴備仍令巡撫御史覈其失機隱匿情狀以
聞究治之○丙午擢廣東南雄府同知劉安為宗人府經歷食
四品俸○戶部會官議巡撫大同甘肅等處都御史殷謙等所
奏事宜一太原等府州縣歲運遠方糧草回山路險遠止是輕
齎銀貨買納如薄收價貴則積蓄者高價以圖利如有收價賤
則上納者侵欺以肥己宜令有司遇價賤則督令全買貴則使
納至六七分其餘收銀給與官軍准作俸糧一山西新設威遠
衛與大同右衛相鄰右衛三面發四百里威遠四面僅六里難
以種牧宜令分地官會同守備等官查量以鄰近大同右玉林
二衛餘地內西南各撥二十里東北各撥一十五里給威遠衛

官軍種收一陝西甘肅一帶官倉近被官橫斗級侵盜糧料多至一萬三千餘石少者二千有奇蓋因監收官不相交代致生弊况甘肅見有唐振正積蓄倫禦之時其監收官宜二年一代不許先期而還受代者亦不得託故延緩一甘肅富豪之家多賂總兵副參等官占奪水利妨民灌溉宜令分遣官兼管其事犯者治以重罪一陝西甘州左等衛甘泉等驛遞并河西一帶地連哈密等處內外使人絡繹不絕宜令臨鞏平鳳四府人犯該雜犯死罪并徒流罪者俱發充驛遞夫自烙馬驢牛車相兼服役仍給口糧三斗限滿放歸疏入從之○戶部議遷撫山東倉都御史年休所奏事宜一今山東饑民荷蒙 聖恩出內帑發官廩蠲逋負停徭役周恤保愛無所不至素民日困苦流移益多昔宋仁宗遇契丹流民過界分送諸州以開田給種當


衛守青州過河北流民至境區畫賑恤無異土著方今天下一
統通賦有無何分彼此乞勅河南等處巡撫等官以山東流民
分發各州縣務隨所在區畫厝舍厝位驗口給糧候秋成仍給
口糧發遣復業以其數奏報稽考庶得彼此兼濟一令山東長
蘆二運司官鹽不行而淮浙福建河東廣東鹽課積多久不開
中乞撥百萬餘引於臨清濟寧等處報中不拘資次即與開支
則客商見利必趨樂於中納而有助於荒政矣一山東所屬該
徵糧草粟米豆麥之類連年派運在京諸司并在外河間涿州
臨清德州等處上納自成化六年以來連遭旱澇通負甚多官
吏以此得罪且山東饑民賑恤撫綏尚不能全其生使更差後
道徵是速之厄也乞俱停止庶得少安議入 上以爲然更命
移臨清粟米十萬石賑之○丁未哈密使臣皮刺的牙夾力等

來朝貢馬賜宴并衣服絲段等物有次復以絲段表裏付使臣
齎賜其王母時王母等溫答失力已為速檀阿力所虜 上懼
其情仍賜之使臣蓋未破虜時所造也○賜威茂壘漢新堡子
等處殺賊獲功官軍左叅將都督僉事寧用等絲段鈔絹有差
○都督僉事楊銘有罪充軍銘協守陝西虜累肆掠不能制禦
復盜賣奪還牛羊及私造金字金牌索取官軍財物甚至杖殺
軍士為部下奏發命錦衣衛官同巡按御史鞠實械至京問擬
斬罪詔宥其死發充貴州邊衛軍家屬隨任○守備偏頭關都
指揮使戴廣與山西按察司僉事賈俊互相訐奏挾私誣罔法
司擬罪以上命俱宥之仍戒再犯不宥○戊申陞戶部署郎中
陳載為廣西布政司右叅議○增給故平遙堡靖王所遺宮眷
米歲五十石○給太嶽太和山各宮觀道童一百四十名度牒

○已酉免貴州等一十三衛糧二萬一千九百餘石貴州宣慰司并金筑安撫善安等司州及新添衛新添等長官司糧一萬二千六十餘石以旱傷故也○夜木星犯鈞鈴○辛亥勅陞兵部尚書高輅為戶部尚書禮部左侍郎萬安為本部尚書俱仍兼舊職安上章辭免詔卿效勞年久特茲陞擢不允所辭○賞防禦大同宣府甘涼并京營征戍官軍銀人二兩○陝西寧夏地震有聲○壬子命故浙江署都指揮同知牛鐸子洪襲父原職處州衛指揮使○癸丑以災傷免南京豹韜等衛去年屯田子粒一萬一百三十餘石○降榆林衛指揮同知盛銘為正千戶署都指揮同知隋能為指揮使銘等失機坐罪法司擬戍遣命宥之各降二級○乙卯車州弋陽王親錄母妃劉氏薨妃賴州衛中丞正千戶英之女景恭至申冊封為弋陽王英嬪妃至

是薨計聞賜祭葬如制○宥遼所長史吳崧等罪先是崧等以所造玉牒用印奏進後知道猶重造用寶奏進禮部已恭行也按御史逮問崧等至是世子上章自陳乞免崧等罪故宥之○命永清右衛指揮使蘇琳子恭武功左衛指揮同知金鍾子聲前軍左衛指揮僉事廉忠子弼俱代父原職永清右衛署指揮同知袁昱子能代為指揮僉事仍署指揮同知事○丁巳監察御史聶友良糾是日朝官數少得旨命錦衣衛鴻臚寺按門籍查其註公差患病者一千八十二員不至者八十七員上以所司開路數多徇情不公本當究治并不至者皆宥之且命自後公差患病須印信手本開註再犯不宥○陞四川布政司右叅政吳誠為貴州左叅政○申刻京師雨雹如拳○戊午起致仕禮部右侍郎倪謙翰林院侍讀學士錢溥于南京管事時

南京翰林院署院事侍講陳秉中以憂去舊制吏部具缺內閣
奏用翰林官之當次者大學士彭時等言本院學士四員見充
經筵講官侍講二員清黃教書乞量陞修撰年深者陞院事
內批起濟陞署院事并起謙于禮部於是六科給事中唐仁等
及十三道御史羅明等劾奏濟謙僅能詞章全無實學況權自
先朝累承異寵正宜砥礪名節以求無負而乃不顧清議下
不能正己上不能忠君念其舊勞釋其罪愆全其秩名以榮
田里待之已厚伏乞裁以至公處以大義俾濟等仍舊致仕始
終保全則所以退休之者即所以任用之也奏入上批答曰
朕念錢濟夙謙徃勞特起用之所言不准



明憲宗純皇帝實錄卷之一百一十七

成化九年六月庚申朔賜益陽懿簡王妃孫氏食米歲一百五十石○賜寧前鎮國將軍觀鏐歲祿米折色內改支本色米五十石○禮部言鴻臚寺四夷各國通事額設不過六十人今濫進者數溢額外且國子監監生坐班歷事聽選至十四五年者方得授職今各項通事自辦事至冠帶授職通計止是七年所
以啓奔競之風是後通事有缺俱從鴻臚寺查勘如果於例應
補具呈本部然後行通事都指揮僉事管昇等從公訪保必須
精曉夷語籍貫明白行止端方自無後占者具奏送部審考相
同方奏送鴻臚寺戴頭巾辦事六年送部考中然後支米辦事
三年考覈自無過犯悞事方送吏部冠帶再辦事三年比與監
生出身年月畧等始令實校序班職事否則徑發原籍為民其

有事故者如原額不缺亦不准補其丁憂起復到吏部者亦須
查有額定實缺選補無則仍令聽候如此則事體歸一人無濫
進矣從之○癸亥命故山西都指揮使馬欽子綱襲父原職為
大同後衛指揮使○虜寇未刺三從亂如思蘭犯邊被獲命斬
之○甲子鎮守臨清都督僉事王信等奏臨清路當要衝四方
之人雜居於此比年旱澇相仍饑民窮迫恐變生不虞欲將本
衛京操次撥官軍放回本處暫且操守預為之備事下兵部請
如其議從之○乙丑昏刻木星犯房宿第一星○丙寅禮部左
侍郎劉吉奉命祭告海嶽還自山東言臣自成化九年四月初
十日受命暨十六日陛辭仰體 聖意沿途齋心致敬罔敢怠
忽臣所過濟南等府委因連年元旱不收乃民艱難死亡流離
困苦之狀不可勝言田地乾燥多未耕種河水淺涸船隻少行

災患之臻誠可憂懼惟 皇上矜恤民瘼特降詔書減免租
稅并發官銀錢米賑濟民間欣然不勝感戴及臣於本月二十
六日至東嶽廟下擇以五月朔祭告未祭之先災風毒日酷旱
如舊及省牲之夕忽有雲起西南至夜一更雷雨大作直至四
更方止雨止隨祭祭畢次日復大雨自未至酉方止溝壑水溢
遠近雷足越七日祭告東鎮十三日祭告東海俱各得雨連日
不止事畢回還所過地方間有苗者悉皆長茂未佈種者亦皆
種有青苗運河亦因此水長官民船隻通行無阻 天意漸回
人心稍安此皆 皇上盛德之所感也但今民遭大困之餘其
各該衙門凡百徵需宜悉從寬貸庶使民得蘇息不負 皇上
始終矜恤之意錄臣奉命專為祈禱救災及所目見係干民情
不敢隱默謹具疏以聞下所司知之○巡按陝西監察御史蘇

誠言邊務三事一各邊將士多遇賊不戰詢其故曰損失一軍一馬卽坐失機之罪以此不敢對敵臣謂兵家勝負理勢必然乞勅各邊總兵等官遇賊入境務須督軍勦殺有能臨斬擒斬者從公紀錄如例陞賞不許買奪功次萬一不利亦令覈實果曾率衆對敵或因勢孤援寡以致失利則勿加罪其有閉門坐視或見賊先退者始坐以失機重罪一陝西沿邊一帶臺堡俱有守備官員通者率多推姦避難務自保全見虜既退始出兵尾後以掩其罪虜習知其故肆無忌憚乞將各營堡守備官員公行查選平日剝削字軍閉門保全者一體黜退仍於京營選補守備或於邊衛推選更補一近年陝西百姓困於供饋若於秋成之後再起人夫剝削邊山未免驚擾恐生他變乞暫止此後後年豐無事然後量起人夫修理兵部請如其奏從之○丁

邵蜀府汶川王友瑱薨王和王之第五子也母如金氏正統甲子生天順己卯用封汶川王至是薨年三十計間報朝一日賜祭葬如制謚曰懿簡○戊辰徙雲南趙州乾海子巡檢司於本州海邊○己巳叅贊軍務右都御史王越等奏守禦三邊策其畧曰以陝西計之平涼固原實為喉襟之地今以馬倭從宜防守乃是一時之權若以臣等所舉周玉岳嵩未堪擢用其都指揮僉事王璽累經戰陣謀勇兼優近充寧夏副將而軍馬不足不過徒擁虛器乞假以總兵名目鎮守統制一遇虜賊表裏夾擊可以成功以延綏計之地方險陡軍民俱有崖窻可以藏避計木處馬軍土兵共二萬一千今官馬堪騎戰者不及五千而土兵全不操習則名雖二萬實止五千若令上兵一體操練足得精兵一萬六千其山西遊擊官軍三千宜令在灰溝營等處

屯駐後還大同遊兵三千在大同右衛或朔州探守久相應援以寧夏計之本處久無邊警官軍少經戰陣所以遇虜不能捍禦虜知其然輒肆侵侮宜責令總兵官范瑾遊擊將軍祝雄等與鎮守使撫官簡練軍馬遇虜深入與固原靖虜慶陽等處兵併力夾擊三邊備禦之策無急於此事下兵部議延綏等處乃虜出沒之路我師雖嘗斬獲而渠寇未嘗拔首所以入寇未已况連年荒災及今數月不雨而延綏寧夏等處累報虜情殆無虛日虜或覘我無備後患叵測王憲已充寧夏副將難以輒易大同官軍於灰溝營朔州屯駐相去動千百里卒有警急亦恐調度不前况前此三邊鎮守總兵巡撫等官陳奏不同俱無定見其宣府大同山西兵機亦難送度宜行王越劉聚公同計議一在固原等處一在沿邊徃來調度勦賊仍會三邊守臣將所

奏事宜斟酌以聞議入 上命劉聚在固原王越在沿邊調度
餘如所議○壬申賜廷綏榆林備禦軍士土兵銀人二兩總五
萬二千兩有奇○巡撫山西右副都御史雷復奏太原府屬縣
民言預徵糧草改運陝西榆林山路崎嶇俱齎銀往買但草價
既高不免借借秋成償還多至破產比之大同宣府價增數倍
況今雨雪愆期米價騰踊饑民瘟疫流離其苦萬狀而糧草統
絹藥菜等物該納者不下萬計即今人民救死不暇乞量與寬
減仍加賑濟為便今計其稅糧差役科工之數蓋雖東南富庶
大藩未見若是之繁劇者伏望 皇上軫念邊隅多事生靈疾
苦以派至成化九年榆林綏德大同宣府被災之處糧草物料
悉依山東真定等府寬恤事例蠲免仍發京庫銀數萬兩糴糧
賑濟則民命庶幾可全活矣事下戶部議以為糧草布帛後勘

災傷分數寬減戶口鹽鈔農桑絲絹藥果諸料并逐年通負糧
草宜依例免之京庫銀兩宜發三萬兩以備賑濟議入 上曰
山西民困已極其悉准議行○漕運叅將錦衣衛帶俸都指揮
同知袁佑卒佑直隸潁上縣人襲祖職南京留守衛指揮同知
天順七年陞都指揮僉事領漕卒運糧成化初充叅將令錦衣
衛帶俸陞都指揮同知至是卒于江伯陳銳言佑轉漕十餘年
善撫士卒以死勤事乞賜祭葬禮部以為都指揮於例不當得
上特命與之祭于勳襲南京留守衛指揮同知○癸酉月犯
建星○命貴州署都指揮僉事劉芳子武襲父原職普安衛指
揮使忠義右衛帶俸都指揮同知張忠從弟珍襲兄原職本衛
指揮使○乙亥遣內官祭中霽之神○增設陝西寧州判官一
員管運糧儲○錄榆林寧夏等處征勦虜寇功紀功兵部郎中

劉洪奏總兵官武靖侯趙輔寧晉伯劉聚等征勦訖加思蘭等
虜寇擒斬有功官軍共六千七百五十九員名宜錄其功以振
士氣事下兵部覆請命陞劉聚世襲伯王越左都御史張遜左
少監余子俊左副都御史神英實授警僉事戶部右侍郎陳俊
兵部郎中劉洪員外郎張謹戶部員外郎黎遜主事李炯然俱
增俸一級其餘如所擬陞賞有差○丙子開中淮浙二運司存
積鹽課三十萬引於榆林命巡撫官定立則例召商上納糧單
○丁丑太常寺卿兼翰林院侍讀學士劉翊服闋復任○陞禮
部員外郎謝守為太常寺少卿仍舊內閣書辦舊例員外郎九
年秋滿陞陞二級守自陳勞績故得加一級為少卿○擢理刑
知縣洪冕孫緝廉文為南京監察御史冕雲南道緝廣東道文
福建道○太僕寺奏在京在外銜所并直隸保定山東濟南河

南開封等府成化八年學生并陪價馬騾駒共二萬四千二百
十四匹○命故福建都指揮同知閻忠子賢襲父原職福州左
衛指揮使○已卯免陝西今年夏稅及農桑絲絹綿花舊所負
糧單以其地凶荒故也○辛巳巡撫遼東右副都御史彭誼奏
六月虜自義州境入寇署都指揮僉事常凱等督兵追之至東
長嶺連戰三十餘合虜乃敗北斬首九顆獲馬九匹盡甲器伏
一千三百有奇○壬午旌表孝子何文祀等三人節婦余氏等
六人烈婦張氏等二人文祀宣府左衛軍餘繼母卒廬墓三年
沈忠直隸歸德衛軍祖母瘡發左乳肉潰生蛆忠憂慟取蛆嚙
之曰寧食吾心勿傷吾祖母唾去膿血瘡遂獲愈父患風疾顛
天祈減年一紀以延父壽及父卒計其時適盈一紀已而母亦
繼卒忠號痛斃絕廬墓終喪史憲福建晉江縣人襁褓失父賴

母鞠育甫成童即知孝敬家無餘貲而養母極滋味母病甚醫藥弗效祈天以身代病遂愈母卒廬墓三年鄰壤田禾累年豐稔人稱為豐年山又有二白烏來集墓樹人皆異之稱為白烏墓俱旌其門曰孝行余氏浙江鄞縣人徐恂妻曹氏陝西岐山縣民李錫妻鄭氏河南杞縣民楚錫妻于氏湖廣江陵縣民沈彥清妻高氏山西朔州衛軍餘雷順妻魏氏四川合州民陳本初妻皆夫亡守節無玷旌其門曰貞節張氏直隸歸德衛舍人孟倫妻夫亡哭曰夫既死生何為以夫衣帶自縊吳氏河南封丘縣生員彭儀妻夫亡母以年少無子欲改嫁之託以省夫墓自縊於墓樹俱旌其門曰貞烈○癸未陞順天府府尹李裕為都察院右副都御史總督漕運○宥南京兵部侍郎馬顯罪初顯巡視鳳陽等府為御史劉城等劾去其所罷黜官命巡按御

史馬進履勤有素稱蕪能之人揚州府知府周源徐州知州陳
廷健山陽縣知縣張淮為人誣告不能明辯奏上命凡為顯所
枉者悉復其官顯處事乖錯法當建問姑宥之○甲申刑科給
事中王銓以刑部尚書陸瑜久患風疾奏乞暫免朝參欲於公
署治事調養初其貪位繼祿不能引退宜罷歸田里 上謂朝
廷准退大臣豈因一人之言所奏不允○乙酉 孝莊睿皇后
忌辰 奉先殿行祭禮遣駙馬都尉王增祭 裕陵○丙戌鎮
守薊州等處太監龔榮等奏六月十七日虜寇犯邊與右叅將
李銘谷率兵追勦失夜不收三人皆由分守奉御李俊總兵都
督馮宗巡撫左僉都御史張綱失於嚴督請治其罪且俱自劾
兵部言遣兵哨賊分所當為因而罪之恐後規避誤事命姑貸
之○右叅將都指揮僉事李銘犯隱匿軍情等罪為巡關御史

王濟奏發銘因奏濟挾私妄言命官推問擬銘降充總旗已而鎮守太監龔榮等奏銘守邊部下人多悅服命特宥之止停俸三月濟亦置不問○丁亥陞福建布政司右叅政趙昌為山東右布政使○戊子陞湖廣布政司右叅政劉觀為福建右叅政工部郎中蔡誌為河南左叅議○巡撫寧夏右副都御史徐廷章奏寧夏地方自五月以來凡三次地震皆有聲自西北而東今寧夏城西北一帶乃賀蘭山距寧夏城僅一舍許山之外即胡虜畜牧之地夫地道宜靜今乃數震且起自西北安知非天先示我以虜將入寇之兆乎况今天久不雨秋禾被霜夏麥無收人多疫死軍士饑疲殊甚災異示警殆必有在乞遣官致祭賀蘭山之神庶幾感格以安地方以弭災異事下禮部覆奏謂境內山川嶽鎮不同不必遣官宜行鎮守巡撫等官致祭從之

○己丑兵部奏山東河南并北直隸地方祈高馬駒例需遣官
印記但歲凶民困宜暫停止從之○是月直隸河間府蝗廣平
順德大名真定保定并河南懷慶有大雨水

明憲宗純皇帝實錄卷之一百一十七終

大明憲宗孝皇帝實錄卷之一百一十八

成化九年秋七月庚寅朔享太廟○遣內官祭司門之神○

運戶部折糧銀并太倉銀各十萬兩於陝西榆林城以給軍餉

○開中淮浙鹽課三十萬引於陝西甘肅寧夏等處倉以給遣

儲○辛卯陞浙江布政司左叅政祁簡為順天府尹○陞碭

山縣知縣張步輔為潁州知州巡撫都御史張鵬薦其端謹有

為故也○南寧伯毛文應天并直隸鳳陽滁和等府州縣印

記成化八年孳生馬騾駒九千一百五十五匹○南京盜因風

兩夜入都察院獄劫死囚三人以去守備成國公朱儀等以聞

右副都御史胡拱辰因劾提牢巡風御史郭經陳壯并司獄等

官罪仍自劾刑部請差錦衣衛官逮至京鞠治上曰有罪官

吏就令南京刑部取問經壯仍令戴罪捕囚拱辰姑宥之○壬

辰陞廣東布政司右叅議李田為浙江左叅政○勅遣都督同知李文石通政劉文佳甘肅規復哈密城哈密既馬上魯番連禮阿力所併累求救援兵部言哈密實西域諸夷喉咽之地若棄而不救竊恐赤斤蒙古罕東曲先安定苦峪沙州等衛亦為土魯番所脅則我邊之藩籬盡微而甘肅之患方殷設使河套之虜不退閩中供億愈難維矣 上命集廷臣議之會昌侯孫繼宗等謂宜及今賊勢未盛黨與未成乘時遣使勅赤斤蒙古罕東等衛加之厚賞諭以大義俾知唇亡齒寒之勢且速禮阿力今亦遣使進貢或有向化之心因賜之勅使悔過自新庶可以散其姦謀縱哈密不能自存亦足以堅各衛內嚮之志因舉文等習知夷情宜委以使事詠入 上是之乃勅文等曰朝廷設立哈密城池為西夷要路近因忠順王無嗣被土魯番速禮

阿力欺凌王母寡弱攻劫城池復遣人招誘隣境意圖吞併今特命爾等會同甘肅鎮守總兵巡撫等官計議親詣赤斤蒙古罕東等衛宣德布威撫安衆情務令固守境土毋為所扇惑以自取罪戾仍遣人齎勅往諭速檀阿力令退還哈密城池速歸本土已往之罪悉從寬宥若其畏威遠遁爾等即將哈密人民安輯詢訪彼中頭目兼察夷情或於安定別取親族王子為王或別立大頭目一人掌管若此虜冥頑弗俊仍前占據各衛果能合兵進勦宜從運謀設策隨機進止務在計出萬全毋或輕率寡謀陷賊姦計致生他虞其欽承朕命勉之慎之○癸巳仁孝皇后忌辰 奉先殿行祭禮遣駙馬都尉蔡震祭 長陵○調直隸永安縣知縣趙禮于清河縣巡撫都御史張鵬等言清河當南北之衝政務繁劇而知縣李洪不能治繁宜與禮兩

易之故有是命○大慈恩寺灌頂大國師端竹也失奏往陝西
河州等處治公事乞以鴻臚寺冠帶通事張志通偕行既得旨
允之而不守崇化大應法王劉寶復奏陝西弘化寺乃至善大
慈法王塔院歲久損壞乞勅鎮守等官修築城堡如瞿曇寺制
又言天順開寺僧五十五人月給廩米人六斗軍民夫六十八
守護今乞申嚴如例復允之○左軍都督府失囚都督同知王
瑛等請罪守監千戶并自初詔可而特宥瑛○乙未陞武成縣
知縣姚顯為大僕寺寺丞巡撫都御史翁世資薦其廉明素著
故也○山西太原府地震有聲如雷○丙申直隸真定河間等
處蝗○山西都指揮周英備冬黃河正月初六日夜有虜寇二
十餘騎踏冰過河殺掠人畜以去巡撫都御史雷復以聞因劾
奏守堡百戶二人及英提督不嚴之罪下巡按御史鞠之英罪

當杖百戶當充軍都察院以其微奏詔英准擬百戶降二級差
操○丁酉慶府安塞王秩吳莞王靖王之第六子也母妃魏氏
宣德丁未生正統甲子冊封安塞王至是莞年四十有七計閭
輟朝一日賜祭塋如制謚曰宣靖○南京六科給事中劾奏掌
南京左軍都督府事應城伯孫繼先貪暴無厭服用僭侈事下
南京都察院兵部會鞫得其占役軍餘徵收月糧又索賂不足
杖人幾死至有賣女以賂之者其器用違禁若金飾床帳之類
頗多乃逮繼先坐受財枉法當絞例減死立功五年家僮孫弘
等四人為之聚斂俱坐杖徙都察院以其微請 上曰繼先貪
暴僭妄難再任用可奪爵開住弘等俱發充廣西邊衛軍○戊
戌賜趙王見瀟彰德府稅課司鈔歲三萬貫時王奏求稅課全
額計鈔七萬五千一百餘貫戶部言本府折色俵糧及諸公用

皆取給于是故從減賜之。○羽林衛帶俸都指揮同知姜盛鎮守陝西蘭縣先以進兵後期為巡按御史所劾兵部奏令停俸殺賊贖罪既而巡撫都御史令率兵會寧防禦部下官軍三百人以輜重先行過虜盡為所掠官軍多死傷者兵科給事中復舉劾之下巡按御史達治俱伏坐斬都察院以其獄上請詔免死降官三級調榆林衛差操。○己亥陞山東萊州府通判徐盛等九人為兗州府同知等官并調萊州府知府錢源等八人于兗州等府縣以巡撫都御史年俸言也。○給司禮監并織染局軍匠五十餘人食糧月一石舊例諸司軍匠月糧五斗近歲邊軍有結中貴以希用者被旨召入監局稱其技藝精巧特優給之。○辛丑命封蜀王申鑿生女王氏為蜀定王妃從蜀王請也。○陞南京戶部郎中凌文為湖廣布政司右叅議。○南京守

備成國公朱儀自陳多疾乞還京調治 上以儀安靜有守正
堪委任不允所辭○壬寅陞戶部主事李炯然為郎中仍理陝
西軍餉先是戶部右侍郎陳俊奉詔總督陝西軍餉請炯然隨
行已而俊還朝炯然留陝西巡撫都御史余子俊薦其廉幹且
有年勞故有是命○提調北直隸學校監察御史閻禹錫奏近
例北直隸學廩膳生員考黜者俱追償廩米為民今奉勅俱發
充吏請停追廩之例禮部覆奏從之○癸卯增設陝西延安府
阜益豐盈廣濟永充廣足永盈常積宏阜寧塞定遠十倉大使
常盈栢林皆神木清水富有永益巨積七倉副使新設永興永
濟新興三倉并廣有庫大使各一員○故都察院副都御史陳
泰男復奏乞為國子監生有旨令原學教養依例起送一甲辰
中元節遣駙馬都尉楊備瑛凱分祭 長陵 獻陵 景陵

裕陵文武衙門各分官陪祭○道內官祭 恭讓章皇后陵寢

○乙巳陞監察御史傅實為廣東布政司左叅議○吏部奏在京在外衙府經歷布政司都事副理問按察司知事州判官縣丞九年秩滿常例有陞一等等者有原任知縣本等用者俱正七品內選用正七品之職知縣推官俱簡任不輕授人多缺少往往有壅滯之嘆自今請令擬陞正七品待缺者許就從七品之職仍支正七品俸從之○陞金吾右等衛帶俸都指揮使白玉為中軍都督僉事吳英為前軍都督僉事李輿為後軍都督僉事周賢為右軍都督僉事李友為左軍都督僉事俱以延綏等處斬獲虜賊功也○命故鳳陽中衛帶俸署都指揮僉事曲恂子瑄襲父原職本衛指揮僉事○丙午陞刑部員外郎許盛大理寺左寺副聶元為按察司僉事盛四川元雲南○命故

陝西行都司都指揮同知柳春子忠襲父原職甘州右衛指揮
使○改福建鎮海衛後千戶所為漳州衛中千戶所守禦龍
巖縣地方○丁未 太宗文皇帝忌辰 奉先殿行祭禮遣駙
馬楊偉祭 長陵○己酉吏部尚書尹旻等言本部議奏天下
諸司官有缺每五日內申所司巡按御史兩月一次具奏各司
府每三月類上本部而諸司乃有不如期奏報者有不到某官
某人以某事去者有除官半年仍復作缺者有以某縣為某縣
者有署印官賞緣為姦故不以上者以致選人壅滯不得銓補
自今乞下巡按御史并諸司令其一一如前所奏上之違者俱
論以法詔從其議○庚戌東直門火○以水旱災免應天池州
安慶徽州四府所屬上元休寧等十九縣去年秋糧九萬四千
八百餘石○辛亥陞監察御史劉謙為陝西按察司僉事○壬

子迺撫陝西左副都御史馬文升等奏西安府藍田等縣流民
四集而延安府屬縣尤多俱欲棄隙入山恐貽後患宜焚隨處
安置令二府官倉各發糧五萬石賑之待望年遣回庶不所失
戶部覆奏延安各通邊激供需甚急糧不宜輕發宜於陝西官
庫支銀給與使自糴食其西安糧則宜如所請從之○癸丑冊
皇第六妹為隆慶長公主選東城兵馬副指揮游傑男泰為
駙馬都尉授以誥命○命故鎮遠侯顧淳從弟溥襲爵給祿米
八百石本色三百五十石餘折色○復設蘇松常鎮湖五府并
所屬長洲等縣勸農通判縣丞各一員從提督河道僉事吳編
請欲復永樂舊制且以杭嘉二府并所屬見有舊設勸農通判
縣丞故也○勅都指揮僉事傅巖協同分守宣府中路地方○
甲寅陞陝西紅城子驛驛丞焦顯為定安縣知縣頭先馬御史

以謹誦麟至是巡撫都御史姜良并巡按御史蘇或友薦之
故有是命○免河南彰德衛輝二府所屬州縣去年稅糧十六
萬六千八百餘石以旱災故也○平虜將軍總兵官劉聚聚贊
軍務右都御史王越等奏七月初三日虜寇榆林湖右副都御
史余子俊者都督僉事許寧等督兵與戰二十餘合已而我兵
聞援兵將至鼓勇而前賊遂敗比生擒十人斬首二十九顆奪
獲馬六十四匹盔甲兵仗三百三十七件事聞上賜勅獎諭聚
等曰得奏殺敗賊衆雖許寧等謀勇所致亦爾等總制有力惟
事無掣肘之嫌斯功有相須之益良可嘉悅特茲獎諭爾等宜
益殫智慮益竭忠盡以圖殄滅此虜肅清邊境朕副朕之委任
欽哉○巡撫陝西右副都御史馬文升等上議置邊倫三事一
靖虜衛迤東打刺赤之地城堡已先宜委本衛指揮一員領寄

操官軍五百人守梁仍勅叅將趙順僉事楊冕往來提督一肅
府甘州群牧千戶所官軍每冬於蘭縣操備者宜留固原及本
所操守仍選臨肇二府衛土兵民壯使於蘭縣把守河橋庶馬
兩便一肅府并黔國公家人先皆歸化土達今子孫漸表往往
馬非况居近固原率能騎射宜精選其精壯與固原官軍操練
或本堡防守兵部覆奏從之○乙卯陞河南葉縣知縣宋璽馬
直隸泗州知州璽先知鎮平縣以才優調葉縣治有善狀九年
將代巡撫都御史并守臣交薦之復留三年至是陞之○丙辰
擢閩刑知縣劉瓚黃本徐博為監察御史瓚江西通本雲南道
博陝西道○賞河南布政司叅政孫洪等四十員綵段六十一
表裏以荆襄叔賊功也○鎮守雲南太監錢能奏金齒司委官
指揮同知侯勇指揮僉事盧安等不避艱險撫退貢章等處蠻

殺夷兵而盧安屢取寶石入貢其勞尤著請量加陞賞兵部覆
奏上可之特陞安署指揮同知○丁巳調河南太康縣知縣
王恂于信陽縣巡撫都御史楊璿等言信陽事繁而知縣田畷
宜於治簡當與恂兩易之故有是命○浙江道監祭御史阮玘
陳言六事竇大臣以裁庶政省妄費以足財用慎安危以嚴兵
備明賞罰以馭邊將驗儲蓄以防民譏嚴軍功以杜倖食事下
所司知之○己未開設福建歸化縣道會司○命故金吾左衛
中所帶俸指揮僉事周信子晟襲父原職指揮使○命重卜韓
胡宣慰使司都指揮使喃哩結者思八言千已藏卜子綽吾結
言千仍襲都指揮同知



大明憲宗純皇帝實錄卷之一百一十九

成化九年八月庚申朔南京六科給事中汪直十三道監察御史吳禔等言側聞 皇上起致仕侍郎倪謙侍讀學士錢溥俱改南京人情驚駭物議喧騰夫禮部為典禮之司翰林又文章之府以謙明於典禮歟謙則踈狂不經何有乎典禮以溥長於文章歟溥則浮靡不實何有乎文章就使兩人者明於典禮長於文章而德不勝才何足齒錄况謙雖家居怙勢躋貨爭告蘆場而僧寺被其擾害溥雖家食乘時射利屬託公務而官府莫敢誰何跡兩人者之行若更進用其招權納賂蠹政害事將無不至意者 陛下亦知兩人在公論不可用始起之於南京然南京 祖宗根本重地豈可用非人而玷之哉兩人者意欲無厭必將自南而北以圖柄用豈肯但已伏望 陛下收回恩命

將諫溥放歸田里以為姦貪者之戒則公論以昭物議以息奏
入 上曰此事已處置矣○巡撫浙江右副都御史劉敷等奏
浙江連年災傷財力困竭常賦尚多逋欠額外豈能陪納今條
上分訟事宜一奉化縣廣利等塘官民田河三十餘頃山陰會
稽蕭山上虞餘姚諸縣臨海田地六百八十餘頃共該稅
糧七千五百石有奇自永樂迄今被水不可耕種而稅糧皆陪
納於民累奏勘實所宜蠲免一海寧縣赭山湯鎮稅課局永樂
中為海潮坍塌移置八都地方偏僻客商不通而所派稅課俱
令巡撫陪納亦宜裁革一寧波府初設永寧廣盈二倉寄收海
運官糧近年各縣糧稅俱派納於沿海廣積等倉而二倉多空
虛宜以永寧糧併於廣盈收支而改永寧為便民倉以收起運
糧則官民兩便一杭州北新關歲有水而課鈔八十三萬五千

九百餘貫近戶部委官復令木商納鈔遂增原數三分之一緣所販之木城南稅課司既已抽分而北新關又為納鈔合與停罷一湖州府安吉縣銅山等鄉籍沒官地內原有栗樹歲納粟一百八十九石歲久樹枯佃戶逃亡而粟皆陪納於民宜蠲其課以其地撥民承種納稅事下戶部議以浙江稅糧指於諸司職掌所載已減四分之一今岍江倒岸併籍沒田地桑欲減徵則稅糧視舊益少而內外供給何以措置除籍沒者如舊其岍江請行勘實仍以新漲沙洲并附近荒田撥補或以稅糧量為存留及該折銀內解納其海寧稅課局准遷於人烟輳集之處課鈔如舊不許裁革寧波改革永寧廣盈倉合如所奏杭州北新關納鈔宜行勘實處分如係解京之數難從分免安吉縣粟課係歲辦供給內府請令所司如舊採辦若有枯樹具數奏聞

處置議入從之。○命故福建行都司都指揮僉事仲榮子德馨
父原職建寧右衛指揮使。○壬戌巡撫山東左僉都御史牟侔
復以山東災異乞罷。上命侔用心巡撫不允辭。○翰林院編
修謝鐸言臣等被旨校勘資治通鑑綱目已畢臣退稿自念是
書師法春秋實經世之大典帝王之龜鑑。陛下發自宸衷重
加考定必將日御經筵命儒臣講論陳列力求善惡興亡之大
者以為勸懲以實見於踐履設施之際以大起治道不為文具
故事以備太平之美觀也夫宋神宗集是書而不能講理宗講
是書而不能用故不免紛亂削弱而終不能復其祖宗之盛治
百世而下未嘗不歎恨於二君而有望如 陛下今日之舉者
臣竊惟今日治道之本莫先於講學學之道無他孔子曰知仁
勇三者天下之達德也唐虞三代之君之所以為知為仁為勇

者考諸經可見己是書所載戰國秦隋兩晉六朝五代有不暇
論必若漢昭帝辨上官桀之詐以仲霍光庶可謂之智而苛察
之知非知也必若文帝割鄧通之私以從申屠嘉庶可謂之仁
而姑息之仁非仁也必若唐憲宗不沮羣議卒任裴度以成淮
蔡之功庶可謂之勇而亢暴之勇非勇也彼代宗深信佛法惑
於元載報應之言而不能察是以貪昧而昏其知玄宗滿意聲
色知李林甫之妬賢嫉能而不能去是以愛欲而害其仁元帝
徒傷蕭望之之賢而終不能直其寃是以柔懦而喪其勇若是
者雖博古今工詞翰馳騁於經生學子之間何益於天下之治
哉臣竊觀今日之天下有太平之形無太平之實蓋因仍積習
之久未免有徇名廢實之弊天下之事恒所令非其所好天下
之人皆奉意而不奉法如曰振綱紀而小人無畏忌如曰勵風

俗而士夫無慮私飭官司也而汙暴益以甚裕兵民也而罷散
益以極減省有制而勞者弗息蠲免有詔而饑者弗食考察非
不行而待門日以開簡練非不舉而私徃日以衆賞竭府庫之
財而有功者未必勸罰窮讞覆之繁而有罪者未必懲凡此之
比固有非臣所能盡知而悉言者甚至修有齋禱之初屢頌而
水旱變異之來不絕皇堦被震城門示災 天心之重愛已切
民心之仰治已久及此而不思所以疎動旋轉之機扶其本寒
其源以大答天人之望是蓋深為可慮者也夫以 陛下之聰
明天縱宵旰勤勞豈不知用賢以圖政治而故使之至是哉蓋
人心不可兩用或者一念之間奪於彼則不得務於此惑於外
則不得專於內故雖勞於求賢而一有妨乎已則賢者未必得
用雖勤於立政而一有礙乎已則善政未必得行是以猶有待

於今日講學之功如 陛下之汲汲於是書者 陛下誠反是
心一以宗社生民為念力求天下之賢而用之縱未得伊傅周
召之倫亦庶幾是書所載若漢之董仲舒汲黯諸葛亮唐之宋
璟韓愈陸贄之徒置諸左右每於退朝之暇日取是書參質聖
經賢傳以增益所謂知擴充所謂仁堅忍所謂勇務求不為言
語文字之學而直以今日天下之勢驗之前代既往之迹見其
用某人而興行某政而得則曰今嘗亦有是乎見其用某人而
失行某政而廢則曰今豈亦有是乎此心兢兢固有內外固有
終始大本既立萬目隨舉則以之見於踐履設施之際將無往
而不致實效於天下以能常享太平之業如唐虞三代區區漢
唐之治有不必言者矣 上下其章于所司○甲子巡按山東
監察御史董俊奏近戶部禁約直隸大名等府山東河南等布

政司自後起運糧草舟車可通之處皆解本色甚為勞民傷財
始以草計之起運邊關及京城者道計五十束止用銀二兩若
運本色則五十束須車一輛日費五錢以二十日計之則費一
十餘兩矣雖有近河之處然亦費解剝及至京或買草補納則
京城價直反貴況各處今歲重罹災傷乞俯順人情仍如舊收
折色且見行事例惟包攬者追陪充軍餘犯俱如常例今欲將
多科并通同攬頭鋪戶店行糴賣及部運官吏大戶槩如重例
則輕重不分法不可行但包攬充軍例原無追納程限致多畏
罪遷延請責限三月內能完納者亦如常例過期者方發戶部
儘其產業追陪仍謫戍邊餘但如常例為是戶部議折收輕徭
雖便然京師糧草所出有限所用無窮每為各處買納致令價
直騰踊而納戶又嘗以折收貿易不足累為拖欠往往瘦死無

從追納事在難行其定包攬充軍程限及從輕罪其連累者則
宜如所奏仍請行各處巡按御史申明而行從之○乙丑命故
遼東都指揮僉事王昇子璽襲父原職東寧衛指揮使○宣府
總兵官都督同知顏彪巡撫左僉都御史鄭寧等修獨石馬營
等處城垣墩臺及長城崖塹之被雨衝壞者具數以聞○丙寅
陞光祿寺少卿陳鉞為山東左布政使刑部署員外郎石渠為
按察司僉事復除湖廣右叅政周晟於山東布政司俱令馳驛
之任時山東大水旱蝗從巡撫都御史年俸之請也○兵部言
臣等嘗三次議奏令中外文武羣臣舉用將材久不應命天下
之大豈無其人宜令在京文武從公推舉堪為大將及堪為偏
將者以聞仍移文南北二京并在外諸司如議行之詔可○丁
卯釋奠先師孔子遣禮部尚書兼翰林院學士萬安行禮○命

署都督僉事劉清佩鎮朔將軍印充總兵官鎮守宣府地方○
南京右副都御史胡拱辰奏近奉勅提督操江兼督巡江事緣
操江官軍既有守備參贊內外重臣兼理其事若復參預則事
無統一況獨總院事尤難兼理兵部議宜令拱辰專督巡江從
之○戊辰祀 太社 太稷○刑部尚書陸瑜乞致仕許之○
己巳 孝慈高皇后忌辰 奉先殿行祭禮駙馬都尉趙輝承
命祭 孝陵○改命右副都御史殷謙巡撫宣府右僉都御史
鄭寧巡撫大同初代王奏謙當朝使冊封郡王不隨侍行禮出
視邊牆不辭而行并役銀匠而不給傭錢諸不法事命戶科給
事中杜壽等征勘劾奏謙當逮問有旨宥之而勅謙與寧兩易
巡撫○尚寶司卿楊導言尚寶司官雖經考績止陞本司吏部
拘於近侍一槩循例不復舉用人材淹滯無以自效且翰林院

六科光祿寺俱近侍官往往扶擢事功可稱而尚寶司獨終身不改蓋所司拘於成案當道視為棄材旅進素餐自壯至老惕然思寃內媿益切伏望鑒虞罔任官任人之意體 祖宗隨材任使之心勅令所司照例推舉事下吏部尚書尹旻以為難從上曰古之王者立賢無方尚寶司官果有才堪政事者不宜使之終老是職吏部其視諸司例舉用之○陝西西安府奏所屬州縣自去冬至今春久旱無以連年用兵財力困竭更加賦役繁重恐患出不虞乞罷徵夏稅及備運糧草凡該清軍丁該班匠役并祭祀禮待羊與不急之物悉與停免其各邊軍馬合用糧草移文巡撫總兵斟酌多方區畫或間月折支官銀或止揀擇精銳步兵分守要害則軍馬數少糧草可省矣戶部議以不急征役已節次寬免其欲糧草折支官銀聞虜賊未退給邊糧

草難以停運且其事勢甚重不可遠度請行鎮守巡撫及本部
委官斟酌處分如或償運不可停欲起倩人夫量給口糧脚力
并軍馬糧豆減省支銀皆為從長區處從之○哈密僧必刺牙
失里把的刺奏其種落數遭速檀阿力劫殺避往甘州者二百
人無以自給乞撥邊方閒地耕種暫為量給口糧戶部議以夷
人同所當恤但甘肅儲積不易且其情真偽未辨請行總兵巡
撫勘實及稽積儲有無可給 上允其議○致仕前軍都督同
知楊茂卒茂湖廣武昌縣人襲父才職為副千戶征麓川陞指
揮僉事景泰初用薦陞湖廣都司署都指揮僉事天順初以五
開等處功陞都指揮同知繼命充叅將備運糧儲調錦衣衛帶
俸尋以征東首功陞都指揮使成化初陞前府者都督僉事充
漕運總兵官鎮守淮安六年陞都督同知未幾致仕至是卒賜

莽恭如例茂軀幹壯偉頗讀書好禮督運數年不事苛刻事濟
而人安之子徽襲沅州衛指揮僉事○辛未陞吏部郎中劉成
為太常寺少卿戶科給事中施純為鴻臚寺右少卿○錄遼東
亮子河等處殺賊功賞叅將都指揮僉事周俊等白金綵段有
差○壬申故四川順慶府知府阮遷于子廷珪奏臣父遷于以
交趾歸附人有功歷陞知府以老致仕寄籍宣城縣而卒今乞
授臣一職養贍以免流離失所之苦事下吏部難之第請行宣
城免其徃後以示優卹 上曰遷于自交趾來歸有官勲以沒
其子自陳孤寓流落有可矜者宜特授官縣丞使食其祿不事
事以稱朕柔遠之意○命故貴州都勻衛指揮使丁輔子輝食
都指揮僉事俸優給輝祖寔嘗任貴州都指揮同知於落卜茹
等處勦賊陣亡至是其孫優給錄寔功陞之○癸酉戶部奏真

定府諸州縣先奉詔蠲免夏稅五分尋以壩上等倉急缺奏立
令給太倉銀買補納之今其地災傷比于上年為甚其所該徵
五分亦乞蠲免仍於太倉給銀買納從之○直隸清豐縣知縣
湯滌奏本府地方連年荒歉今又大水時疫盛行死者無算而
預備倉糧放支已盡救荒無策莫甚此時請以每年戶口鹽鈔
人丁絲絹暫定則例每鈔一貫絹一疋各折米若干俱收預備
倉及各府秋糧存留起運之數亦以十分為率暫留二分仍令
有司總計在倉糧數以三分為率支出二分每年給與願借人
戶候秋成取息三分其本仍歸官倉其息收於預備倉行之十
年利不可計又請量留買辦各色物料之半以資糴本俟年豐
如舊疏入命所司知之○甲戌真定府奏成化六年以前所屬
鄉民於戶口食鹽俱納米計歲徵米二萬三千四百二十餘石

官吏市民納鈔尋令槩納鈔今各州縣學驛俱缺糧支用而鄉民無鈔亦皆願納米請仍行舊例戶部議以為宜從詔如議○南京山西等道監察御史戴佑等言天道之災祥由人事之得失南京今歲四月以米陰霾連旬凄風彌月兼以靈雨繼作滄溟田禾蘇松嘉湖諸處亦被水患秋成未可全望又聞滄州飛蝗蔽天嚴州青蟲遍地德州直抵淮安一路大水房屋田苗多為漂沒咎徵若斯何以消弭伏望 皇上日嚴聖敬以答天心益隆聖學以親治化日御便殿召集儒臣講求昔之災變何由而致今之拜災何施而可總攬乾綱痛革姦弊事業無間有雖親信大臣而必去名實相孚者雖踈遠小臣而必用御史身日之官也選之不拘近例守令牧民之官也任之惟在賢能天下貢獻非舊制之所有者即為罷去各處科派非軍需之所急者

量為減少以至漕運京儲所係而總督久缺宜急求人以補之
鹽法邊用所關而經年廢弛宜慎擇官以理之民饑賑之不可
不早盜起捕之不可不嚴凡諸教天恤民之政務求實效不為
虛文將見人事盡而天理得咎徵弭而休祥致矣 上下具章
于所司○太傅會昌侯孫繼宗等會推宣府遊擊將軍都指揮
使周玉寧夏副總兵都指揮同知王璽遼東副總兵都指揮僉
事歸斌智勇出衆堪受重寄都督僉事白玉都指揮使康永吳
瓚都指揮同知于威王傑都指揮僉事關斌魏信孟璽王暉高
通劉文陳志指揮使杜山丁同宗鄒倫指揮同知劉良熊振張
通頗有謀勇堪任偏將具疏以聞 上曰侯邊將有缺兵部推
所舉者用之○調錦衣衛帶俸都指揮僉事李玠于外衛兵部
言玠屢嘗給取人財罪雖蒙宥而例宜改調 上以其累犯不

後調之。○乙亥祭太歲風雲雷雨嶽鎮海濱山川等神。○遣旗手衛官祭旗纛之神。○錄征兩廣陣亡官軍都指揮咬哈等一百九十八人功以綵段絹布給其孀。○併四川夔州府奉節縣學于府學。○丙子巡撫北直隸右副都御史葉冕奏順德廣平大名河間真定保定六府賑濟過畿民凡六十九萬一千七百三十六戶用糧七十五萬三百石有奇。○刑部都察院各奏天下都布按三司并直隸府衛等衙門奏繫死囚總二百六十八人令霜降在通請差刑部官會同巡按御史詳審無冤就彼處決間有翻異原招稱訴冤枉及情可矜疑者會鞫其實以聞從之。○漕運總兵官平江伯陳銳劾奏把總運糧都指揮彭鑄歲令各舡附載私貨及與指揮李瑄鐵琮等交通賄賂侵剋官糧請遂赴京師治罪刑部以路遠人衆請下南京刑部取問如律從

之○丁丑遣戶部尚書薛遠祭京都太倉之神○遣順天府官祭宋丞相文天祥○太子少保兵部尚書白圭以繼母喪去任命給驛歸葬畢即起治事圭奏乞終制復有詔朝廷急於用人不允○巡撫山東左僉都御史牟侔奏山東雨水蟲蝗甚於往歲今欲復行賑濟則公私儲蓄俱竭何以支給百萬生靈安能保其安心就死而司民牧者豈能坐視其死而不救邪臣前此曾進所陳救荒之策或可少裨荒政而所司以無益不錄者多伏望 皇上重念民災特勅廷臣各陳長策仍集議臣前所陳如召令監生員聽選入監復為事文武官員舊職給度僧道借撥餘糧借支俸祿不拘常例特賜允俞并查陝西納草例及存留漕運糧收貯庶幾賑濟有備民命可全而地方無意外之虞也戶部議以俸所陳事宜皆先集議難行者今俸又以為言

則惟僧道正當十年一度之期請令禮部出給空名度牒數萬
令赴山東告給每牒納米二十石或銀二十五兩其借撥浙江
等處餘糧則惟常熟等縣折銀見在官庫請行巡撫都御史畢
亨借撥三萬兩其陝西納草例凡在京辦事及到部寄名吏納
銀八十兩者免京考冠帶辦事當該一年以上者令家屬納銀
四十兩二年以上者三十兩三年已滿者二十兩俱免考試即
冠帶依資選用各處軍民人等有納銀五十兩者納冠帶七十
兩者給從九品散官自從九品以上至正七品每一級加十
兩今可如例召納議入詔悉從之其漕運糧准留五萬石於德
州臨清倉收貯○戶部奏直隸府州縣被災其夏稅已奉詔免
五分仍以太常寺等衙門急缺麥豆令照時價支給太倉銀買
納今景州等處全災則該徵五分亦宜蠲免仍請給銀買補派

納之數從之。○禮科都給事中霍貴等劾奏太醫院使方賢朦朧奏乞以其子入監于例有違罪當究治監察御史聶友良等亦以為言有旨爾等所言良是然既乞之矣其勿復問。○詹事府少詹事兼翰林院學士柯潛卒潛字孟時福建莆田縣人景泰辛未舉進士第一授翰林院修撰明年陞右春坊中允仍兼修撰丙子寰字通志成陞司經局洗馬天順丁丑改尚寶司少卿仍兼修撰己卯充 東宮講讀官 上嗣位以待從恩陞翰林院學士掌院事先是掌院者多優於文學不屑吏事潛修舉廢墜一裁以法人頗以是稱之而亦因以搆怨預修 英廟實錄成陞詹事府少詹事仍兼學士成化戊子充日講官是年冬賜講官冠服潛適聞父喪不出遣使即賜于家故事四品官父母死有祭無葬特賜以葬時以為榮踰年復丁母憂會祭酒以

罪去欲得老成者以鎮浮躁時議非潛不可有詔起復潛力辭
不起未幾卒于家潛在太學者亦未有名一登倫魁遽奮發泮
廟學遂大進為文峭厲詩亦有風致為人高介有節儀觀修整
時以公輔望之但其鄉人有上書攻大學士高輅者或疑潛使
之及其守制家居頗為鄉人所議責備者為之不滿云○戊寅
以大理寺卿王禕為刑部尚書際上書辭詔卿宜就職理事所
辭不允○賞巡撫山西右副都御史雷復守備偏頭關都指揮
使戴廣及將士九十五人以勦賊斬獲有功也○己卯改戶部
右侍郎陳俊于吏部陞通政使司左通政劉昭為工部右侍郎
湖廣左布政使杜銘為戶部右侍郎○復除南京吏科給事中
王讓于南京戶科○監察御史阮紀奏國家比年旱澇民窮財
盡祖宗府庫之積蓋備兵荒不虞之需使不撙節何以足用

伏望 皇上愛惜有限之財減省無益之費則財不竭而國計
恒足矣又各處預備倉糧石司多不經意請查無災傷之處糧
數若干如有侵欺被盜者依律追陪及貧民闕過未還并逃亡
者驗實分免仍責措置增補以備賑濟及修理倉廩之頽壞者
奏下戶部以國家出入財用皆有常規惟內府支用本部莫能
具悉伏乞 皇上念積蓄之艱難慮後用之不繼勅令一體存
省若盤糧及修倉措置儲蓄已累移文有司遵行請申明戒勅
上以玆所言皆見行已之○庚辰巡按山東監察御史王衡奏
遼東小黑山連賊擁衆入寇殺傷官軍數多宜治通巡指揮僉
事畢昇備禦都指揮同知焦貴失機敗軍之罪兵部請停其俸
令勦賊以贖從之○辛巳華陽王友輝奏臣父悼隱王乃蜀獻
王次妃金氏所生為第二子叔父保寧王乃獻王宮人所生為

第五子今保寧王子孫襲王爵位享有封國之富臣在澧州寫
之殊甚乞以獻王所遺金帛器物內使宮女官校分賜於臣事
下禮部言蜀王嗣位已久莫敢更議今所奏請亦無事例不敢
擅擬俱請 上裁得旨蜀王承襲已定但王亦當念華陽王之
貧量與白金濟用餘皆已之其後華陽王既薨得蜀王奏已與
銀五百兩付華陽王長子甲銓以數不足不受 上乃賜之勅
曰先同爾父華陽王奏分蜀王遺賢已令蜀王量與銀兩本
無定數既有五百兩亦為厚矣豈可再索勅至即可領用自宜
安分守祿圖稱藩輔之道毋復妄意索求有年親親之誼○甲
申以山西右布政使錢昕為湖廣左布政使○巡按廣西監察
御史何淳奏三月以來柳州及潯梧等處蠻賊蜂起殺通判郭
暉等又破石嶺張村二寨殺虜一千餘人請治分巡等官失機

匿賊之罪兵部請移文總鎮總督總兵內外等官書策勦捕其
失機匿賊者仍令巡按御史覈實以聞從之○乙酉賜岷府南
渭王音戴四書大全洪武正韻等書從其請也○丙戌復除按
察司副使楊瑄于浙江巡視海道○丁亥命都指揮同知田賦
守備陽和城都指揮僉事周珎守備大同右衛城

大明憲宗純皇帝實錄卷之一百二十

成化九年九月己丑朔陞陝西西安府知府孫仁為布政司右叅政○總督兩廣軍務右都御史韓雍等奏自春至夏流賊為患叅將楊廣等累報克捷共擒斬八百餘人而賊復破懷集縣曾村等寨虜殺一百餘人事下兵部尚書白圭等言近巡按御史何淳奏廣西柳潯等府蠻賊殺通判郭暉等及殺虜石嶺張村二寨一千餘人今雍所報多寡不一而掇拾微功掩飾其敗宜行所司案之詔可○庚寅賞錦衣衛達官指揮章迭兒必失等官軍李奉貴等一百八十八員名共絹三百三十四疋布一百八十六疋錄征廣東陣亡功也○監察御史楊守隨等言頃因山東災傷議許在京辦事及寄名吏納銀俱免京考見在當該者俱免考試給與冠帶悉依資格選用是蓋救荒權宜於一

時者殊不知爵賞不可以無律名器不可以假人今史典納銀
越次受職其文移之通否年歲之老耄一皆不問將見侍門一
開蕩無紀極爭相黷貨以規驟進其於害政莫此為甚乞速為
停止或量留漕粟以為濟荒之策疏入 上曰朕患吏道不清
嚴考試以為進退今若募吏胥入賢賤饑免考登仕是教吏貪
也御史言是亟罷此例勿行○南京守備太監安寧為其弟靳
順乞官特旨授所鎮撫錦衣衛帶俸○辛卯代府鎮國將軍仕
聖既以罪革冠帶祿米踰年遣妾訴貧甚無以養母情詞懇切
詔特予以半祿仍降勅戒諭之曰得爾二奏一為陳情寬抑事
內多傷倫敗化之語覽之可羞故隱而不發以掩爾惡且恐貽
笑外庭一為冠帶祿米事已令所司給半祿為養前此因爾誣
陷兄王每降勅戒諭冀即改過用悖同氣之好今又重搆虛詞

視前愈甚但知誣兄不顧辱母不孝不弟於此可見身在府中却稱親齋來奏事屬不誠妄乃女婦却令遠行旅寓尤為非禮一舉動間而衆失具焉則平昔恣肆徒可知矣初至務痛加修省謹言慎行孝親敬兄各盡其道庶幾將來祿位可復身家可保朕於待宗室之誼亦可謂全矣若復執迷不悟祖宗成憲具在朕不敢私○鎮守浙江內官李義杖殺寧波衛指揮馬璋宥之初義至寧波璋饋以白金二十兩意不足左右激之怒遂杖殺璋時巡按御史姚明以審囚至璋母赴愬不敢聽乃訟於朝都御史李賓等請差官往按之有旨但命義以實自陳義言緣公事杖璋璋以病死賓等復請移文巡撫都御史覈其實上以義既以實回奏特宥之并其左右皆置不問○壬辰 孝恭章皇后忌辰 奉先殿行祭禮遣駙馬都尉周景恭 景陵○

置湖廣遠安千戶所倉以本所官軍俸糧俱於遠安縣倉支給以道遠不便也○癸巳禮部奏巡撫山東右僉都御史牟俸以山東旱災奏乞給空名牒十萬度僧道取銀以助賑濟戶部奏行本部出給緣僧道例必十年一度自天順元年至成化二年已度一十三萬二千二百餘人今若先期特度于山東則僧行道童必羣聚其地反為騷擾詔不必行○甲午命以臨清德州二倉去年寄收糧米各存二萬五千石以備賑濟先是巡撫山東左僉都御史牟俸奏留漕糧五萬石於二倉以備賑濟至是總漕右副都御史李裕總兵官平江伯陳璘言今歲漕舟已過天津難以復回請以二倉上年寄收漕糧如數補之戶部覆奏制可○巡撫山東左僉都御史牟俸言山東士卒困若尤甚今起赴京操意外之虞不可不慮伏乞暫留修治城屋河岸仍用

京操法練習以備不虞詔可時山東軍已到京總領指揮李武等聞詔即日率衆而還管操都指揮僉事高通奏其不聽約束且言士卒軍器例寄於京今散漫而歸本圯何以爲防禦之備合速武等治之兵部以聞上命以本地兵器與之武等始不問○乙未陞尚寶司司丞薛胤爲本寺少卿支正五品俸以九年秩滿也○武靖侯趙輔以病痊出朝奏辭兵柄詔曰卿年未老當勉副委任不允辭○鎮守松潘叅將都指揮僉事堯或奏三月間番賊出沒爲患屢發兵敗之仍遣撫化國師于瑄等撫諭未退詔飭兵備之○丙申修葺天地壇正殿東廡齋宮正殿并金水河堤岸○宥廣西都指揮僉事馬義等罪初廣西流賊屢破村落義及指揮僉事吳謙劉源失機誤事有旨使立功贖罪至是總督都御史歸雍奏義等於八年冬曾與賊戰敗

之義生獲賊四人斬首六十四級源謙共斬首九十餘級賊遂
適宜許贖前罪詔可○丁酉重賜節賜百官宴於午門○巡撫
貴州右僉都御史宋欽劾奏都指揮僉事趙晟私役部卒多納
賂遺并盜支廩米等罪都察院請下巡按御史逮治如律從之
○戶科給事中胡智除名智河南光山縣人丁憂家居築墓塋
造式又兄及從子挾勢為不法不能禁為鄉人所奏命刑部郎
中袁紀往會河南布按二司官按之智罪當杖還奏其事因以
智不守禮法并身有惡疾為言都察院以具獄覆奏且請俟其
服滿更調別任特命除名○己亥陞南京刑部員外郎陳輅為
福建按察司僉事○庚子直隸井陘縣民一產三男給米鈔如
例○辛丑復除陝西按察司副使端宏于浙江以丁憂服闋也
○遼東總兵官都督同知歐信奏近以虜寇邊奉命招募勇銳

久無應者乞照正統間例定典陞賞以激勸募者及請京營官軍二十協力防禦兵部議謂陞賞例出一時權宜未可輕擬京軍協助宜與之有旨令願自效者協助操守京營官軍不必調○忠義中衛帶俸都指揮吳廣有罪死于獄廣提督大喜奉口等關每朵顏三衛進貢至關者故不時納俸其饑因徐啗以酒食與之貿易取其良馬并狐豹皮以百數比還又多取其寄留餘馬及所賞絲段不與者輒為沮抑三衛怨之既歸乃率眾犯邊官軍屢被殺掠遼東總兵官使人詰責之以書未具陳其故事遂聞命巡撫都御史覈實下巡按御史逮治具伏追得其贓賄械至京都察院擬罪當斬命下而廣死○壬寅戶部主事李烟然奏陝西沿邊一帶自虜酋字羅忽亂加思蘭入寇歲用芻糧以百萬計今其地兵荒相仍疲弊已甚夫兵不能自給必須

仰給于官官不能自運必須取辦于民若不預為撙節後日邊
患有不可勝言者且城有緩急兵有聚散臣以為延綏官軍一
萬三千宜放回休息或掣於附近朔州等處以就糧草庶得少
省餉輓一二具中老弱送入內地養息而精選勇銳據險堅守
且各邊野草茂盛聽令採牧是亦省邊儲之一事也事下兵部
議行之○甲辰監察御史胡琮刑部主事樊經以罪調外任初
有假刑部郎中尚冕名以取賂者冕執其人杖之重傷下獄一
夕死琮等相視以為中風其妻訟寃登聞鼓下冕令吏卒執以
去事聞更命給事中劉吉和大理寺副蕭謙等檢視之皆以為
毒藥自殺遂以琮等相視不實俱下錦衣衛獄都察院擬罪冕
坐斬琮經皆坐杖有旨冕減死充邊軍琮經不以人命為重相
視不實皆調外任於是調經浙江台州府通判琮湖廣麻城縣

知縣○乙巳戶部覆奏漕運廵撫等官會議事宜一邇年民運赴淮安徐州臨清德州倉糧官軍領運原無加耗然民若遠運之勞軍之盤剝之助今宜免民遠運就同本處完軍糧運赴水次與官軍領運仍作支運之數其糧每石加耗湖廣浙江江西四斗應天并江南直隸諸府三斗江北直隸諸府二斗五升山東河南一斗五升如兌支不盡仍令民運赴各倉上納其各該官軍原完糧每石仍加七升不為例一成化十年南京運糧官軍行糧二萬五千餘石宜就於直隸蘇松常及浙江嘉興等府該完糧縣分抵支每石再增二斗而以九年起運南京倉糧照數准除省民運納原在濟寧等處寄收并補支及應帶補者俱與暫免一湖廣荊州左右荊州襄陽四衛運糧旗軍三千八百五十六名原運糧一十二萬餘石各軍於成化六年存留操守

其糧派各衛所代運今漕運官以為代運艱難欲取回四衛旗軍自運宜仍留操守代運如舊一各處司府州縣兌軍民糧歲既稽遲又多腐爛屢行禁約不改此後該兌民糧務儘兌軍不許混作災傷其米曬颺必精俱於十二月以裏運赴水次敢復故違者管糧委官悉照違限月日停俸其經該官吏通行叅問如米已精而官軍生事擾害有聽漕運官懲治一徐州左衛及鳳陽鳳陽中右留守左中懷遠六衛運糧旗軍逃亡者多該運道累于人今宜以曾經運糧且密通徐鳳地方歸德武平沂州宿州四衛除京操不動餘於守城屯田等項內選補一漕運京糧自張家灣起車赴倉或陰雨泥濘車價頓增累軍陪補宜暫借京操旗軍及火甲人等自朝陽門抵張家灣修築道路約寬四丈務在高坦堅實道傍植柳每五里置鋪墾井令人守之仍

勅工部於兗兒山將舊餘石板可用者令在京為事官吏運以
斲切不足則於沿河安山泗州徐州龍潭蘇州產石處所未運
庶為久計一南京四十二衛屯田俱在江北地廣人雜爭訟不
已雖有總督糧儲都御史問理然屯所地遠久不歸結或其人
於南京通政司訐告法司提對殊為不便宜差御史一員巡視
各屯遇有詞訟即與准理一切招狀及應奏官俱呈總督都
御史區處一南京國子監錢糧繁夥典簿楊傑廉名未著宜依
例黜罷且令御史巡察一浙江處州府松陽等縣原有銀場四
十一處歲額課銀二萬一千二百五十兩年久曠絕坑首人等
累經陪納用是過有別山新曠輒糾外郡流移弄兵竊取因肆
強劫甚至殺害官軍今新曠堪采者宜從鎮守巡撫等官勘實
以新課補斷絕之數一屯軍或有選補戍邊挈家以往所遺田

地撥人補種荒蕪之後復無牛種以致額課虧乏自後邊軍有
缺須別邊補庶屯軍得以安業耕種子粒不虧一軍夜不收與
民夜不收俱在軍中今軍月米八斗冬給布三疋綿花一斤而
民月支米三斗亦宜添米二斗布一疋綿花半斤庶幾稍均而
彼亦樂於從事也疏上詔以為荆襄四衛官軍以其子仍舊漕
運南京國子監倉糧其令御史巡察餘俱如議○丙午永平府
知府王璽奏伯夷叔齊廟在永平府境內洪武中有司春秋致
祭景泰中始廢今臣已重建請賜廟額及祝文 上曰伯夷叔
齊清節凜然大有功於名教宜特賜廟額曰清節其令臣撰
祭文有司以時致祭○丁未錄遼東義州將士功以副總兵都
指揮僉事歸斌督軍深入虜境進一級太監葉達右副都御史
彭誼總兵都督同知歐信守備都指揮同知崔勝俱加賞餘將

士陞者七十一人賞者二百九十八人○戊申遣恭順侯
吳鑑奉寧侯陳桓駙馬都尉楊偉遂安伯陳韶安順伯薛瑋成
安伯郭鏞為正使吏科給事中李俊刑科給事中趙果禮科給
事中張晟中書舍人黎吳戶部員外郎林孟喬工部員外郎何
淡為副使持節冊封遼府世子豪斌為遼王妃余氏進遼王妃
周府鎮平王庶長子鎮國將軍子瑛為鎮平王代府潞城僖順
王嫡第三子鎮國將軍仕棟為潞城王夫人張氏進潞城王妃
寧王庶第三子覲錐為鍾靈唐王庶第三子芝坦為新城王第
五子芝坻為蕩陰王晉府方山王夫人于氏進封方山王妃○
戶部覆議漕運總兵官平江伯陳銳總督漕運都御史李裕言
運糧旗軍連年守凍至有四年不得回家者今歲糧雖已完然
通州空廩數少前此蒙改後船京糧一十八萬餘石於通州上

納今擬仍運京倉必再守凍愈益艱難宜以南昌前衛起至嘉興所止該通州倉上納兌運支運并改撥陪補火燒漂流糧自後船扣出四五十萬石照成化六年例沿河就船兌與京衛官軍作本年十月十一月俸糧於九月以裏支盡且定河西務兌有每石腳價銀四分或米五升張家灣者銀二分或米三升通州河下者不與腳價為便從之且令速性兌支無得留滯○命故南京中軍都督同知翁信子琦襲父原職金吾前衛指揮使○己酉晚刻東方流星大如盞赤色有光自正東中天行至近濁○庚戌賜撫寧侯朱永誥券奉天翊衛推誠宣力武臣特進榮祿大夫柱國食祿一千一百四十石子孫世襲本身免二死子免一死○辛亥巡撫永平等處左僉都御史張綱等奏朵顏三衛朝貢夷人有勅止令百人入關恐有缺望致生他變請如

舊例察容入貢詔不許。○壬子勅各邊巡撫都御史整飭邊備時兵部以邊備日弛乞命巡撫等官整飭或遣大臣以往詔不必遣官勅巡撫遼東大同等處都御史彭誼鄭寧等曰沿邊設備已有定規歲久因循不無懈弛勅至爾等宜徧歷所屬邊關重加整飭軍馬缺乏即行選補兵甲損壞即為修理關口城堡墩臺坍塌即督令築塞完固省令墩軍常時哨守傳報聲息中間若後占軍士委用非人以致軍旅不精守禦無備者指實具奏管軍頭目自都指揮而下有貪懦無為者從公罷黜別選材武智能者代之應遠問者就爾遠問區處以示警戒凡獎可革利可興有益於邊者聽爾便宜施行務秉公勤以副委任如或恣情偏執處置乖方責有所歸。○平虜將軍總兵官寧晉伯劉聚泰督軍務左都御史王越會沿邊鎮守巡撫等官奉勅議上

安邊三策一陝西要地環慶虜難少可犯回原非擁衆不敢深入今虜出沒河套環慶慶陽及西安等三衛守備官軍止有四千餘同原一帶則有甘涼靖虜等處官軍合餘民壯共一萬八千頗足防守若此虜及冬渡河而去原調客兵可令各回本鎮但虜情譎詐安保其不復來今宜將陝西官軍每年冬初分撥一千五百人令都指揮康永率赴慶陽一千五百人令都指揮張瑛率赴同原併力防禦河關而返同原既不設總兵宜令陝西在城鎮守官至冬往來提督練習并調甘涼下班臨鞏秦平等衛官軍併力截殺其回原環慶或挑築壕塙或剷削山崖其靖虜接連寧夏黃河兩岸各修築砦寨使虜不得渡河此則陝西安邊之策也二延綏沿邊一帶各處官軍土兵輪班防守以次歸農皆為常制自字羅忽等繼入河套彼時兵力寡弱調集

客兵必以土軍為嚮道傳報以此班滿不得歸農而馬不給芻
豆士不給軍器以致馬斃軍疲然陝西山西河南三處軍民輸
給已及四年每年財力不下數百萬無以旱澇相仍瘟疫交作
死傷不可勝計而糧草每告不足推原其由遼東甘肅虜難犯
邊而不能久駐惟河套北有黃河可據中有水草利於放牧南
有人煙便於虜掠以是久居不去今欲省民力當於聲息稍緩
之時大同遊兵令於朔州等處操候山西遊兵原為延緩而設
今於灰溝營等處操候宣府遊兵又在臨期相度事勢調用其
東西二路墩臺迤南俱有山險先已役民五萬剗削如城以便
防守後因天旱以巡按御史蘇盛之言而止然可責近效又能
經久無如此舉又定邊營新興堡安邊營永濟堡畢家梁鎮靖
堡俱水苦且遠人馬多病內定邊新興安邊永濟四營堡虜易

窺我虛實軍馬難於出入鎮靖堡已奏准仍守塞門其餘四營
堡俱宜就險而守移新興堡於迤南海螺城安邊營於迤南中
山坡永濟堡於迤南上紅寺回塞門却於迤北白塔湖海螺城
中山坡上紅寺多剗山為城白塔湖口就快灘河迤南之險其
河深有二三十丈遠有一百餘里事成之後定邊新興安邊永
濟寧塞靖邊鎮靖龍州八營堡以守則固以戰則利且令納戶
就彼芻牧可以省轉輸之費此則延綏安邊之策也三宣夏三
路俱當嚴守東路平漫尤為要害其花馬池興武二營為朔城
鹽池石溝一帶藩籬而靈州尤寧夏城喉襟唇齒相賴但二營
孤懸沙漠無險可據今當自靈州之東興武之西曰磁窯又於
興武之東花馬之西曰天池各添築一堡二堡間仍築墩四座
以便往來傳報供給芻糧仍照前奏於靈州興武并螺山等處

相度地形斬崖批塹以絕賊路若虜深入二營止留步軍守城
馬隊俱掣鹽池石溝等處會合截殺其鹽池等寨亦量辰築積
草儲糧以備軍馬按伏西路則委州城亦為要害原守禦舊籍
慶府軍餘宜別選軍五百委指揮一人統之外禦虜寇內防姦
宄誠為經久之利此則寧夏安邊之策也兵部左侍郎李震等
具擬其便從之○夜四方流星大如盞青白色光燭地自奎宿
西北行至近濁○河南光州地震○癸丑暫免漢中寧羗金州
階州文縣西固城六衛所冬衣布花之給先是陝西布政司奏
榆林寧夏甘肅三邊并腹裏西安等衛所地既極冷征調不常
而漢中等六衛隣近四川利瀘二州湖廣荆襄諸衛天氣溫暖
軍士安閒屯種又俱膏腴之地今四川湖廣別無冬衣布花之
給而前此六衛乃與三邊諸衛并受厚賜實為不均乞以每年

該給布花折糧一萬四千六十一石有奇暫且停止以足遺儲
俟邊事稍寧糧草有積別議進止事下戶部議以為宜從之○
戶部言比者內承運庫太監林綸奏本庫自永樂年間至今收
貯各項金七十二萬七千四百餘兩銀二千七十六萬四百餘
兩累因賞賜金盡無餘惟餘銀二百四十萬四千九百餘兩今
欲冊封及後賞給俱令儲金備用但天下屢奏災傷既無官錢
支買稅糧折納且湖廣金場以課少而閉雲南折銀以民窮而
止今宜行令浙江福建雲南鎮守巡撫三司等官於開辦銀課
內浙江折金三百兩福建二百兩雲南五百兩仍以浙江等處
折糧銀改折浙江金四百兩松江常州俱一百五十兩蘇州三
百兩其雲南所通歲辦差發金銀及各處贓罰金盡數差解以
應急用疏上詔令所擬折納各倍其數仍於產金地酌取之

○南京吏部刑部會勘南京監察御史金忠所劾南京戶部右侍郎黃琛事多實比上琛已卒刑部請還其屬司務主事罪之詔可○夜南方流星大如蓋赤色光燭地自參旂東北行至北河○甲寅夜西方流星大如蓋赤色光燭地自滕蛇西北行至近濁尾跡炸散○乙卯兵部奏清平伯吳璽富陽伯李興都督同知穆義都督僉事王義牧馬無法馬多損亡官軍逃者以百數把總指揮僉事王璽等怠忽荒廢俱宜按治上曰吳璽李興穆義王義姑宥之王璽停俸待追馬完日以聞○分守大同西路右叅將都指揮同知張瑛以罪謫充軍瑛坐阻軍縱賊下巡按御史鞠實罪當斬都察院以聞詔免死發充陝西榆林衛軍家屬隨住○四川行都司都指揮僉事宮恒貪淫無厭恣肆妄為為巡按御史所劾命巡視等官覈實且得其狀下巡按御

文會按察司官遠治之恒再奏申辯皆証竟生強奪良家妻女
罪絞都察院以其獄奏詔恒免死押發雲南遣衛充軍○濟州
衛帶俸都指揮僉事閻斌奉命率京營官軍協守密雲等處有
邏卒六人出關為虜寇所殺繼又有被掠去者管營指揮徃報
鎮守署都指揮王榮而不報斌因奏榮等隱匿軍情并証其
私事下巡關御史按之榮等皆就逮斌亦坐奏事不實下都察
院獄贖徒還職已而巡撫都御史張綱言榮累立戰功軍民信
服其所部亦為之請 上曰王榮既無失機受贖罪其勿治令
御史責取招狀○丙辰免直隸大名府參四萬四千九十六石
人丁絲折絹六千七百一十八疋桑絲折絹八百一十疋從監
察御史孫敏言其地被災也○丁巳陞陝西布政司左叅政胡
欽為山西右布政使○南京太常寺少卿劉宣言自古聖帝明

王未嘗不謹於記事我祖宗定鼎金陵百祀具舉及北都以後南京祀典或存廢禮制亦多蹈舊襲訛而未備者謹條陳十二事一 太廟自太祖以上五廟帝后冠服寶座皆全 太宗有冠服無寶座而 文皇后則俱全 仁宗 宣宗止有寶座無冠服 昭皇后 章皇后及 英宗冠服寶座俱未備斯蓋 太宗在御 文后已入太廟 英宗嗣位 兩宮尚享孝養遂致因循禮制偏廢乞先成寶座徐請 列聖遺衣奉安一 孝陵等祭專命駙馬都尉趙輝先師孔子主祭專命國子監祭酒或代以禮部堂上官假令臨期有故不及奏請欲更他官則未有成命請於五府六部大臣內各增一員遇有事故即代行事一 北京都城隍每歲 郊祀及祀太歲等神皆得祔祭五月十一日復遣太常寺官祭於其廟今南京都城隍則二祭俱無

夫神功衛護生靈兩京既無不同報祀之典宜無或異請如北京例祭之一我朝準古祭用太牢然必小犢者蓋取爾來義也今南京內外諸司動以牛小筭貢養牲者殊乖禮制一 孝陵祭凡文武官無大小皆當與而諸司近多不赴請以御史稽其怠惰一郊墟地軍民多縱畜牧其中請勅守臣重加禁革一本寺歲例薦新八次所載品物多不踰百斤而黃船重大是致沿途膠淺往往後期宜更造小者庶幾便於速達一歲祀黃蠟例取之內帑勞弊滋多宜即附近州縣辦納為便一每歲各處解到供祀牲多因賃地窄小加以技賺淹留遂致損瘠宜暫處之於犧牲所以俟驗收一功臣廟壁 高皇具圖諸將戰功蓋示創業艱難於後嗣述漸磨滅請完飾之後畧既其事刻其圖以傳使上而九重遠而四海悉知 祖宗畫裕之心崇報之盛一

本寺厨役數不踰三百而汎掃 郊廟十餘處月必三次况大
小祭祀歲無虛日亦頗劬勞故例月給米人六斗有家屬者一
石後俱減其數無以養贍致多逃亡又此後之出上元江寧二
縣者止十餘戶故例俱復其家所以重祀事今有司多不循舊
例往往雜後之請俱仍優免如例一神樂觀樂舞生數甚寡近
以未受度退閒者五六十人請不為例悉與之牒俾相繼補充
事丁禮部會議詔 祖宗已尊祀于京師南京 太廟寶座未
備者增之冠服不必再設功臣畫壁仍舊都城隍太常寺其以
八月中旬歲祭餘俱允行○南京前府都督僉事阮泰卒泰直
隸江都縣人襲世職為指揮同知正統十四年以功陞指揮使
景泰初陞山西行都司都指揮僉事四年以草塘功陞都指揮
同知尋陞都指揮使天順二年征東苗有功陞都督僉事南京

前府管事至是卒賜葬祭如例子與饗為大同左衛指揮使○
工部右侍郎喬毅卒毅字志弘山西樂平縣人正統戊辰進士
改翰林院庶吉士擢吏科給事中進都給事中天順戊寅陞大
理寺右寺丞成化乙酉遷左少卿庚寅陞工部右侍郎至是卒
于官賜祭葬如例毅寬和質實表裏一致不為矯偽之事性復
儉素雖居顯位不改其常子鳳亦舉進士官至兵部郎中

大明憲宗純皇帝實錄卷之一百二十終

大明憲宗純皇帝實錄卷之一百二十一

成化九年冬十月己未朔享 太廟 遣駙馬都尉王增楊偉

分祭長陵 獻陵 景陵 裕陵 遣內官祭司井之神 戶

部奏山東救荒事宜一山東并北直隸河間府州縣倉糧不足

司府州縣衛所官員俸糧俱月支二石生員廩米亦減支其餘

折支贓物并贓罰鈔貫使客廩給亦令減支以俟收成如舊一

山東長蘆二運司并各批驗所見在蓋課宜依時直支與旗校

人等折糧存留本色以備支用或賑濟貧民亦宜量與蓋引聽

變賣一山東北直隸無災之處該徵糧草宜及時徵納起運不

許槩作災傷一山東所在倉廩空虛本部屢奏撥送官銀四萬

五千兩德州庫銅錢五百五十萬文蘇松糧銀三萬兩俱係糶

糧接濟之數查已支用數目有餘宜及今秋成於有收處收買

雜糧撥於缺糧倉分收貯以備支給一各府貧民固多其間亦有富實之家官雖勸借不樂輸貸宜察訪有蓄積者官司以官錢支雜或與印信契券候來年量加利息酬還詔俱允之以降虜脫木兒脫火台為廣州後衛正千戶故察罕察兒子撒銀帖木兒食百戶俸三人者皆迤北知院那孩部下平章也庚申增設順天河間淮安揚州四府通判各一員通滄景德徐邳高郵七州判官各一員武清靖海青興濟吳橋清河沛宿遷桃源清河山陽寶應江都十三縣王簿各一員專理河道從總督漕運都御史李裕等請也辛酉戶部議巡按陝西監察御史范鏞所奏茶馬事一粗茶不堪易馬欲行四川并漢中府今後後收課必須細茶或將粗者二斤折收一斤廢得馬用一照原差行人禁茶事例仍勅御史一員巡禁私茶於松潘各番買

馬及提督各該州縣歲辦茶課一漢中等府州縣宜專委官一員各選精壯弓兵一百名每衛所各委指揮千百戶各一員各選精壯餘丁一百名專一統領巡茶如此則私茶不得出境而番馬爭趨以易矣疏入詔御史免差止令巡撫巡按官并行入禁嚴之 壬戌總督兩廣軍務兼理巡撫右都御史韓雍以疾乞致仕 上以兩廣事重不允所辭善加調理以副委任 卜刺罕衛使臣打蘭帖木兒等來朝貢馬賜宴并金織衣綵段等物有差 癸亥命都督同知顏彪管後府事 甲子平江伯陳銳陳其叔祖儀麓川之功乞以其叔祐襲指揮僉事 上以儀自勲衛歷陞法不當襲不許 夜金星犯左執法乙丑刑部都察院會官審錄死囚八十八人奏上情真罪當者四十六人詔如律處決情可矜疑者三十四人俱宥死充邊衛軍 丁卯誅

犯邊寇虜阿羅忽平章阿把石特平章伯顏禿于市 己巳命都督同知芮成管團子營 命卜剌罕衛使臣平章打蘭帖木兒等皆進一級餘十戶鎮撫冠帶有差從知院嗔伯于鄭王脫罕請也 庚午巡撫山東左僉都御史牟俸奏救荒事宜一河南等處稅糧歲運至大名府小灘兌與官軍儲運緣小灘郝山東境必經臨清德州方至薊州上納支給沿邊官軍為米賤路遠減價糶膏至以米五六斗糶銀一錢者深為可惜乞以河南等處成化九年分該運歲糧留山東賑濟而以糶糧銀每米三石或二石五斗連耗糧腳價共作銀一兩兌與原運官軍送納支給一今之賑民者止賑其飢而不為寒計縱使得食猶不免於受凍而死今嚴冬已至乞以登州府并德州在庫布花給與貧民待豐年仍令有司措置還官一倉廩府庫皆以為民令

飢民待哺命在旦夕臣已將東昌府寄收糧八萬五百七十餘石濟寧州二萬八千四百九十餘石支作衛所官軍俸糧又將二處及德州臨清寄庫腳價銀令濟南等府借之於有收處糶糧賑濟昔漢汲黯矯制發倉宋洪皓截留上供蓋為國保民急於救濟不暇顧惜故也臣甘伏專擅之罪乞仍將德州臨清見在寄收糧一體借支候豐年照數還官戶部言其言多難行而其自陳專擅之罪伏乞裁處 上曰薊州倉糧准留一半賑濟戶部定與銀價折收送倉交納俸罪其宥之 左軍都督僉事夏霖以病乞致仕許之 壬申 皇太后聖旦 上率親王上壽受命婦朝會賜百官宴於午門 陝西叅贊軍務左都御史王越襲破虜營於紅鹽池連營五十餘里乃取弱馬分布陣後以張勢選精騎令許寧為左哨奏云九月十二日滿都魯率

羅忽訖加思蘭三酋自河套出分寇西路臣以為遣兵往追道
遠兵疲必難取勝宜率輕兵搗其巢穴乃與總兵官許寧遊擊
將軍周王各率兵四千六百從榆林紅山見出境晝夜兼行百
八十里夕營於白鹹灘北又行一百五十里探知虜賊老弱俱
在紅鹹池連營五十餘里乃取弱馬分布陣後以張形勢精騎
令許寧為左哨周王為右哨又分兵千餘伏於他所進距虜營
二十餘里虜集衆來拒臣督諸將方戰伏兵忽從後呼噪進擊
虜見腹背受敵遂驚潰擒斬共三百五十五獲其駝馬牛羊器
械不可勝計燒其廬帳而還 上賜勅獎諭之河套在陝西黃
河之南自寧夏至山西偏頭關凡二千里古有城池屯堡兵民
耕牧其中後以闕遠難守內徙而棄之自是草木深茂人跡罕
到天順間虜酋阿羅出入居之時出劫掠成化初毛里孩訖加

思蘭字羅忽滿都魯繼至初猶去住不常六年以後始為久居計深入諸郡殺掠人畜動輒數千百萬歲常四三入邊將擁兵坐視或視其出而尾之偶獲所遺老弱輒虛張以為斬獲之數甚者殺吾民為虜級皆冒為功被陞賞無算有敗衄者罪止降謫且多宥之嘗三命大將朱永趙輔劉聚出征王越常重其役然大抵皆如邊將所為耳虜患由是日熾用事者議搜河套聚兵八萬於邊預征陝西河南山西一歲芻糧數千百萬以饋之然莫敢當其責皆以地闊事大為辭師老財屈而外郡皆被殘破內郡亦且危急至是越始是役時三虜之精壯皆已四出惟老弱在營聞鼓砲聲而饋我軍邀其奔命不前者斬獲之以還及三虜回見廬帳畜產皆已蕩盡而妻孥亦多喪忘相顧悲泣以去由是不敢復居河套其勢頓衰議者謂此捷自前所未嘗

有越等雖頻年玩寇不得無罪然能乘夜冒險成此奇功亦可嘉尚云 癸酉曉刻月食免朝 起丁憂戶部左侍郎原傑巡視江西時江西盜賊蜂起至殺死指揮等官兵部請簡命大臣巡撫其地庶事有統紀而盜賊易滅 上曰巡撫官不必添設宜遣官撫治事寧而還廷臣共舉傑可任遂起用之賜之勅曰近聞江西南昌等府強賊生發白晝行劫肆無忌憚守土官不以聞恐奸民得計日漸滋蔓貽患非細今特命爾馳驛巡視江西提督都布按三司并所在軍衛有司撫安良善緝捕盜賊爾至彼詢察民隱振舉廢務自三司佐貳官以下有隱匿賊情違慢悞事者聽爾執治老疾貪酷無為者量加退黜事干方面正官具奏究治凡有益於軍民者悉聽便宜處置其於捕盜尤須戒約應捕人員密切體訪設法掩捕不許擾害平民朕以爾

熟知彼處地方事情特茲簡委爾宜仰體朕意務須撫治得宜俾盜息民安斯稱委任如或乖方誤事責有所歸。夜月犯畢宿右股星。甲戌己刻日生赤黃雲鮮明白定擬河間府等處災傷納銀補官則例五十兩者給冠帶七十兩授從九品散官八十兩正九品九十兩從八品一百兩正八品一百二十兩從七品一百五十兩正七品。乙亥都督同知穆義差往永清縣草場收馬杖其縣典史因相訐奏坐誣贖徒還職。巡撫山東左僉都御史牟倬奏易州山廠供用柴炭始皆用人採輸所以惟取山東山西北直隸夫役而不及河南江南者蓋以南方之民輕財賦而重力役北方之民輕力役而重財賦故各就其所便役之今諸絲取殆盡柴炭類輸銀價猶獨取於山東山西北直隸之民而江南河南財賦所出之地乃不知及殊於立法

初意不佯姑以山東一處言之歲額夫二萬八百八十四人
徵價三兩共六萬二千六百五十二兩此地累年災傷小民救
死且猶不贍其何能堪近者雖量加減免其誅征者尚未能給
請并免之 上命輸惜薪司光祿寺御馬監者再免一分輸內
官監兵仗局者一年俱免 丙子誠孝昭皇后忌辰 奉先殿
行祭禮遣駙馬都尉周景祭 獻陵○土魯番速檀阿力王等
遣使臣寫亦米馬兒黑木等來朝貢馬賜宴并衣服綵段等物
有差 丁丑命故東寧伯焦壽弟俊襲爵 戊寅賜江西贛州
府知府謝昶衢州府同知魏安誥命旗其善政從巡按御史覈
實也 遼世子豪璉奏有弟鎮國將軍豪埙先賜祿米一千石
米鈔中半無支今宮眷衆多乞於折色內添賜實米以濟不足
詔於折色內改支本色米一百石 壬午魯王泰堪薨王靖王

之子也母妃嚴氏求樂辛卯嫡生宣德丁未冊封為世子成化
丁亥進封為魯王至是薨年六十有三計聞輟朝三日賜祭葬
如制謚曰惠 命南京太常寺少卿李本復任以丁憂服闋故
也○免山西平陽府所屬三十五州縣夏麥二十五萬八千八
百四十餘石以山西按察司副使胡謚奏旱災故也 鎮守松
潘等處都指揮僉事堯或奏八月十四日臣與四川按察司副
使沈琮親督官軍分勦白馬路水牛茹兒等番寨大克之既而
白馬殘賊糾衆復仇令伏軍要路與戰復克之直抵賊巢燒其
碉寨驅其牛馬百餘斬首三百十六級 命連平江衛故指揮
使劉禿子也出等十七人襲職建州左衛指揮同知鳳吉子委
草等十六人克都伯等十三人俱降一級襲授委草等以董山
餘黨故也 丙子陞監察御史梁昉為浙江按察司僉事 癸

未兵部紀功員外郎張謹言自虜首孛羅忽為患興師征討于今五年論功行賞所以激勸將士而近年往往買奪他人功次掩為己功屢禁之而不能絕夫兩軍對敵總制等專提其綱京營把任其事把總為一營一哨之首往來督戰不暇其有斬獲皆掠其下以為功者也於是官旗轉相效尤宜令把總等官止論所統士卒斬獲多寡以為爵賞之次不得自列其功仍合禁約其下買奪次功事覺者一體治罪庶幾功次明而爵賞當也上從之 甲申朝鮮國王李婁遣陪臣李克墩等奉衣貢馬及方物來朝賀

萬壽聖節○河西務通濟河廠火焚椿木五百三十五株雜草五萬七千餘束工部叅奏監督郎中邢幹怠忽不謹請究其罪上命錦衣衛執京鞠之○乙酉定擬中盜則例直隸永平府

永豐山海界嶺口劉家營永營大喜峰口六倉兩淮存積鹽課
一萬四千三百餘引每引每米納五斗五升兩浙存積鹽課二
十萬二千七百餘引每引米三斗五升 丁亥巡撫陝西左副
都御史馬文升奏九月來虜自花馬池擁衆深入分寇靜寧青
家驛等處其勢甚張兵部議欲遣近臣往視事勢緩急
上曰遣官緩不及事其令總兵官等相機截殺



大明憲宗純皇帝實錄卷之一百二十二

成化九年十一月戊子朔欽天監進化十年大統曆 上御奉

天殿受之給賜親王及文武臣頒行天下 以明日 萬壽聖

節遣駙馬都尉石璟樊凱謁告 長陵 獻陵 景陵 裕陵

己丑 萬壽聖節 上詣 奉先殿 皇太后宮行禮畢出

御奉天殿文武羣臣及四夷朝使行慶賀禮 辛卯秦府保安

王公鍊母妃何氏薨妃西安右護衛指揮僉事忠之女宣德丁

未冊立為保安悼順王妃至是薨計聞賜祭葬如制 壬辰遣

內官祭 恭諫章皇后陵寢以是日忌辰也 陞河南布政司

右叅政楊浩為本司右布政使 賜故汶川王妃蔣氏食米歲

三百石 癸巳陝西布政司左叅政周斌為湖廣右布政使

賞遼義州從征有功官軍太監葉連等二千四百九十七人銀

改布有差 甲午陞刑部右侍郎董方為都察院右都御史以九年任滿也陞兵科給事中梁璟為陝西布政司左叅政四川右叅議李衍為河南右叅議 左春坊左庶子黎淳省祭以病踰限二年吏部言例當違問特宥之 賜朝國朝賀陪臣李克墩等宴并織衣綵既有差 陝西叅贊軍務左都御史王越奏草州之捷十月十一日字羅忽滿都魯札加思蘭入寇草州臣方自竟外破虜老營而還寧夏大同宣府延綏總兵等官范瑾周賢岳嵩俱率兵至草州適協守環慶僉事左鈺等兵來會至紅城兒有二虜衣紅突攻右哨遊擊將軍緄謙祝雄擊退之已而復攻左哨副總兵王璽及周賢就陣斬之虜衆奔氣衆軍乘之呼聲振地虜散復聚戰十餘合大敗而奔棄輜重軍器滿野至十四日總兵官劉聚又邀敗之於三岔共斬首一百四十九

奪還男女一千九百三十四馬騾牛羊十二萬九千八百皮襖
廬甲弓箭等物一千六百一十 上賜勅獎諭之日得奏具見
爾等先時運謀臨時奮勇故能成此克捷之功但虜賊二萬餘
入境所奪回人口頭畜止此未奪回者不知幾何今後須從長
計議用何方畧使虜賊畏懼不來犯邊雖來不敢深入庶幾生
民免蹂躪之患爾等不負寄託之重而朕亦用紓西顧之憂勉
之慎之 乙未太僕寺少卿李綱服闋復任陞南京刑部郎中
黃紱為四川布政司右叅議浙江按察司僉事趙銘為江西副
使 降直隸寧國府知府王勤為河南懷慶府同知以織造既正
不如法為工部所叅問也 丙申蜀府羊陽王友璋薨王悼隱
王之長子也母妃張氏永樂癸卯生正統戊午冊封羊陽王至
是薨年五十有一 計聞輟朝一日賜祭葬如制謚康簡 復除

福建都轉運鹽使司運司朱穩于兩浙 丁酉重閱騎射于西
苑先是夏四月 上於西苑親閱公侯伯都督坐營把總將官
騎射時武臣有差遣在外及新授職不及試者乃再閱之把總
指揮安通等九人以射八中及定襄伯郭嵩安鄉伯張寧富陽
伯李輿成安伯郭鏞以不任事俱罷之 復除廣西按察司僉
事蘇慶科于浙江浙江按察司僉事高舉于四川 己亥給賜
大同守墩夜巡軍士四千九百九十一人胖襖袴鞋 庚子太
監黃賜傳奉 聖旨尚寶司卿朱奎任道遜光祿寺少卿李淳
戶部郎中張福尚寶司少卿汪景昂汪容程洛光祿寺寺丞金
溥王恒顧本禮部員外郎王頤中書舍人張苗徐淮俱陞一級
監生張奎除中書舍人儒士杜昌除鴻臚寺序班人匠姜斌涂
文思院副使於是吏部擬奎道遜淳福為布政司叅議順天府

帶俸景昂容洛俱本司卿溥恒本俱光祿寺寺丞頤本部郎中
苗淮俱大理寺右評事詔從所擬獨奎道遜溥福以擬非京職
特加從四品散官并俸一級奎等俱以職官帶俸諸司而於文
華門東耳房書辦官久不得遷適朝廷命翰林儒臣考訂資治
通鑑綱目上呈付奎等繕寫翻刻至是以工完俱進秩 辛丑
命右府帶俸都督同知王鈺掌南京右府事前府帶俸都督僉
事奚顯掌前府事致事_性都督同知張泰卒泰直隸合肥縣人父
鱗任都指揮使守寧夏宣德初泰襲父原職左屯衛指揮使後
陞都指揮正統丁卯陞右軍都督僉事充總兵守寧夏己巳復
召至京賜璽書仍鎮舊地成化初以老乞解職 上從其請家
居九年至是卒賜祭葬如例泰守寧夏熟知虜情在邊十三年
適多事之秋虜時出沒泰隨機應變以禦之雖不大勝亦大不

敗近世守邊者益鮮其比云 癸卯浙江運糧都指揮僉事陳文為僭運郎中萬翼蕃辱訐奏翼諸不法事坐誣贖徒還職翼大學士安之子也 甲辰禮部奏冬至節例賜百官宴 上令免宴賜以節錢鈔 鎮守松潘等處都指揮僉事堯或奏八月十四日臣與四川按察司副使沈琮親督官軍分勦白馬路水牛茹兒等番寨大克之既而白馬殘賊糾眾復仇令伏軍要路與戰復克之直抵賊巢燒其碉寨驅其牛馬百餘斬首三百十六級 上賜勅獎諭之 巡撫陝西左副都御史馬文升奏上足食養民事宜一陝西都司并行都司所屬四十衛所歲造軍器用熟鐵三十一萬四千餘斤又各邊不時奏乞補造軍器動輒一二十萬俱派取民間然無土產多毀農器充納深為民患訪得山西澤州陽城縣產鐵甚賤而河東鹽課不費煎熬往年

澤州人每以鐵一百斤至曲沃縣易鹽二百以此陝西鐵價稍賤因添設巡鹽御史私鹽不行熟鐵愈貴若以鹽課五十萬引中鐵五百萬斤俱於安邑縣上納運至布政司官庫收貯支用庶民力可省一守邊之法屯田爲上榆林以南俱有肥饒地土近年坐保官員招集鄰近軍民耕種每牛一具辦送雜糧二十五石及官爲查撥輒稱引寇宜以其地令軍民耕種照例每一百畝就於鄰堡上納子粒六石一陝西數遭荒歉倉廩空虛所有納粟之例頗爲便宜蓋納粟官帶之人不食俸治事而有司得粟賑民乞仍行之以紓目前之急一陝西慶陽衛所管清平山城驛遞并寧夏衛帶管萌城驛運甲軍歲久富庶應役之外止令承種空閒地五十畝於本處上納子粒三石然各軍每月却於環縣倉闕糧六斗往回二百餘里每年又闕冬衣布花


比之邊軍操備勞逸不同乞以鄰近驛所空閒肥饒地土每戶撥與一百三十畝每年子粒就准月糧之數一西安府供給秦府庶人尚幼等男婦四十五口歲支糧計一百六十二石厨料銀四百八十六兩因無官錢坐派所屬人戶出辦近輸運疲弊供給愈難乞以厨料銀總折米數與口糧按月於永豐倉支送尤便事下戶部議其言皆可行詔從之 乙巳陞通政司左叅議何琮爲左通政大理寺左少卿宋旻爲本寺卿 賜楚府故鎮國將軍李璆妾潘氏食米歲一百石先是所得賜米二百石以四子受封停支然尚有未封子女三人故復賜其半以資養贍 丙午增設山東武城縣管河主簿一員從總督漕運都御史李裕請也 巡按陝西監察御史張遜爲總兵官寧晉伯劉聚訐其諸不法事刑部請差官往勘 上命執遜來京治之

戊申上諭大學士彭時等曰朱文公通鑑綱目可以輔經而行
顧宋元二代至今未備卿等宣遵朱子凡例編纂宋元二史上
接通鑑共為一書時等因奏太常寺卿兼侍讀學士劉珣學士
王獻侍讀學士彭莘侍講學士楊守陳尹直左春坊左庶子黎淳
左諭德附一夔翰林院修撰鄭環劉健汪諧羅璟編修程敏政陸
簡林瀚分為七館編纂明年侍講學士丘濬丁憂起復時等請
令濬同編纂再加一館為八館云 賜朝鮮國王成化十年大
統曆 命隆平侯張祐泰寧侯陳桓遂安伯陳韶東寧伯焦俊
南寧伯毛文修武伯沈煜都督同知顏彪俱坐營管操定襄伯
郭嵩等既罷於是太保會昌侯孫繼宗等舉桓韶俊及恭順侯
吳鑑保定侯梁傳靖遠伯王添可任坐營既得旨兵科給事中
俞澤等言鑑翁卒傳庸劣添輕浮皆非馭衆之才 上曰鑑等

既不可用兵部其推舉堪任者以聞兵部尋以文煜彪名上遂
以代之 己酉以明日冬至節遣駙馬都尉周璟王增分祭
長陵 獻陵 景陵 裕陵文武衙門各分官陪祭 遣內官
祭 恭謙章皇后陵寢 庚戌冬至節 奉先殿 皇太后宮
行禮畢出御奉天殿文武羣臣及四夷朝使行慶賀禮
皇太后 皇后俱免命婦朝賀 辛亥文武羣臣朝親王於奉
天門東廊 癸丑改陞戶部右侍郎杜銘為工部左侍郎 撫
寧侯朱永參奏都督僉事王義統各營把總都指揮王宣等收
馬不能盡心提督致馬死并被盜者千數仍不從實開報事下
都察院請究其罪 上宥義罪命停俸追馬完日以聞宣等一
十九人下法司鞫問贖杖還職 甲寅免直隸河間府秋糧二
萬九千三百餘石草四十三萬五千九百餘束以水災故也

命哈密衛故都指揮僉事陝西丁子馬哈木指揮僉事哈蘭沙
子馬哈麻俱襲職 朶顏衛都督阿兒乞蠻遣指揮吉兒馬歹
等喜樂溫和等衛女直都指揮馬申哈等毛憐衛野人女直都
指揮忠塔等各來朝貢馬及方物賜宴并金織衣綵段等物有
差 乙卯鶯河東運司益四十萬引以濟山西饑民及定軍民
人等納銀給散官事例正九品六十兩正八品七十兩正七品
八十兩以備賑濟之用皆從巡撫右副都御史雷復請也 鎮
守湖廣太監王定奏長沙湘潭盜起殺指揮韓輔兵部議遣近
臣一員往治之

上曰但勅鎮守總兵官巡撫等官嚴督緝捕



大明憲宗純皇帝實錄卷之一百二十三

成化九年十二月丁巳朔 上視郊祀牲 己未復除山東布

政司右叅議呂鐸于浙江 刑部左侍郎曾鞏以疾奏乞致仕

許之 巡撫山西右副都御史雷復奏罷貪懦老疾官太原府

通判胡清等六十一員 辛酉命金吾右衛帶俸都指揮僉事

李茂子泰襲父原職本衛指揮仍帶俸 武進伯朱雲卒雲山

東沂州人故武進伯英之子天順五年襲父爵至是卒計聞輟

朝一日命有司祭葬雲之嗣弟霖襲其爵 壬戌命錦衣衛帶

俸指揮僉事董璋陞正千戶趙璟為指揮僉事同管錦衣衛事

正千戶楊瑛鎮撫司理刑 癸亥戶部奏南北直隸及山東江

西浙江湖廣等處九十餘衛所歲運糧儲皆過期不至所司官

宜令戴罪住俸命姑宥之仍戒來歲無得稽悞 甲子蠲節賜

百官宴於午門 命提督永平把總指揮同知陳宣守備山海關 乙丑命工部右侍郎劉昭提督營造京師及通州倉廩 丁卯巡撫延綏左副都御史余子俊奏罷素行不謹及老疾左叅議楊璧僉事荆綸等六員 掌錦衣衛事都指揮同知袁彬為其母乞祭葬 上以彬侍從 先帝于虜地有勞特與之 降陝西榆林衛指揮使許珍為指揮僉事以守高家堡被虜殺掠故也 己巳詔山東該徵糧草存留本處支用時山東每歲該運京師及宣府等處糧計一百十二萬餘石以是歲災傷僅徵二十萬餘石不及歲運十分之二而本處王府及諸司官吏軍士之費又歲計八十六萬餘石調度不給巡撫都御史牟俸以聞故有是命 命山東都指揮同知朱昇子愷代父原職臨清衛指揮使 庚午免天津等八衛軍士採運秋青草八十萬

東以水災故也 壬申賜山海衛所勅中山武寧王徐達廟額
曰顯功仍命有司歲祀從左僉都御史張綱請也 陝西紀功
兵部員外郎張謹奏韋州之捷臣驗所獻俘馘多不似胡人面
目而女婦兒童頗衆因訪虜初入寇營陣甚整總兵劉聚都御
史馬文升副總兵馬儀叅將趙順等伺其大衆既去襲其餘賊
斬獲多不實者時總兵范瑾副總兵王璽叅將岳嵩遊擊將軍
祝雄緄謙都督僉事周賢按兵不出僉事左鈺都指揮劉琮自
萌城來值虜突戰瑾等見鈺被圍不得已出兵往援惟嵩賢軍
頗有斬獲虜見兵合乃棄所掠而去時被掠者多以凍傷不能
走隨處休憩官軍四散尋殺之以為首功三岔之戰我軍被傷
數多而不獲一虜及聚等至虜以出境又縱其下搜山尋殺被
掠逃回者以為功行道相傳痛心流涕都督白玉抱病不出都

御史徐廷璋余子俊不親督陣又不舉劾王越在紅藍池劫營還輒為具奏總兵官許寧遊擊將軍周王亦以劫營在邊屯駐俱宜究治兵科叅看劾聚等妄殺貪功之罪兵部覆議以為荼毒之患甚於剽掠上逆天道下拂人心非痛加懲治無以示戒惟岳嵩斬首是實王璽左鈺未報功策白王徐廷章有疾許寧王俱在延綏防守余子俊方修治邊牆難於聚治取旨裁決詔遣工科給事中韓文體勘明白以聞 都察院議覆刑科給事中王銓言御史歷任三年以上諳曉法律者方許差遣巡按言誠有理但本院御史差遣甚繁又多缺員恐不給用且御史俱拔自科目選于行人知縣等官或試職一年或虛任半年本院考其諳曉刑名者方得實授止有廢吉士除授者實係朝教養實授見任之數况其才識有優力差使有輕重本院各量才識

王璽遊擊將軍祝雄緄謙周王叅將趙順岳嵩陳輝都督白玉
周賢都御史王越馬文升余子俊徐廷章按察司僉事楊寬左
鉉都指揮劉琮等或總制大軍或叅贊戎務或隨軍協守平居
既不能整肅軍威臨敵又不能倡率勇敢以致逆虜邊疆累犯
費用錢糧損折士馬或假兵寡而不敢抗敵或託勢衆而不敢
出師或稱地遠而不即應援乃殺被虜之人以爲希賞之計功
既不成人徒受害主者抱恨死者銜冤變動陰陽致殺和氣乞
遣廷臣勘治其罪詔俟勘實處之 甲戌設湖廣滑石江巡檢
司隸算子坪長官司 乙亥掌太常寺事禮部尚書李希安以
病乞致仕不許命在任調治 朝鮮國王李婁遣陪臣芮承錫
等奉表貢馬及方物來朝賀明年正月命速平江衛故指揮
使劄秃子也出等十七人繫職建州左衛指揮同知鳳吉子

委草等十六人克都伯等十三人俱降一級襲授委草等以董
山餘黨故也 丙子陞監察御史梁昉為浙江按察司僉事
丁丑巡撫順天等府左僉都御史張綱奏罷老疾官永平府知
鮑豫等七員 戊寅秦寧等衛都督兀南帖木兒遣指揮安塔
木兒等建州右等衛女直都指揮卜花禿等海西木速河等衛
女直野人都指揮幹哈等木蘭河等衛野人女直都指揮撒赤
哈等各來朝貢馬及貂皮賜宴并金織衣綵段等物有差 命
暫停徵民間馬時兵部言北直隸山東河南等處水旱馬宜停
徵 上曰馬政固國家急務但歲遣民貧救死不贍喪彼得此
將安用焉兵部議是然尚未止此南直隸等處凡災傷地皆暫
停之 己卯故武定侯郭昌子良乞襲爵不許先是良以罕襲
未明令為錦衣衛指揮僉事至是凡九上疏陳情 上日朝廷

於良事已累處置而煩瀆不已若復有所當并指揮革之 賜
偏頭閑借班官軍布人一足時官軍五千七百餘名連年征調
不息又屬下班當代以邊徼有警特借班守禦所司言其勞故
有是命 辛巳勅湔除在京文武官過名仍命法司移文於在
外諸司 陞監察御史姚明為陝西按察司僉事 巡撫浙江
右撫都御史劉教奏罷罷輓官布政司左叅議甯珍等七十員
改陝西靖虜衛旗軍運糧折色布為鈔以所司言其無調征
之勞故也 賜達官都指揮僉事等官索羅等十員祭 壬午
禮部奏正旦節例賜羣臣宴 上以免宴賜以節錢鈔 巡撫
北直隸右副都御史葉冕奏罷老病罷輓官廣宗縣知縣秦遇
春等五十員 刑部主事張鼎上疏言臣生長陝西比見邊務
日殷水旱繼作謹事宜以備采擇其一日陝西八府三邊腹裏

俱有鎮撫總兵巡撫都御史等官不相統一遇事各為可否有警不相援救宜推文武兼濟者一人總制三邊副將以下悉聽調遣則事體歸一而成功不難其二曰頃年軍法不行為將者縱賊殺掠出入自由後有失機者宜從律例科斷或降調或謫戍或棄市庶邊將知懼其三曰今官軍對敵罔有克捷詢其所由蓋腹裏官軍素號怯弱一聞戰陣肢粟膽破惟土兵驍勇熟地里諳邊事而邊將多侵牟之故多畏避不肯應募宜立法召募特加優恤有功不得隱蔽則土兵効勇而鄉導可得矣其四曰今邊將上下相蒙互為欺罔遇虜入寇閉門不出或有失機多歸罪於下備邊懈弛日甚一日古之為將者與士卒同甘苦而今之為將者每以供饋勞人於千里之外宜禁絕之又言設預備倉以備荒減添設官以省俸收流民以復業採秋青草以

省供輸諸事詔下其奏於所司 旌未孝子徐寧等三人節婦
鮑氏等六人烈婦一人寧河南衛輝府生員早喪父自母孝母
歿哀毀盡禮日號泣于墓即廬側尹寃西平縣學生母歿哭幾
絕廬于墓手植荆樹死而復生產芝草十餘莖劉定遼東定遼
左衛舍人喪父三日不食而歛殯悉合禮自負土成墳廬其傍
三年俱表其門曰孝行鮑氏直隸旌德縣民胡宗仁妻徐氏江
陰縣民葛晟妻吳氏懷來衛總旗吉祥妻徐氏浙江常山縣民
鄭寃妻林氏福建閩縣民高明妻易氏湖廣巴陵縣民方智妻
皆喪夫守節奉養舅姑撫育孤子為鄉閭所稱俱表其門曰貞
節張氏河南太康縣民晉嵩妻夫死自縊年十有九其門曰貞
烈 癸未詔免雲南各衛官司及裁減州縣明年朝覲時有水
旱災從守臣等奏請也 免直隸大名順德真定廣平永平五

府所屬州縣秋糧一十萬六千餘石草二百萬束綿花二萬三千餘斤以水災故也 甲申免山西忻澤潞等十一州繁峙高平等三十九縣夏稅二十六萬八千四百餘石以旱災故也 命南京金吾右衛指揮僉事宋綱守備儀真時備倭署都指揮僉事都勝自陳所統地廣綜理不周都御史胡拱辰舉綱可任從之 乙酉命兀者衛都指揮刺塔孫扯草等三十一人襲職連平江衛指揮使綽必等五人陞一級從悼必等陳乞也 重修南京靈谷寺 丙辰歲暮享 太廟 遣太常寺官祭五祀之神 遣旗手衛官祭旗纛之神 以明日正旦遣駙馬都尉石璟樊凱分祭 長陵 獻陵 景陵 裕陵 遣內官祭恭讓章皇后陵寢是歲天下戶九百一十二萬一百六十一戶口六千一百八十二萬三千四百八十口田地四百七十七萬

八千九百八十頃一十畝有奇田賦米二千二百七萬六千八百六十石有奇麥四百三十三萬二千一百九十石有奇絲九萬二千七百斤有奇綿一十萬五千兩絹二十八萬五千二百一十疋有奇布八十七萬九千二百疋綿花二十八萬二千三百斤折色鈔八十三萬五千三十錠有奇雜課鈔二千七百九十六萬二千一百錠有奇米五萬六千二百石有奇麥二千三百八十九石有奇布七百七十疋有奇鹽課鹽三百七十九萬一千五百引有奇折鈔米五千七百九十石有奇布四萬四千七百疋茶課五十六萬三千九百一十斤有奇折鈔屯田子粒三百九十五萬八千一百八十石有奇採納銀五萬二千一百二十四兩有奇水銀二百四十七斤一十兩有奇硃砂一十七斤一十兩有奇漕運京師僱運糧三百七十萬各處運納糧五

百五萬四千三百八十石有奇減免天下官田等項稅糧六十七萬七千五百石有奇

大明憲宗純皇帝實錄卷之一百二十三終

大明憲宗純皇帝實錄卷之一百二十四

成化十年春正月丁亥朔 上詣 奉先殿 皇太后宮行禮

畢出御奉天殿文武羣臣及四夷朝使行慶賀禮 皇太后

皇后俱免命婦朝賀○戶部奏順天府并五城兵馬司審勘京

城乞食貧民八百一十二口請給糧賑恤從之○戊子文武羣

臣朝親王於奉天門東廊○己丑 宣宗章皇帝忌辰 奉先

殿行祭禮遣駙馬都尉石璟祭 景陵○韓王偕滿妃艾氏薨

妃西城兵馬副指揮溥之女成化戊子冊封為廣安王妃庚寅

進封韓王妃至是薨賜祭葬如制○壬辰益春享 太廟○遣

內官祭司戶之神○癸巳陞陝西延安府經歷徐彬為安定縣

知縣華州判官陳琦為安化縣試知縣宜川縣縣丞董敬為通

渭縣試知縣朱肱縣縣丞吳璫為洛川縣試知縣從巡撫都御

史馬文升余子俊薦也○陞大興縣知縣湯渭為南京宗人府經歷○福建福州府地震有聲如雷○甲午以大祀 天地
上御奉天殿誓戒文武羣臣致齋三日○丙申立春順天府進春 上御奉天殿受之文武羣臣行慶賀禮○遼東苑馬寺卿劉璉卒璉字宗器大興縣人戶部尚書中敷之子登乙丑進士初授刑科給事中丁憂起復改除戶科天順中擢光祿少卿成化初陞太僕少卿尋改右通政仍治寺事擢本寺卿以事出為遼東苑馬寺卿至是卒于官璉體貌魁岸生公卿家而不事華侈居以剛果自持而不阿時卒以此被訾而出所用未究其才時論惜之子機亦舉進士今為翰林修撰○丁酉 大祀 天地于南郊祀畢 上還宮謁 皇太后畢出御奉天殿文武羣臣行慶成禮○以上元節賜文武羣臣假十日○戊戌以大祀

禮成 上御奉天殿大宴文武羣臣及四夷朝使○辛丑上元
郎賜羣臣宴于午門○癸卯 英宗睿皇帝忌辰 奉先殿行
祭禮遣駙馬都尉周景祭 裕陵○勅左都御史王越專居固
原總督諸路軍馬兵部尚書白圭會太傅會昌侯孫繼宗等議
刑部主事張鼎陳言內一事欲舉都御史一員總制三邊今固
原平涼乃三邊總會之所虜寇侵犯累由此入宜置立總府定
西侯蔣琬謀勇素著堪充總兵總制各路軍馬左都御史王越
通達有奇可提督軍務兼理錢糧仍乞假以便宜之權使陝西
甘寧延綏等處總兵巡撫等官悉聽節制 上口總兵官且不
用只令王越駐劄固原總督諸路軍馬○甲辰西番 定王領
真俄即命遣鎮撫汪余加等七克力頭目脫脫卜花遣俺南多
等俱未朝貢馬賜宴并襲衣綵段表裡等物有差仍令齎勅并

衣服綵段歸賜領真俄即命及脫脫卜花○乙巳巡撫河南右副都御史楊璿奏獲嘉等縣連年薄收去歲夏秋雨潦饑饉特甚民多流移賑濟無備請行納米冠帶中益之議戶部奏定則例凡軍民納米八十石者給冠帶四十石者立石旌表給復一年其米麥俱納於獲嘉新鄉汲洪等縣聞中河東運司見在盈課三十萬引每引米麥二斗聽衛輝府撥於缺糧處上納○免宣府萬全懷安保安等衛并興和守禦千戶所去年子粒一萬一百四十石有奇草二萬一千六百五十束以冰雹雨水災也○賞遼東義州鎮北等處官軍三百二十九人銀絹布有差以救賊功也○丙午巡撫延綏左副都御史余子俊等言頃者兵部行令總兵官劉聚叅贊軍務都御史王越如虜已渡河即散遣從征客兵聚等仍留防守俟河開具奏裁處然自今年正月

初旬邊報寧息聚等俱無所事儻至河間方奏往回四十餘日
恐芻糧不給乞先令聚等移大同宣府軍馬就糧保德朔州等
處河間即還庶軍民俱便事下兵部議散遣客兵宜如所言王
越已勅令在彼總督軍務劉聚既病宜與紀功郎中張謹俱召
回京從之○丁未巡撫陝西左副都御史馬文升奏罷老疾罷
輒官華州知州唐謨等一十七員○賜四川粟渴黑虎寨等處
救賊有功官軍叅將都督僉事宰用四川按察司副使沈琮布
政使司右叅議李衍并旗軍四百三十七人綵段鈔貫絹布有
差○海西益實左等衛野人女直都督三赤哈等塔麻達等衛
野人女直都指揮阿木郎等朵顏等衛都指揮脫脫阿等各未
朝貢馬及貂皮賜宴并金織衣綵段等物有差○己酉 英廟
賢妃王氏薨妃薊州遵化縣人父徽錦水衛千戶母李氏宣德

庚戌生甫三歲選入內庭天順元年冊封賢妃稟性柔和為
英廟所倚重至是薨年四十有五輟朝五日謚曰昭肅靖端
巡撫南直隸左副都御史張鵬奏罷老疾官廬州府推官曹能
等一十七員○總督漕運左副都御史李裕奏山東原泐兌運
糧并河南鳳陽蘇松改兌糧共六十六萬三千七十餘石今各
處被災無兌欲以淮安徐州二倉所儲補支今二倉見存者僅
有五十三萬八千四百五十二石以該補之數計之尚欠一十
二萬四千六百二十餘石請為區處戶部議河南改兌糧歲應
一十七萬八千石除以水火但徵十萬石外別所欠者止二萬
四千六百餘石而已今裕既奏淮徐二倉不給補支請行南直
隸巡撫官令撥蘇松二府餘剩官糧補之并行河南巡撫督徵
該納之數上允其議○增置陝西環縣葦州倉以總兵等官

議調官軍防守故也○庚戌賜朝鮮國賀正旦陪臣芮承錫等宴并金織衣綵段等物禮部以是日宴值英廟賢妃薨當輟朝請免宴令領酒饌上命如例宴之但勿用音樂○辛亥提調北直隸學校監察御史閻禹錫奏順天應天二府鄉試舊制以監察御史二人監試然皆臨期入院今後宜令豫於十日前入院庶詳察事端以祛積弊其同考試官宜令所司擇文行優淳者毋徇勢要干請搜檢巡綽宜用在外都司官軍毋遣京營之人庶弔其傳遞夾帶之弊至於生員厨役皂隸并進題等項原有禁城戒者亦宜申舉詔從之○諭祭成討溫衛故都督婁得婁得病死弗提備右都督帖思古等以間命禮部以綵段香帛祭文付來使領回祭之○重給朵顏衛印從本衛署印知院脫火赤言其印為毛里孩所掠故也○寧夏副總兵都督僉事

林威協守西路都指揮僉事馮紀寧夏中衛指揮王禎雍昇百戶于真高清于廣坐不能禦虜為巡撫都御史奏劾時威已致仕紀亦間往事下陝西巡按御史建紀等擬罪當謫戍而遇赦例當免命紀降指揮同知威免逮降一級俱間住禎昇真清廣亦各降一級本衛差操○壬子以哈密頭目脫脫不花等為指揮僉事等官命督居苦峪城都督同知李文右通政劉文奏奉勅至甘州適遇速撫阿力有使入貢即遣人隨其使齎勅往諭之俾歸哈密之地尚未報又哈密頭目脫脫不花等六人見居甘州自言願率衆五百歸附乞官職賞賜督居苦峪誓必克復故城臣等謂宜俯順夷情使為捍衛如速撫阿力頑獷不服即調赤斤罕東等衛併力攻勦以圖成功事下兵部言以夷攻夷中國之利况成大事者不計小費宜從所請并令文等以所齎

銀幣並給賜之仍各量授一職獎其歸向之誠故有是命○癸
丑巡撫浙江右副都御史劉敷等奏成化九年十一月温州等
處強賊千餘謀竊福建馬頭坑礦福建守備上圩坑指揮僉事
吳晟率衆禦之於官鑑嶺官軍被傷賊勢益熾竊見處州等處
坑場礦脉微細民皆陪納課銀無所從出因覘他處聚衆強採
乞將今年課額量為設法陪補仍令所司招撫復業兵部因請
勅浙江福建鎮守巡撫三司官屬議處從之○甲寅崇王將之
國請有司給廐馬芻豆戶部援例覆奏 上允支一年○南京
大風雨震雷○乙卯陞鳳陽府同知戴耀俸二級復任三年揚
州府推官劉昇為鳳陽府通判從都御史張鵬黃鎬奏也○鎮
守臨清署都督僉事王信奏德州等衛所京操官軍項以存操
回衛月糧踰月未給其臨清等衛所存操馬亦乏草豆致多倒

死請令月糧暫於德州寄收糧內閔支而臨清存糧馬草今年
正二月撥支於有收之處或支折色戶部議行山東二司官覈
實其數每月俱於附近州縣見徵成化九年秋糧馬草內給之
其月糧仍照本部先定量折引益與本色米兼支其草則休京
操馬匹事例量支一月數不過二十束豆量支兩月月不過六
斗如倉糧不足則以德州倉見收并守收糧內暫支兩月草豆
不足則以所在官庫折俸贖罰鈔物相無折支可報 總兵官
寧晉伯劉聚奏近紀功郎中張謹言臣等靜寧等處之捷斬獲
首功多係被虜男婦蓋我軍與之接戰累日彼皆衣裝無異倉
卒之際豈能分別事下兵部言即如聚奏幼男女婦亦豈能陣
前馳射乃以為功聚畏罪飭辭不足盡信宜併行給事中韓文
覈實從之

大明憲宗純皇帝實錄卷之一百二十五

成化十年二月丙辰朔免各處巡撫都御史赴京議事以西北虜寇未息四方亦多災傷寇盜故也○丁巳釋奠先師孔子遣

太子少保兵部尚書兼文淵閣大學士彭時行禮○戊午祭

大社 太稷○遣順天府祭先農之神○工部言管理河道郎

中郭并請更造輕便薦新官船已行南京內外守備等官覆

宜如所議從之○靖安伯和勇卒勇迤北人祖阿魯台初為元

刺馬哈木所敗率其妻孥部落保息塞外稱臣內附 太宗封

為和寧王仍居漠北貢使不絕後復背叛宣德九年為兀剌脫

歡所殺其子阿卜只奄即勇之父寤感歸附命為中軍都督府

左都督賜第宅什器尋卒勇襲指揮使帶俸錦衣衛累軍功歷

官左都督成化初陞靖安伯食祿中府至是卒賜祭葬如例勇

雖出夷虜然天性庶謹嘗從征兩廣充遊擊將軍一時總兵督戰文武大臣多縱情肆欲勇獨循理尚儉衆視之有愧焉○已未南京大雨雪傷麥○禮部奏湖廣金峒等八安撫司進賀冬至表箋逾期不至宜行巡按湖廣監察御史究問 上以土官姑恕之仍令御史責其罪狀戒毋再犯○辛酉代府儀賓孫琰強占官房山西都司奏行巡按御史鞠之臈杖還職○壬戌陞山東布政司右叅政陳儼為右布政使○晉王奏鎮國將軍美塔有母喪請弁以其子輔國將軍鍾錕鍾銜鍾鎖鍾鈺鍾鏗今年分祿米俱蠲支本色為喪費戶部議無例 上曰送終之禮人子不得自盡則貽終身之悔美塔請給祿米以供母喪雖無故事宜特允之其令所司全給一年○調兵科給事中俞澤為直隸涿州判官澤以奏事差誤下獄得旨澤任言職不能敬謹

難居近侍命吏部調外任○免真定神武右衛平定禦千戶所
去年于拉八千六百石有奇以水災故也○湖廣荊州府奏所
屬州縣并衛所支與違王以下及長史司官吏祿俸折鈔歲幾
三百萬貫而所收戶口食鹽并額辦課鈔止足支三分之一况
王府有十數年未支者今欲槩支無所措置請為區處戶部議
行湖廣布政司先以本府所有者給之餘補支以湖口起運今
歲船料之鈔自後諸王折色俱照例盡支荊州府歲課不足則
中布政司區畫其有司衛所官該支者則俟有鈔日補之詔可
○癸亥陞戶部郎中劉璋為山東布政司右叅政○運折江
西等處折糧銀以給邊需遼東陝西各十萬兩大同八萬兩宣
府六萬兩榆林三萬兩密雲一萬兩○雲南總兵官黔國公沐
琮等奏本邦宣慰司夷婦養罕弄等聚眾殺掠隴州宣撫司多

歪孟境內累撫不恢復糾結緬人攻劫貢章等處已遣人往諭緬人毋助亂招悔并行南甸干崖芒部等長官司整兵救援事下兵部請令琮會同太監錢能并巡按三司等官撫諭諸夷退兵自保倘冥頑不服宜所議舉行從之○甲子大雨雪○巡撫寧夏都御史徐廷章奏寧夏官軍虧負秋青草數多宜治守備指揮黃慶陳新罪其分守協守都指揮陳禔理亦宜住俸戴罪催督都察院以聞 上宥禔理命督完毋緩○乙丑賜鄭王祁鏊第七子名見浪○巡撫遼東右副都御史彭誼等奏正月間朵顏三衛虜入間原慶雲墩境分守右叅將都指揮僉事周俊率軍追至境外轉戰一百餘里斬首十一級遇夜虜遁去明日復追襲五十餘里斬首六級獲其弓馬器仗以還事下兵部言此虜敗衄必圖報復宜行鎮守總兵等官益加防禦從之○

亂如思蘭部下咬啗犯邊為官軍擒獲誅之○丙寅調工部主
事解敏為直隸徽州府通判敏督修京倉忤監倉內官高建達
奏敏用官銀倩人上工以給私伎下敏獄得旨敏不請事體行
止粗疎難任京職其令調除外任○免兩廣府州縣官朝覲從
巡撫都御史韓雍言荒盜發也○丁卯遣戶部尚書薛遠祭京
都太倉之神○遣順天府官祭宋丞相文天祥○直隸滄州及
興濟縣皆奏隄岸被水衝決淹沒民居田地乞興工修築事下
工部覆實從之○戊辰戶部郎中李惻然奏陝西項有邊事日
支糧草動以萬數皆出於民有一家用銀四五十兩者一縣用
銀五六萬兩者公私匱竭民不聊生往往派移他方以一里計
之大率十去其五其未去者惟視催科緩急以為去留今西事
雖殷然會計邊儲尚足資二三年之用伏望 皇上軫念民艱

深惟國本勅巡撫都御史等官量虜勢緩急以計邊儲如勢可緩即以陝西原派去年起運糧草已運者如舊送納未徵者暫為停催其河南近擬輕齋數少不足收糶者則許候秋成照舊折收今年夏秋稅糧屯糧馬草之類則斟酌各處轉輸勞佚量為寬減與凡一應不急之務悉暫免一二年以蘇民困累各倉見儲不足則暫以戶部所運折草餘銀并各庫贓罰折與官軍或候秋成委官糶買如更不足則請給內帑官銀一二萬兩繼之章下戶部議如所奏仍令惘然會陝西布按二司督理從之○己巳間設順天府永清縣僧會司○安昌王膺鋪父岷王音逆得風疾膺鋪侍奉湯藥晨夕不離岷王嘉之乞如例旌表事下禮部覆奏親藩旌表舊未有例上特賜書獎諭之曰國家以孝為治凡臣庶孝行卓著者必旌表之風教天下以圖成大

順况於宗室有能博行可無獎諭用勸將來邪叔性稟孝謹爰自幼齡因父王嬰疾每朝夕侍側躬奉湯藥迄今歲久益無懈怠朕聞之歎賞再三以為孝乃天地常經人倫大本叔能博行令聞茂著寧不有光於宗室有光於國家乎詩曰永言孝思孝思維則永言謂長念也又曰孝子不置永錫爾類謂胤也繼自今常存此心益崇此道則不惟叔可以儀式藩邦行福胤於無窘而我國家亦因有無疆之休於悠久矣茲特致書褒嘉惟叔其亮之○命守備萬全右衛都指揮僉事胡觀守備獨石署都指揮僉事郭瑄俱管萬全都司事瑄乃無把總提督操練自郡王以下至將軍中尉郡主縣主縣君鄉君等府共七十餘處適年修建宮室創造墳墓畧無停息民疲財耗乞定與則例自郡王將軍以下各有等差房屋未及五十年者不許輒奏修理

事下工部以為宜從且請通行各王府如例行之詔可○庚午
勅府軍前衛帶俸署都指揮使吳瓚分守懷未永寧等處○辛
未命巡撫北直隸右副都御史葉冕甘肅右副都御史婁良大
同左僉都御史鄭寧致仕戶科給事中徐與憲請罷巡撫官吏
部都察院言三人可罷故有是命○禁京城鋪戶毋得與夷人
貿易違禁器物○壬申命巡視南直隸左僉都御史張鵬理南
京都察院事○崇王見澤奏秀府原乞歸德陳睢壽潁等州霍
丘商水鹿邑等縣黃河退灘水泛空地及汝寧府衛原有順陽
王所遺菜果牧馬水陸園場田地并搓牙山抽分廠西南截軍
天目等山青木嶺小花旗子等口及汝寧稅課司并各色班匠
請如例給賜戶部議行河南三司及直隸鳳陽府委官會勘果
無妨礙俱聽本府管業其各色班匠則移工部依例而行從之

○葵酉分守獨石馬營等處叅將都拍揮使李剛等奏虜性狡
猾或於迤東入貢則在迤西犯邊種類繁多真偽莫辨孛顏等
三衛尤為桀黠往往探我軍之虛實為諸胡之鄉導且其巢穴
密邇獨石不可不慮欲俟其復來答話之時乘機擒捕以破其
奸又邊民之被虜者得覩官軍幸其救援如見父母而官軍臨
陣追奔之際顧乃救以報功乞嚴加禁制凡將士有此罪及身
家事下兵部言剛等不能臨陣破賊徒欲誘致答話之人恐啓
邊釁宜令宣府鎮守巡撫等官會議可否及將士臨陣有救掠
陷虜之人以為功者宜通行各邊鎮守總兵巡撫等官重加禁
止從之○甲戌賜晉府陽曲王美堯第十七子名曰鍾鉢蜀府
內江王友瑋第四子名曰申鎔第五子名曰申端○命右都御
史董方巡撫大同右副都御史張瑩巡撫河間等府陞陝西左

布政使朱英為右副都御史巡撫甘肅初巡撫官缺吏部集戶部兵部議擬以聞而不及方詔大同西北重鎮特用方餘皆從之○陞戶部郎中裴棗為福建布政司左叅議刑科給事中王銓為河南右叅議○烏思藏答都寺佑善禪師鎖南堅繫以朝廷頒賜誥印陞職事欲遣其徒詣闕謝恩并貢方物事下禮部尚書鄒幹等言舊有勅烏思藏三年一朝貢而禪師不得徑遣但夷人之情亦宜俯順取旨裁決詔令五七人未不為例○乙亥南京工部右侍郎蕭彝有罪詔令閒位先是彝當齋 萬壽聖節表文赴京自以秩將滿辭不行南京監察御史戴祐等劾之因及其私伎工匠并擅撥馬船教事刑部請差給事中梁鏞郎中張文昭往勘得實會彝考滿至京自首下獄例贖杖為民彝上奏自辨 上以彝既稱有克押令冠帶閒位○戶部奏文

武官俸歲以兩月本色折絹今南京庫絹火布多請行南京文武官以本色兩月分支絹布從之○翰林院編修董越省祭復任○山西靈石縣民李鐸造妖言惑衆自稱金盆李氏結黨有不軌意事覺就擒下法司擬罪坐斬○丙子以永和王奇清折色祿米內改支本色三百石舊例郡王祿米一千石米鈔中半無支而永和王請如其祖全支本色故有是命○勅鞏昌衛指揮僉事劉珮守備岷州○丁丑土魯番速檀阿力王遣使臣打魯瓦迭力迷失阿力等來朝貢馬賜宴并襲木絳段等物有差仍令齋勅及絳段表裏歸賜其王○戊寅山東濟寧衛奏自冬月交春天暖無冰恐誤進貢鮮船之用禮部以為臨河軍衛有司俱未有言無冰者而濟寧獨有此奏宜行巡按山東監察御史究問上曰官吏怠慢誤事固當懲治然既言無冰姑宥之

仍令巡按御史責取罪狀如再誤必罪之○己卯陞福按察使
洪弼為貴州左布政使○陞福建漳浦縣知縣劉璧為直隸蘇
州府同知璧先任御史以言事謫官巡撫都御史張瑄及巡按
御史羅明崇薦其可用故也○陞湖廣夷陵州判官吳遠河南
寧鄉縣知縣黃甄陝西宣州判官李翔俱為知州遠河南鄧州
甄陝州翔雲南霑益州遠先任監察御史甄翔先任給事中坐
事調外任至是以六科十三道奏保也○太監覃昌傳奉 聖
旨真人孫道玉故父德祥追贈太常寺寺丞母沈氏贈安人賜
敕命○四川石碛宣撫司土官僉事冉翔遣舍人馬仲清等湖
廣容美宣撫司并五峯石寶等長官司土官舍人田鎮等各來
朝貢方物賜綵段絹紗有差○慶王遂壘奏護衛軍餘 英廟
時曾勅有司不許妄動比者總兵官寧晉伯劉聚選五百人守

備寧夏西路鞏州城乞仍遣還事下兵部言鞏州因有慶府羣
牧在內故用其人今虜賊既退宜行令寧夏鎮守等官遣還本
府從之○庚辰陞山東按察司副使唐彬為福建按察使僉事
張珩監察御史鄭銘為山東副使珩專理海道改山西僉事賈
俊于山東俊協守偏頭關等處至是以山西增巡撫都御史雷
復故改用之○壬午命江西都指揮同知段晟守備南安贛州
○兩廣總兵官平鄉伯陳政奏成化九年秋冬之間容縣武緣
瀧水等處蠻賊攻燬村寨殺掠男婦一百五十餘人牛畜錢穀
無算章下兵科劾政等守土不職宜行究治命政及總督軍務
右都御史韓雍等連加除勒及審勘失機之人以聞○癸未戶
部奏崇王將之國宜如德王秀王例令所在官司辨納膳米月
三石內使食米月四斗隨行人月三斗俱支五月而止詔如例

陸覺義領占竹為淮頂大國師劉實藏卜為淮頂國師都綱
劉實堅判為國師

大明憲宗純皇帝實錄卷之一百二十六

成化十年三月丙戌朔禮部奉旨以崇王之國禮儀悉如秀王例條列具奏報可○命總督兩廣右都御史韓雍致仕先是鎮守廣西右少監黃沁訐奏雍坐視徭賊出沒隱匿不報以致斷藤峽賊復殲聚滋蔓流劫郡縣且貪慾飲宴濫賞妄費事多違法又副使范鏞僉事葉淇督調軍馬不能防禦互相隱匿武靖州知岑鐸無控馭之功太平府知府郭本有貪淫之行皆當究治事下兵部奏差禮科給事中張謙刑部郎中蔡麟往按以其詞虛實各半覆請上免雍罪命致仕鏞淇俱省之本坐除名雍在兩廣威令素行沁不得恣其欲布政使何宜迂而固按察副使張敬貪而暴不為雍所禮乃與沁媒孽其短播擻其事攻訐之及差官往覈適委宜敬行勘竟醞釀以成其罪蓋雍未

督軍之前賊勢不獨毒嶺南且越江西湖南界雍至賊勢大變雖不盡過絕之然功多于罪至是為內侍所奏黜公論為之不平而兩廣人至今思之不置○免淮安鳳陽府及徐州所屬去年夏稅六萬三千石有奇絲二萬一千三百餘兩以水旱災也○工部奏崇王府弟已奏准因秀懷王舊府在河南汝寧府者增修之近遣內官監右監丞高遠工部員外郎陳舒會勘以為制度狹小已奉旨更造但王之園有暮欲於附近軍衛有司多起夫匠晝夜併工奏上 上命別遣官一員馳駟以往督工修完不許遲誤於是特勅郎中項文泰便宜行事仍戒毋得似前苟簡遷就○丁亥崇王見澤將之國詣 長陵 獻陵 景陵 裕陵辭○賜方山王鍾鎰鎮國將軍鍾鏘奇瀕奇澹奇浥輔國將軍奇浹命冠服○陞中都留守司署副留守李謙署正

留守○鎮守松潘等處右叅將都指揮僉事老或等奏西坡雙
橋麥兒寨番賊劫虜防護糧運官軍今年正月別智寨番復乘
夜攻燬金瓶堡門守僅指揮葛晟率軍敗之恐其失利潛謀報
復已調四川官軍三千併力撫捕事下兵部言宜令或及整飭
兵備按察司副使沈琮設策撫治如彼不服方許調兵從之○
戊子賜澂城王仕棟弟鎮國將軍仕均第四子名成鋤第五子
名成錨第六子名成銜○晉王鍾鉉因本府內官趙顯與妖言
人李鐸交結為非被獲王懼罪乃自陳鈴束不嚴上致書諭
之曰得奏具悉王自今宜戒約下人務令謹守法度不許仍蹈
趙顯等所為其管屯管店人等亦須以理處之勿因小利致貽
後悔○都察院奏凡御史以巡按回京者舊例而行使知警飭
從之仍戒其嚴考母或徇徇○己丑監察御史王濬巡按直隸

永平等府為撫寧衛軍丁奏其違法坐罪例納贖還職詔免贖
降二級調外任為直隸汪縣縣丞○河南都指揮同知魯俊大
寧都指揮僉事張英總領官軍赴京操備多不至營以失於嚴
督坐罪俱贖杖還職○庚寅詔有司建崇府社稷山川等壇及
備禮樂器服如制○命文武百官詣崇府辭○潞城王仕堞以
其子成錫及庶子成鏊成銘成鏞成鉦已封為輔國將軍女定
昌郡君奏請進封命封成錫等皆為鎮國將軍女為縣主○勅
忠義後衛帶俸都指揮僉事房春守備黃花鎮○命卜篋土爾
干溝正宗寺私修妙悟國師剝失巴捨刺姪番僧綽竹藏卜襲
其伯父原職○辛卯崇王之國陞辭儀如帝○陞巡撫湖廣都
察院右僉都御史吳琛為右副都御史時琛任僉都御史已十
餘年嘗以軍功陞三品俸至是鎮守總兵官會同三司等官奏

請旌擢故有是命○壬辰追封故豐城侯李賢為豐國公謚忠
憲賜誥命從其子豐城侯勇請也○開設河南考城縣僧會司
○巡撫四川右副都御史夏瑄劾州江油縣蠻賊殺掠居民六
十餘人守備龍州都指揮僉事唐開率兵禦之雖嘗斬首一級
追獲被虜十四人而百戶湯俊等二人戰沒 上曰聞不得無
罪兵部其行巡按御史勘實究治之○癸巳大理寺卿宋旻火
卿田景賜寺丞劉慶寺副張洽等以囚數差錯請罪 上責旻
等不謹姑宥之仍停俸三月洽等下都察院治罪刑科復叅究
寺正劉瀚等俱僉書官亦當究治及旻等請罪疏妄用印信俱
再陳請仍宥之○吏部左侍郎葉盛卒盛字與中直隸崑山縣
人正統乙丑進士授兵科給事中進都給事申巳巳之變朝廷
多事言路大開六科聯署建請多盛與林聰為之倡一時名稱

俞燕京奉壬申陞山西右叅政督糧宣府尋命協贊獨石等處軍務請復棄城闕草萊葺廬舍積糧芻撫士卒立社學醫學置義塚煖鋪又請出內帑銀買牛種教民耕種多所收獲以父喪去位天順改元 英宗召至京面加獎諭擢都察院右僉都御史巡撫兩廣請終制不許適朝命大將顏彪專征威叅贊其軍務成化初遷左僉都御史巡撫宣府墾田益廣以所積餘糧鬻戰馬千八百匹修七堡七百餘所召入為禮部右侍郎改吏部虜寇延慶命往議戰守方畧以歸遷左侍郎卒年五十五命官祭葬如例特賜謚文莊盛清修好學攻詩能文留心世務其在宣府多所建置事皆經久可行邊人至今思之但在兩廣不能取下以致官軍馘平人以為功又以峒蠻出沒不常有古無善處之術每禁有司不許擅申盜賊必俟年終彙奏識者頗非議

之然其功業所就亦一代偉人云。甲午勅巡撫湖廣右副都御史吳琮總督兩廣軍務兼理巡撫。養病都察院右副都御史秦欽乞以其子珍為國子監生許之。巡視江西戶部左侍郎原傑奏餘干奉新等縣盜起聚衆劫掠為患分巡分守三司等官及都指揮僉事賈瀾等不能備禦當治其罪其掌印右布政使項璉按察使余複隱匿不奏亦當究治命如所奏掌印官宥之。乙未南京守備太監安寧奏成化九年十月以來天暖無冰恐誤祭祀進鮮之用禮部請移文所在有司將舊積之冰搏節供應毋得妄費誤事從之。丁酉清明節遣駙馬都尉蔡震游泰分祭。長陵。獻陵。景陵。裕陵文武衙門各分官陪祭。遣內官祭。恭讓章皇后陵寢。工料給事中韓文自慶陽還奏命辨驗祀功郎中張謹所劾總兵官劉聚奏報首功

之數其間斬獲賊首纔十九級其餘疑似難辨者十九級幼男
女婦者一百一十五級皆為雷所係累出境凍餒棄餘之人惟
副總兵馬儀恭將岳嵩等所報不妄餘若總兵官劉聚范瑾遊
擊將軍祝維祺都督周賢指揮劉琮都御史馬文升等所報
多虛少實唯等有全虛者竊見此舉秉機妄殺賢冒功賞行道
間之痛心流涕誠有如張謹所言劉聚馬文升敢相朋比互造
其于劉祥馬瑋奏提布寵左都御史王越職居總制幸勝邀功
左副都御史余于俊輩出逸聞附衆罔上後知事覺奏飾其非
以張謹參奏之數不同亦當有罪 上可其奏曰此曹濫殺妄
報功次本宜重罪但今虜賊既遁不為無功總兵恭將巡撫等
官姑宥其罪報功得實者許如例陞賞疑似難辨者不准亦不
問殺幼男女婦者免違問俱調發遼遠立功哨瞭五年內馬文

介祀雄維謙劉琮部下所報全虛范瑾部下虛多者仍俱停俸
半年文升琮停俸三月張謹不必問○增設湖廣監利縣瓦子
巡檢司○戊戌降監察御史張璠為直隸古北口驛丞璠為寧
晉伯劉聚所奏逮至京坐笞辱軍職有違憲綱獄具而聚有與
援竟不置對云○修真武廟工先內官監太監宿政奏先時公
差御史給事中鄧永衡等官常於廟前廟內集眾理事誠為褻
瀆寺下禮部乞命都察院揭榜禁約仍如例禁軍民婦女入廟
攪擾從之○己亥勅巡撫浙江右副都御史劉敷巡撫湖廣○
命萬全都司帶俸都指揮僉事李英守備獨石王祥守備萬全
右衛從宣府鎮守巡撫等官推舉也○廣東都指揮僉事姚英
奏徭賊劫掠隴水縣居民指揮夏成率軍禦之眾寡不敵於大
塘村戰沒事下兵部請令平鄉伯陳政等速加勦滅從之○庚

子初大應法王剎寶巴死有旨如大慈法王例葬之中官遂請
造寺建塔工部言大慈法王惟建塔未嘗造寺况今歲歛民貧
寺費難給宜惟建塔 上是其言命撥官軍四千供役○辛丑
兵科給事中郭銓等奏總兵官寧晉伯劉聚總督軍務左都御
史王越及總兵官范瑾遊擊將軍祝雄緹領軍都督周賢叅
將趙順都御史馬文升余子俊都指揮劉琮等怠於敵愾急於
貪功既無保障之仁反施屠戮之慘寃聲動地戾氣干和萬姓
傷心四夷傳笑郎中張謹劾奏於前給事中韓文覈實於後情
狀彰明神人共憤雖 皇上天地優涵曲從寬宥但憲典具存
理無幸免乞大奮乾剛重加黜罰以為邊臣安救邀功之戒
上曰爾等所言良是但其事已裁處不必問所司仍移文戒飭
之○癸卯復除廣東按察司僉事袁鎬于山東山西僉事馮昱

于河南江西僉事申安于原任○趙王見濟奏祖簡王舊賜祿米三萬石今臣襲封止給三分之一請如武臣世襲例增撥原數戶部議奏 祖訓親王祿未例止萬石其後有增給者乃出一時特恩未敢定擬 上曰 祖訓既有定制難輒改變其勿許○詔給承運庫各匠鋪戶月糧二斗從太監林繡請也○甲辰命太監覃勤同傅恭總督五軍營操練○命限建州等衛夷人入貢名數建州衛都指揮字哈答等乞增入貢人數事下禮部議以咸化六年以前各衛入貢者歲不過八九百人至八年以後增至千二百餘矣乞照先年議定之數驗放入貢從之○都督問知李文右通政劉文奏比赤斤蒙古等衛都督僉事見藏等言土魯番連攏阿力遣其黨三人以書招降之不從因縛其人并書以聞乞降勅獎賚之以勵忠誠會見藏等亦上書言

速檀阿力累見招誘已殺其使者誓以不從比蒙遣使賜養諭以發兵攻討但恐孤弱不克乞調漢兵數千為助不然恐其勢益橫沅漸及甘肅事下兵部議赤斤罕東諸夷能去逆効順謹守臣郎宜降勅給賞俟成功之日與以官職乞兵為助事難遙制仍令文等與甘肅鎮守總兵等官顏義董調以往從之○乙巳巡視江西戶部左侍郎原傑奏罷老疾罷輒貪婪官布政司經歷趙麟等三十二員○以水火免潼關寧山衛并蒲州守禦千戶所去年子粒二萬三千四百餘石○陞 皇陵衛指揮僉事趙忠為中都留守司署副留守○巡撫延綏左副都御史余子俊等奏左叅將署都指揮僉事岳嵩右叅將都督僉事神英生長邊方周知地利材無謀勇視衆偽優嵩尤讀書識理莫亦騎射精能遇敵無懼石城殺賊名以著稱二人俱堪備大將之

選事下兵部言萬承錢亮喪敗之餘區畫有方虜不敢犯英亦
累著功績竇如子俊所舉但今俱充遣將未考輕動宜俟遣方
用人之際用之詔可○丁未投行人徐舟揚徽知縣陳璉戴中
為監察御史以理刑半年都察院考稱也舟雲南道徽陝西道
璉山西道○免南京旗手等衛成化九年分子粒三萬二千七
百餘石以水災故也○戊申命致仕南昌府知府王詔復任詔
六年考滿詣京以疾久不選任巡視侍郎原傑奏罷之詔自陳
疾愈累疏稱屈 上命吏部辨理竟得復任既而六科給事中
劾詔久病曠職且平日妨政病民宜在所黜今乃夤緣復任物
議紛然乞移文巡按及布按二司勘之 上曰原傑黜王詔
但以其疾未瘳今吏部已驗平復故俾就任爾輩不顧是非輒
妄言煽擾本宜違門姑宥之舊例內外官被考數去任無復用

者而詔以納賂太監輩獨得復任然終不合公論未幾亦罷去。移置福建福寧縣松山巡檢司於福安縣改為白石巡檢司。己酉命故武進伯朱雲孫襲爵歲給祿米八百石米鈔中半兼夫以雲無後故也。四川大風雨震雷。庚戌。韓王偕滿生母郭氏為韓忠王次妃。禮科給事中王坦言釋氏之教本無益於人之家國今大應法王劉寄己以夷狄之人假釋氏之名徒以惑人亦非真有得於釋氏者也。陛下待以殊禮封以鉤號特假此以撫其種鞠使不為違志爾非以其有道德而尊崇之也。生既無補其死也如例祭葬亦云足矣而所司祭祀之品乃逾於王者造塔之費將幾於山陵而親王之寃大臣之卒顧不及焉矧分畿甸饑饉連年餓殍盈途使以齋祭造塔之費拯流離膏死之民豈不愈於厚一荒誕之胡僧哉乞勅

訣部於劄實巴之莽量加掩埋不必大興土木之工實軍民之本也。上曰大應法王造塔比之大慈法王工料已減三之二所費不多此給事中濫言不准。○旌表孝子楊昇等三人郎婦劉氏等二人烈女郭妙裁并直隸武平衛舍人父卒負土成墳廬其側會山水暴漲至其廬而止秦永孚與弟仲孚直隸無錫縣民父病心痛醫言得免血可療二子刺曾血代之父服而愈俱表其門曰孝行劉氏直隸臨城縣民陳厥妻徐氏浙江鄞縣民錢景妻皆夫亡守節無玷表其門曰貞節妙裁河南南陽衛軍郭俊女聘為李澤妻未嫁澤亡妙裁自縊死表其門曰貞烈。辛亥封趙王見濟生母張氏為趙悼王次妃。命前軍都督僉事張榮子英代父原職為羽林前衛指揮使。○壬子封懷仁王遜靖子鎮國將軍仕塔生母紀氏為夫人從王奏請也。○以

水災免直隸壽泗和三州霍丘等八縣成化九年秋糧三萬七千三百五十餘石鳳陽留守左等七衛并洪塘湖千戶子粒七千五百餘石○癸丑總督軍務左都御史王越以疾乞回京不允令回陝西調治○甲寅免湖廣武昌漢陽黃州常德辰州衡州長沙七府成化九年秋糧五十三萬五百餘石武昌衡州常德靖州沅州五開茶陵黃州長沙銅鼓辰州十一衛子粒二萬九千六百餘石以旱災故也

大明憲宗純皇帝實錄卷之一百二十七

成化十年夏四月乙卯朔享太廟○遣內官祭司竈之神○
巡撫順天等府左僉都御史張綱奏罷老疾罷輒不謹官文安
縣知縣旦方等二十六員○丙辰琉球國王尚圓遣使臣
沈滿志等奉朝貢馬及方物賜宴并綵段等物有差仍以鈔絹
酬其自貢物直滿志等乞如舊制折給銅錢不許○命山東都
指揮僉事趙敬暫守備德州以巡撫左僉都御史牟倅言德州
為京師喉襟重地恐飢荒盜起故也○戊午浙江布政司間住
左叅議甯珍奏乞復任許之珍為巡撫都御史劉敷所黜其疏
稱枉且以政績自陳下吏部議以珍歷任六年政績未著黜之
為宜詔從珍所陳且命復任待九年通考議其黜陟○增置河
南延津洧川鄆陵太康西華鹿邑新鄭七縣縣丞各一員原武

永城臨潁鄆城四縣縣丞主簿各一員以編戶漸增故也○秦
王公錫頃選調西安右護衛餘丁一千人往延綏後賊遂為
例令輪番操備况正軍復調守寧夏畏避差役多致逃亡今虜
寇已遁乞放免所選餘丁休息從之○已未通渭王微錶奏臣
先為鎮國將軍給祿米一千石內支本色五百石今臣襲父王
爵成祿一千石內例得支本色六百石而所支本色仍如為鎮
國將軍時乞量加以贍食用戶部覆奏命增本色五十石○守
備偏頭關都指揮使戴廣奏比者虜賊擁眾居河東豐州東勝
之地逼逼我邊時遣輕騎折墻焚柝宜加嚴備但守關官軍不
滿五千調遣逃亡之餘止存一千六百戰守不給乞預調鎮西
振武寧化保德等處冬季守關軍士協同及遊擊將軍索剛遊
兵三千分守迤東四堡要害之處從之○庚申命岷王音溼歲

祿折鈔者改給以米玉在 仁廟初全支本色米一千石正統
中屢奏日用不給又加以本色米二百石折鈔三百石後因王
請欲如各親王例支米萬石不從又於折鈔三百石內改給實
米百石而折鈔者僅有二百石茲復有請乃許之○靈丘王遜
烜奏嫡長子仕塲有祿米聞絳州絕戶民田四百四十七頃乞
與管種休例納糧戶部勘覆請量為賜給俟仕塲支祿時就以
其地所出之租准作本色祿米正數從之○壬戌給韓府故輔
國將軍徵鐸夫人范氏及生母丘氏等食米一百石以樂平王
冲貸奏徵鐸無子宮眷無以養贍故也○巡撫河南右副都御
史楊璿奏盜入裕州劫掠印信糧銀戩傷兵隸尋捕得四十餘
人特南陽府城亦有揭匿名文書言欲功劫唐王府謀作亂者
已遣三司官嚴捕未獲事下兵部請勅責璿及三司等官不能

彌盜安民之罪并令分廵分守等官俱革去冠帶停俸追捕從之。癸亥南京禮部左侍郎章綸以疾乞致仕。上以綸年未老不允。陝西都指揮使田廣坐奪部下所獲首級冒功贖還職。寧晉伯劉聚卒聚且隸清豐縣人太監水誠之姪從誠出征得錦水千戶歷官至都督克副總兵征河套進寧晉伯後虜合衆大入寇伏武靖侯趙輔克總兵官克捷得世襲至是卒謚威勇祭葬如例子祿嗣其爵聚雖以勢家子冒報功籍得陞伯爵然亦屢經戰陣黃草梁之戰嘗為虜所阨勢危其賴家僮及麾下數十人極力捍衛得脫于難云。甲子命太常寺少卿孫廣安復任以丁憂服闋也。南京協同守備定西侯蔣琬奏比奉命總督操江所統官軍永樂間初置八千宣德間增至一萬二千調巡亡之餘止遺六千九百天順初復調建陽衛官

軍五百鎮江衛官軍七百輪番操習今俱散逸乞令所司追捕
舊額鎮江軍士素習水戰乞仍與建陽軍士調用從之○刑部
尚書王堅上處置條例十事一在京軍民人等有告官吏者及
具奏提問或彼此逃匿胎累證左久不得釋宜令原告逃者被
告免提已提亦令復還職役惟提原告治罪若被告逃者即係
告實亦令原告復還職役惟擒被告治罪一本部見問軍職多
因告爭俸糧財產等事其有服之親因兵部奏有敗倫傷化革
職事例欲謀官職往往誣奏毆罵等情及收鞫對多有柔弱及
畏懼逼迫不得已而招承者遂致革職受屈無辜宜令伯叔父
母兄弟及伯叔祖同堂伯叔父母兄弟奏告弟姪人等毆罵者
俱照義父母繼母嫁母告子不孝事例以衆證為實依律問斷
若有誣枉即與辯理一本部罪囚納紙已有定例近例該操官

軍旗校人等多以在逃罰紙各因貧窘久不完納或行原籍追理甚為擾害宜照逃軍逃民事例免納一在逃該操軍官舊例本部門擬贖杖還職補操近例有以犯三次者發邊方立功五年回衛差操且軍職犯法問擬斬絞罪者尚得援例立功五年今逃官亦與同罪似為太重宜令逃三次者俱發邊方立功一年回衛差操一子孫毆罵祖父母及妻妻毆罵夫之祖父母父母坐斬絞罪後祖父母父母或告息詞奏蒙決杖發回養親不孝之徒恃此以免滅倫敗俗莫此為甚宜令初犯許准息詞再犯雖有息詞不與奏請其中若有執私故害者不拘數次亦與辦理一在京軍官多因乏用借貸于人約以俸米銀絹償之至闕領之際以所負太多避匿不出及債主自領反誣以盜闖之罪輒坐常人盜倉庫錢糧贖杖立功甚爭伴意宜止問杖罪一

軍職有犯監守自盜常人盜倉庫錢糧受財枉法不滿貫與求索科斂誑騙等項除杖罪以下照休常例還職管事外其犯徒罪但係杖六十徒一年以上俱照運執等例完日還職帶俸差操及舊例軍職犯贓問該徒流罪者俱照常例發落復職管事今以近例致將受銀不及一兩鈔不至百貫錢不滿千文者俱令帶俸差操未免輕重失倫宜令犯前項重罪計贓滿貫問該流罪減等至杖一百徒三年者照舊運執等項完日還職帶俸差操不許管軍管事其餘減等徒罪俱依常例發落原係管事者或係帶俸者照舊行之一文職官吏有為事問發為民者或已結未結往往赴京奏辯或令家人抱訖先例俱行原問衙門或調別衙門鞫理近例但有問過招由在卷及不覘齋奏疏者俱置不問以致累訖不已或有冤枉不申宜依先例仍與辯理

如果無完發原籍為民若再奏投從重處治一三犯竊盜并強盜人命等罪囚有累訖冤枉及情可矜疑或蒙饒免編充陝西榆林等衛軍本處為無閑隘多逃回為盜及獲止問徒杖的決迎發本處巡哨著役隨發隨逃有至五六次者自後宜各杖一百調發極邊衛分守整哨瞭若犯竊盜拘摸人命等項充軍逃回者亦杖一百調發遠東邊衛徒罪照徒年限守哨杖罪著役其各邊無閑隘處但係問發充軍逃回者俱照此例一軍職奸宿軍妻樂婦例革職并調外衛其中有指奸者依律勿論擬坐贖杖完日送兵部收查發落緣有通奸招杖多革職為民切詳律內非奸所捕獲及指奸勿論雖奸婦亦不去衣受刑似此問斷有爭律意自後指奸及非所捕獲止坐不應杖罪者仍擬還職為是奏上從之○乙丑調山東樂陵縣知縣方愷于章丘縣巡

撫都御史牟俸言章丘事繁知縣李璣材宜治簡故請易置之
○命唐王瓊燂嫡次子舞陽王芝址代王理府事先是王奏世
子芝壩早喪臣今六十三歲倦於治事欲乞改封舞陽王為世
子事下禮部言無例故有是命○丙寅以去年旱災免山西太
原平陽二府無徵秋糧八十二萬五百七十七石馬草一百六
十四萬一千六百三十八束○增雲南鄉試舉人五名先是總
兵官黔國公沐琮等奏雲南貴州雖在邊鄙久沾 聖化人才
漸盛往往與中州之士聯中甲科故事鄉試止取四十名雲南
二十四名貴州十六名人才淹滯教官亦難遷轉乞量增額教
故有是命○己巳直隸東光縣民劉通等四人以妖言謀反誅
命都察院書其罪狀榜禁天下○庚午 仁祖淳皇帝忌辰
先先殿行祭禮○南京六科給事中言南京去蒼燠而無水今

春寒而多雨乃正月震雷二月連大雨雪凡有知識莫不憂驚其為大臣於此者尤當檢身修首自訟其所以致災之由顧乃恬不為恠而欲消伏變莫不亦難哉事下禮部覆奏宜勅南京內外重臣恪遵戒憲痛加修省從之○烏思藏如來大寶法王葛哩麻已奏成化五年遣人朝貢蒙回賜綵段表裏等物過厚欲遣其使進貢謝恩禮部議擬取旨詔許遣四五人來京○賞都督僉事吳英等并定州衛都指揮吳政等官軍一百五十九人綵段表裏絹布有差以征進兩廣功也○南京協同守備定西侯蔣琬以災異上章乞辭解機務且言血氣尚壯願領邊寄逐胡虜以自効 上批荅曰覽奏知卿有志事功但今守備事重宜勉修職任不允所辭○南京守備成國公朱儀奏去歲南畿之地災吳壘見威召之故非所敢知但職者守備責在兵戎

養士蓄兵本圖捍衛今京城工役繁興營伍軍士暮穉春鍾朝
負戈矛奔走疲勞衆皆嗟恚凡不急之務乞暫停止常操軍士
視京營事例分班更代并乞簡命練達大臣代守備容臣回京
以奉朝請 上批荅曰朕知卿堪膺重寄所辭不允宜勉盡勤
誠以副委託工役操練之事所司審處以聞於是兵部尚書白
圭以儀言誠切宜令守備衆贊等官會工部減免工役以蘇兵
力仗得專事操練其輪番之例太監單包已嘗奏乞一歲止操
五月隆寒盛暑俱得休息若京營官軍雖寒暑之際亦令十日
一操惟十二營軍馬以數多許得輪操事體少異取旨裁決復
命南京守備內外官定議以聞○壬申調南京禮部主事林孟
和為陝西慶陽府通判先是孟和言本部右侍郎倪謙奏為兩
京科道所論及觀其列任以來敗法徇情市恩釣譽臣堅以理

法執請讓姑為信從跡其所行誠有如前所言者矧臣立已未
因而為讜屬吏朝夕相接恐久而與之俱化伏望調臣別用或
罷歸田里脫窳荒域使再居前職實非臣所願也詔林孟和以
屬官不知大體披拾虛辭毀辱大臣可調邊方○給安塞宣靖
王妾王氏食米歲五十石以王薨之嗣宮眷無所養贍故也宋
致仕都察院左副都御史宋傑卒傑且隸定興縣人登進士授
兵科給事中陞光祿寺少卿進陝西布政使擢左副都御史叅
贊甘肅軍務天順元年左遷山東右叅政改湖廣尋陞右布政
使成化初仍左副都御史巡撫蘇松等府未幾致仕至是卒訃
聞賜祭葬如例傑性和易質實而量有容景泰中御史多暴橫
傑在甘肅有巡按者見之不下轎傑畧不介意在浙西行其無
事人以鎮靜稱之蓋平生履歷雖無能名亦無怨聲不失為君

子云○癸酉復除起復知州周正于滁州正先知滁州巡按御史屢上其蘆能之狀既而以憂去至是服除適滁守缺州人咸欲請正復任巡撫都御史張鵬以聞從之○巡按廣東監察御史魏富奏去冬龍水強寇殺傷指揮夏歲并旗軍六人其分守叅將都指揮同知楊廣分巡按察僉事陶魯等守備失機罪宜建問事下兵部言近都指揮姚英奏稱夏歲遇害時因衆寡不敵而富亦嘗奏揚廣等追捕斬獲有功可以掩過宜從輕典乞俱停俸半年使立功贖罪從之○乙亥陞監察御史羅明為陝西按察司副使分守漢中撫治流民○巡撫山東左僉都御史牟倬奏山東連年災傷而臨清德州寄收糧米見有四十餘萬石及河南該運薊州倉糧正耗米共十一萬七千三百石折銀五錢共該銀五萬八千六百兩乞借臨清德州二倉米二十

萬及存留荊州折價以濟民飢事下戶部覆奏止於臨清德州
二今借撥六萬石住麥熟住支從之○兵部奏南直隸并山東
等處京操軍士輪番休息俱緣火傷稽延過限累督不赴者一
萬有奇其領操領隊官旗及蜀衛掌印軍政等官容匿不遣俱
宜逮問命姑宥之其掌印軍政等官仍停俸三月○丙子 仁
祖淳皇后忌辰 奉先殿行祭禮○巡視江西戶部左侍郎原
傑復奏罷老疾罷輒不謹官南安府推官陳鑑等二十四員○
宜春王艷鐫奏王府嫡長子孫例無祿食今臣子孫俱長祿不
足給乞於歲祿折色米內量撥實米以分給之命增給本色米
百石○丁丑陞陝西同官縣知縣傅鼎為秦州試知州巡撫都
御史馬文升言秦州地僻番漢雜處獷悍難治龜先任御史廉
慎有才力寔優為之故有是命○免鳳陽淮安揚州廬州四府

所屬州縣及兩淮運司安豐等場邳壽盧揚四衛秋糧子粒米
豆共一十九萬五千一百六十餘石馬草三十萬五千四百四
十餘包以去秋水災也○命建中兵馬司指揮并廵城御史錦
永衛官校于獄令法司議罪以聞以街渠汙穢壅塞為工部劾
奏也○戊寅趙府襄邑王見瀚堯王恭定王長子也母妃高氏
天順戊寅生成化戊子冊封為襄邑王至是堯年十有七計聞
輟朝一日賜祭葬如制謚曰懷簡○駙馬都尉馬誠乞祿其尤
誥為國子監生有旨許之不為例都給事中霍貴等言國學乃
首善之地教化之原惟科貢之士及大臣子弟得肄業其中馬
誥身非科貢又非大臣而馬誠為之乞恩入監自 祖宗以來
未聞弟為駙馬而兄得錄用者也誠之狎恩竊政誥之寅緣求
進俱當論罪詔以既准其入監已之○巡撫陝西左副都御史

馬文升等奏岷州番賊入境劫掠人畜分巡千戶包景禦之被害整飭兵備副使吳玘并分巡官屬俱宜建問事下兵部請行文升等速加撫治玘所轄洮河等處境土廣遠難遽建問分巡官屬亦宜俟事寧之日稽其無功者罪之詔可○已卯賜百官扇○陞錦木衛帶俸指揮使李俊為署都指揮僉事勅令分守涼州以鎮守巡撫等官舉其生長邊方熟知地里故也○兵部奏真定府棗強縣境內羣盜肆行劫掠毀民居四十餘家并射傷民快其勢日橫畿甸內地所宜防戢乞勅守備德州都指揮僉事趙敬暫往來真定河間等處提督追捕從之○庚辰命英國公張懋掌中軍都督府事○陞尚寶司少卿薛胤為本司卿故事尚寶司丞九年秩滿有陞卿者有陞少卿者胤刑部尚書希璉之子先以蔭補中書舍人歷司丞陞少卿已歷俸八月乃

援陞御之例以請因而命之○命安遠倭擢景管將軍帶刀宿衛○辛巳改陝西文縣千戶所儒學為本縣儒學設縣儒學并設二縣陰陽醫學僧道會司二縣俱以千戶所改設故也○詔以樂安王奠壘祿米折色內改給實米一百石以王奏妃女三喪不舉故也○命寧陽倭陳瑛歲分祿米一百石以養其庶長姪輔瑛父懋卒無嫡子而庶長子晟有過法不得襲廷議以瑛借襲減祿之半至是晟生子輔已四歲以還爵并優養為請故命瑛給之○朔聖夫人劉氏卒賜欵一萬貫并賜祭葬○右副都御史楊璿卒璿字叔璣直隸無錫縣人正統己未進士授戶部主事遷郎中山西右叅政陝西右布政使河南左右布政使母喪服闋進戶部右侍郎尋改右副都御史撫治荆襄流民巡北直隸節制永平山海居庸等邊闕巡撫河南卒于官賜葬祭璿

道敏有操執與人不苟合家素豐裕而自奉甚儉約治官如治家惟其是不擇利害為趨舍其在山西定民差役在荆襄區處流民在京畿賑濟飢民事皆得宜而無弊既沒餘十年士夫談者猶嗟悼云○壬午遣魏國公徐備富陽伯李興安鄉伯振寧東寧伯焦俊為正使中書舍人蹇霖吏部員外郎國泰禮部郎中李溫工部郎中顧瑾為副使持節冊封代王庶長子聰洙為武邑王鄭王第三子見蒞為盟津王第四子見漬為東垣王都指揮僉事廖斌女為秦府鎮安王妃南城兵馬副指揮劉傑女為趙府襄邑王妃西城兵馬副指揮史文秦女為代府寧津王妃西城兵馬副指揮蘇寧女為棗嶺王妃西城兵馬副指揮李昶女為饒陽王妃○雲南鶴慶軍民府地震○癸未賜弘慈廣智灌頂大國師領占竹金印○甲申南京都察院右副都御史

胡拱辰奏乞致仕詔勉修職務以副委任所辭不允○戶部議覆巡視江西左侍郎原傑所陳二事一戶口食鹽往歲錢鈔魚收每錢二文折鈔一貫近以詔例止徵鈔鈔價騰踊民甚苦之宜如傑言照舊錢鈔無收錢非鉛錫新鑄破碎鈔非偽造者即與收受一贛州府所屬諸縣地不產絹宜如傑言每絹一疋折收銀一兩解送太倉收用自後絹少仍令納絹從之○免陝西入伍土兵四千八百六十餘人稅糧戶二十石以下者全免以上者免其半丁差亦量減免以助供給每兵無事時月支糧米三斗有警添支布花三年以後量給邊境空地召軍民舍餘承種三年軍納子粒餘照民田輕例起科以充邊用從巡撫左副都御史馬文升請也○勅封秦王公錫繼娶嵇氏為妃時例宗室有請封繼妃無後者方許王已有子誠泳而為嵇氏請封不

已甚至有所貢獻禮部不得已覆奏但賜勅授以繼妃之名不
遣官冊封既而王又進金百兩乞為冊以授 上納金而寢之

大明憲宗純皇帝實錄卷之一百二十七終

憲宗純皇帝實錄卷之一百二十八

成化十年五月乙酉朔進封寧晉伯劉聚為寧晉侯聚卒未受誥券其子祿請進封謚號吏部言諸司職掌未有伯進封侯例詔特賜勲號并謚至是祿回請進封吏部言文武大臣歿後贈謚朝廷視其人生前之賢否勲勞或與或不與或有贈無謚或有謚無贈所以激勸將來示至公于天下也今聚已蒙賜勲號并謚而祿又乞進封未敢定擬命特與之○丙戌命給宣府選操屯軍月糧人五斗○監察御史聶友良奏陝西河南山西先因北虜犯邊供餽不繼建議者請有司官考滿免赴京令於延綏一帶依官品納草此一特濟邊之務而非經久之計也且各官俸祿不過養贍家口而已非大肆貪墨固無餘積今一驟納草使廉者無資以從例而貪者乘機以害民况西陲額寧糧儲

稍省乞勅令停止下吏部覆奏從之○夜四方流星大如盞青
白色光燭地自北河西北行至近濁○丁亥陞刑部郎中劉恕
爲廣東布政司右叅議○命保安王公鍊歲祿折色內改給寶
米一百石○命河東巡鹽御史王臣再巡一年先是山西陝西
軍民奏河東運司私鹽橫行官鹽不售近御史王臣設法嚴禁
凡興販盜賣及倭官受賂容放者視罪輕重繩以徒配用是私
鹽盡革商利倍增且於鹽池四周築垣濬壕人盜仰賴今當代
去乞再留一年以終其惠戶部覆奏從之○戶部議覆河東巡
鹽御史王臣所奏事宜一榆林城開中淮浙河東鹽客商以糧
草價貴俱不肯中緣各邊開中河東鹽每引價銀伍分而所定
糧草價亦畧等今河東支出官鹽每引就本城發賣價亦幾至
二錢視開中之價不啻三倍宜備查各邊除報納已完外其未

完者即行運司變賣候積銀至數萬兩申達本部以給邊備如中已盡絕暫特見在者文選客商餘者自成化十年以前盡行變賣運送十年以後添價中納如商至者少仍前發賣一鹽池長樂聖惠鎮三巡檢司巡捕弓兵各該州縣不時僉點以致頑民劫掠拒捕傷人宜添撥弓兵簡其精壯可用者且聖惠鎮一司設於運司城內宜移置近池地以便巡捕一河南南陽汝寧二府例食淮鹽而到者絕少宜暫准河東鹽越界與淮鹽兼賣待後淮鹽日多仍舊禁止其二府關中則別立斗數於運司發賣一河東鹽丁近多逃絕蓋因有司不免差徭所致宜如淮浙竈丁例除正役里甲該納糧草外其餘雜泛差徭丁少者盡行蠲免丁多者量為減除一河東鹽戶先年戶部行令各該州縣歲造丁田文冊解送運司查有事故就令僉補近州縣不行造

報運司止據見報丁口致多隱漏宜移文山西布政司轉行州縣查有前例即行造報彙補一河東運司原降分司印二顆委同知副使判官輪掌分巡一年一代後因分司衙門未立巡捕不常致多盜竊宜將近池官地造分司二所分官巡捕疏入詔悉從之○戊子命秦府庶人尚炆等男婦四十五口月糧厨料每口通折米二石五斗五升按月文給從巡撫左副都御史馬文升奏也○巡撫四川右副都御史夏垣等陳言二事一鎮守松潘叅將光彧等奏請增兵三千臣等議其不可者有三四川衛所之兵僅足以備各邊番更今欲增兵三千則番更無兵矣州縣之民久勞各邊飛輓今欲增三千人糧則飛輓病民矣此其不可一也况番夷所畏者惟土兵知容兵難以久留且不識其地之險易雖多不畏其不可二也松茂兵舊額一萬八千五

百有奇使整飭有方足可禦賊今不務此而欲增兵適足以爲將令費故之資此其不可三也今宜勅以見兵訓練毋役私門擊賊有功則必賞縱賊貽患則必罰若果番戎大肆本兵難禦方許奏請增兵則邊將致力而番戎畏威矣一四川軍職玩法抵罪多仁命者若循例奏請動經歲月必得先逮繫之而後問奏則姦宄知戒矣 上命所司知之○都察院右副都御史雷復卒復字景暢湖廣寧遠縣人正統丙辰進士改庶吉士授行人擢監察御史歷陞廣西按察副使浙江叅政山東布政使召拜禮部右侍郎改右副都御史巡撫山西邊關卒于官賜祭葬如例復清雅端謹歷任中外所至守法度循矩矱無非分之爲侍朝未久以短于數奏出外然在邊行事多得宜人至今思之○己丑端午節賜百官宴于午門○實授鎮守密雲古北口署

都指揮僉事王榮都指揮僉事指揮僉事宗玉等四員俱陞署
職一級以盈勝川斬獲虜賊功也○庚寅以征兩廣功賞保定
左等衛官軍并達官指揮柴茂等四百三十五員名共絹一百
二十八疋布七百八十九疋○辛卯命山西署都指揮僉事鄧
亨守備寧武關○壬辰徙福建漳州府龍巖縣江東驛於縣境
之上坪公館汀州府清流縣玉華驛於上杭縣藍屋鋪泉州府
同安縣筭溪巡檢司於縣境之上龍○甲午 太祖高皇帝忌
辰 奉先殿行祭禮酌馬都御趙輝承命祭 孝陵○開設浙
江湯溪縣陰陽學醫學僧道會司○乙未以湖廣襄陽縣閒田
三十頃給襄府先是襄王瞻塔襄陽縣有閒田一百六十二頃
蓋都御史項忠發遣流民所餘者乞與第三子襄陽王祁鉅耕
種下戶部議以爲便詔止給三十頃免其糧稅餘皆仍給小民

○丙午 仁宗昭皇帝忌辰 奉先殿行祭禮遣駙馬都尉楊偉祭 獻陵○丁酉免山西太原左右前平陽潞州鎮西振武瀋陽中護衛凡八衛寧化汾州沁州保德平定五千戶所子粒四萬二百八十六石澤潞遼沁汾五州秋糧三十二萬六百五十六石馬草六十四萬四千四百二十餘束應天太平寧國池州四府并廣德溧陽等州縣建陽九江二衛秋糧子粒共九萬二千六百餘石馬草一十九萬六千四百九十餘包俱以災傷故也○賜州府汝陽王同鉅庶長子名曰安復韓府襲城王徽鉅第二子名曰偕洵寧府樂安王奠壘第六子名曰覲鍊瀋府唐山王幼壻第三子名曰銓鉉○戊戌兵部尚書白圭會文武大臣議給事中郭鏗等陳言弭盜安民事宜一河南北直隸等處盜賊生發有司懼罪隱匿不報恐養成大患宜令巡撫巡按

等官嚴督守令加意賑恤盜息民安者旌擢之縱賊殘民者降
黜之仍令吏部慎簡守令以為保障一令所司嚴督巡檢司捕
盜以所捕多寡為殿最一令所司督軍衛練兵以備不虞遇有
賊寇即令撲滅俱仍依兵部奏行事例二三次限內不獲者停
俸四五次限內不獲者坐罪其或隱匿及有激變者重罪不貸
一山西瀋陽中護衛并潞州寧山等衛所軍屯在北直隸境隔
遠山西官不相統軍多為盜宜令直隸巡撫等官督察屯軍令
務田作其為盜者即捕之有縱之者亦治以罪一有司勸借預
備倉糧及以厲民宜令斟酌下情不許逼勒一有司以興作為
名罰入銀貨自今非朝廷明文諸所工作悉宜停止一福建浙
江銀場盜發皆追償銀課所致宜行鎮守巡按三司等官勸諸
場礦脈已盡者除其課額一僧道多遊方惑眾宜稽其無度牒

者悉勒還俗一軍民服飾昏喪僭侈踰分者宜行禁約一山東
北直隸貧民多逃往荆襄等處恐貽後患宜勅巡撫都御史揚
璿劉敷往來撫治暫令存住候秋成之日遣發仍令各處有司
招撫優業歲終具報戶部以憑稽核奏上詔皆如議惟銀場不
必勘○庚子陞陝西右布政使于璿江西右布政使項璉俱本
司左布政使○南京通政司左叅議方漢服闋復任○增設河
東陝西都轉運鹽使司豐濟庫大使一員○命懷仁王遜煇成
化十年該支祿米折色內改給實米五百石以王奏妃呂氏夫
人齊氏二喪不舉故也○壬寅免陝西西安平涼慶陽鳳翔延
安五府所屬州縣去年夏稅四十五萬三千二百六十三石有
奇以旱傷故也○癸卯陞陝西按察司副使王朝遠為按察使
○增設江西布政司管糧叅議一員南昌吉安撫州遠州饒州

臨江六府通判各一員專理糧儲從巡視江西戶部左侍郎原
條請也○甲辰陞江西布政司右叅政王克復爲左叅政陝西
按察司僉事王瀛爲副使復除福建右叅政魏元于江西江西
左叅議葉順于舊任順仍專理糧儲○己巳定安悼隱王妃王
氏奏其長子聰滴以罪令大同守祖墳已經三年乞釋回侍養
上以聰滴罪難輕宥命再俟三年果能改過然後釋之○丙
午陞陝西按察司僉事伍福爲副使仍提調學校○丁未貴州
鎮遠府大水○戊申 上諭都察院臣曰曩因愚民捏造妖言
扇惑人心屢犯刑憲雖已榜禁而冥頑之徒不改前非犯者愈
衆宜申明禁例再揭榜示衆今後官吏軍民僧道人等但有收
藏妖書勛合等項榜文到日限一月以裏盡行燒毀與免本罪
敢有仍前捏造收藏傳用惑衆者許諸人赴官首告正犯處死

全家發煙瘴地方充軍首告得實之人官量給官錢充實優免
雜泛差役三年○錄故吏部左侍郎項文耀子禮為國子監生
文耀天順初為石亨所誣已追復其官至是其子禮請如陳備
男瑛例入監許之○旌表孝子張鄺等四人節婦張氏等六人
廬山東汶上縣人累官知州陳伯剛四川合州儒學生沈理直
隸合肥縣人聖壇山東堂邑縣人俱以親喪哀毀廬墓表其門
曰孝行張氏陝西咸寧縣民楊禽妻趙氏雲南太和縣民楊麟
妻曾氏江西寧都縣民盧孟忠妻胡氏民彭性誠妻揭氏民蔡
敏妻江氏福建泰寧縣民節勝達妻俱夫亡守節志行貞潔表
其門曰貞節包氏貴州都勻衛軍餘劉進妻年二十因進溺死誓
不獨生後竟自縊表其門曰貞烈○致仕南京都察院右副都
御史羅麓卒麓子應詔江西南昌縣人登乙丑進士拜監察御

史京泰初擢浙江按察司副使遷按察使言者以其資淺論罷
仍為副使遭父母喪起為湖廣副使未幾進按察使成化乙酉
入覲京師值酋寇作亂麓乘傳歸撫諭之丙戌陞右副部御
史巡撫湖廣兼贊理軍務以苗民不聽撫諭詔令相度機宜合
謀主將進兵討平之事聞賜勅獎諭己丑命掌南京都察院事
兼督官軍操江以是疾辭位許之至是卒年五十八賜祭葬如
例麓性易直輕率不事矯激其在湖湘最久為政雖無過人者
然亦能隨時救弊不至廢弛云○己酉巡撫四川右副都御史
夏瑄乞致仕不允○右軍都督僉事李表乞扶母柩歸葬西寧
許之○庚戌倭除四川布政司右叅議謝綬于廣西○巡撫順
八等府地方左僉都史張綱言各府州縣宜設專官一員勸農
戶部議如所請先於順天永平二府增設并行巡撫河間等府

副都御史張登科酌每府設通判州設判官縣設主簿保專其事自餘府縣并浙江等布政司處所應否增設俱從巡撫巡按會同布按二司等官詳議以聞詔州縣親民官許增設府始已之於是二府所屬通州等州大興等縣增設判官五員主簿五二十八員○壬子陞北城兵馬指揮張瑄為欽天監監副○癸丑命量增普庶人美埏鍾鈺鍾鉛鍾儉日給并賜其子十一人名聽與良民子女為婚初美埏等以宣德間祖父濟熿坐事謫為庶人衣食皆給于有司至是以謫久家口衆多衣食窘薄具奏乞恩 上念親親之誼故有是命○鎮守臨清都督僉事王信奏據巡捕等官呈捕獲人犯雖發衛縣問理然多徇私顛倒欲徑撤山東按察司分巡等官為便下三法司議歷引舊例謂鎮守官專以操練保障為重不當預詞訟以侵職掌

上以臨清衝要軍民雜處姦僞日滋從信所請但戒勿得濫受
民詞

明憲宗純皇帝實錄卷之一百二十八

明憲宗純皇帝實錄卷之一百二十九

成化十年六月甲寅朔○乙卯賜瀋王幼攀庶長子名曰詮鉅
○戊午岷王音逆奏乳母張氏子羅觀謫戍柳州衛而張氏年
老無他子乞免其戍兵部言觀以罪謫戍難以私恩而廢國法
上曰羅觀母老失養情實可矜王以乳母故為之陳請亦厚
之道也但國家之法朕不敢私始放觀歸養親終之日仍令戍
邊○己未右都督白玉都督僉事董寔以罪免先是玉鎮守陝
西實備倭揚州皆稱疾代還未幾皆稱疾愈不復命而朝兵部
劾之得旨玉寔罪宜治姑宥之俱令閒住○辛酉命故鷹揚衛
帶俸都指揮同知陰傑元子至剛錦衣衛帶俸署都指揮使王
昇子善俱襲原職本衛指揮使神武右衛帶俸都指揮僉事吳
玉子翼代原職本衛指揮同知○分守涼州副總兵都督同知

趙英以部下都指揮田廣強奪首級冒報功次為紀功兵部郎中劉洪所劾上章服罪有旨宥之○壬戌武靖侯趙輔奏辭免流侯乞世襲伯爵上以輔征建州有功准世襲伯爵流侯如故但減其祿米二百石○命巡撫福建右副都御史張瑄巡撫河南○兵科給事中祝淵言我祖宗酌古準今製大誥定律令又諸司職掌洪武禮制等書頒布中外俾臣民遵守然民生日繁庶事百出制書有未備載者或朝廷有所施行臣下有所建請遂因之以為條例故事同而授引或異罪一而議擬各殊官司得以任情遷就更符得以高下其手如文武官品級同而其父母妻孥祭殊例想寬之人同而給引與迥送殊科乞勅在京文武大臣備查內外新舊條例務歸至當以類相從編集奏聞取旨裁決定為見行條例刊板印行則天下皆可遵守而無

感矣詔下所司議行禮部覆奏今後文武官員父母妻亡者一遵成化七年奏例見任受封品級應祭葬者如例祭葬應祭者止與祭其不應祭葬者不與庶事例歸一不致紛擾從之仍命以禮致仕者與見任例同都察院覆奏懇寬之人給引遞送不一者以自奏與抱想者情犯輕重不同且濶奏內誤寫因人姓名宜治其罪 上宥之○癸亥陞太常寺卿兼翰林院侍讀學士劉珣為吏部左侍郎仍於經筵會講改工部左侍郎杜銘于刑部○甲子錄延綏等處戰功命總兵官著都督僉事許寧實授仍陞著都督同知左少監張廷陞太監遊擊將軍都指揮使周玉陞後軍著都督僉事把總都指揮使劉寵陞右軍都督僉事左都御史王越加太子少保陞俸一級左副都御史余子俊陞右都御史紀功兵部著郎中張謹實授又督餉戶部郎中李

炯然俱陞俸一級其餘都指揮以下有功者悉依兵部所擬陞
二級者三人陞一級加賞者三十三人陞一級者一百三十七
人陞署職一級者三百七十八人給賞者一千二百五十八量賞
者六千八百人○乙丑陞工部右侍郎王詔為左侍郎管部事以
通政司右通政程萬里代詔管易州山廠時工部缺左侍郎吏
部以副都御史張瑩布政使張瓚名聞詔方管廠事內批特陞
之而并及萬里○丙寅巡撫浙江右副都御史劉敷奏蕪州府
屬縣春多雨雪蠶桑無收其夏稅絹乞每疋折收銀七錢解送
太倉戶部覆奏從之○丁卯陞戶科給事中張海禮科給事中
張謙兵科給事中蕭濬俱為本科左給事中兵科給事中章鑑
為本科右給事中○命都督僉事周賢充右叅將分守萬全右
衛地方○韓王偕滿奏臣曾叔祖襄陵王範址性至孝嘗剝股

剪鬚以療母疾今年已七十又五每祭掃猶躬自負土培其母墳哀慟誠切古所謂終身慕父母者王蓋有之乞加獎諭以爲宗室子孫之勸上特移書獎諭之曰覽韓王奏知曾叔祖高年至行嘉歎再三夫孝實人道大端人於親存能致孝養者固多至於既沒而孝思不衰者鮮矣惟曾叔祖曩因母疾刲股剪鬚以進母疾良愈茲又盡力竭誠於體魄栖懇之所其於事親終始之道兩無愧焉於宗室不有光燄於風化不有勸歎曾叔祖其益篤孝行以爲藩輔之式異日垂名簡冊諒在是焉○戊辰南京給事中王讓等劾叅議甯珍知府王詔不可復用大略謂此二人既起將使天下考退官援例親進南京監察御史吳種等亦以爲言上以爲二人既處置其已之○已巳山東按察使王琳歲報劾劄劄付違限御史請治其罪詔宥之○庚午

給庸王祿俾稅課鈔歲一萬五千貫不爲例王奏本府供用全
倚孳畜耕種近因虜寇剽掠百需一空且軍校既被殺虜又選
征戍乏人供給故特命與之○增設河南南陽縣宛城通運所
○賞茲勝川殺賊有功官軍署都指揮僉事王榮等三百四十
四人遼東義州等衛殺賊陣亡官軍鎮撫楚昱等四十四人錄
段綃布有差○辛未湖廣九谿衛守把細沙隘百戶盛英以南
漳斬賊功陞副千戶英以土官不願陞再上奏辭所陞職得旨
免之○壬申授行人崔廷圭余統爲南京監察御史○陞南京
都察院左僉都御史張鵬爲右副都御史巡撫寧夏地方起養
病右都御史林聰理南京都察院事時巡撫寧夏都御史徐廷
章以罪免兵部會吏部舉太僕寺少卿李綱大理寺寺丞劉慶
代之未允復推道政司叅議潘理四川按察司副使彭韶

上謂邊境用人不宜舉未練兵事者爾等舉用不公本當究治姑宥之特命鵬而以聽代之○南京戶部奏請會同內臣盤皇城各門倉糧奉御梁鑑等與戶部員外郎張順會盤過期不至有誤衛卒日食成國公朱儀以聞下南京刑部究治諸生順罪而有鑑等上從其擬仍命南京戶部過盤各門倉糧各委一官分理之○太僕寺奏成化九年分直隸山東河南各府孳生馬駒共二萬六千六百有奇○癸酉免浙江湖州府烏程等六縣成化九年分秋糧十一萬二千二百五十石馬草八萬八千六百五十餘包以是年夏水災故也○甲戌改南京刑部右侍郎林鵬于刑部以丁憂服闋也○擢進士李孟賜陳壽蕭顯馬孔惠劉懋為給事中孟賜壽戶科顯孔惠兵科懋刑科○戶部奏山東登萊二府夏稅折鈔宜如濟南等四府例折銀送京俟

本部運送遼東備用從之○南京監察御史任英言近聞欲循故事給度僧道竊謂近年旱澇相仍災異迭見內地荐饑邊塞多警京城內外未價騰踊民食孔艱若復行給度則天下僧道紛集京師米價益貴况此輩為盜犯姦者多如四川賊首僧徒悟昇之類是已乞罷其令以紓民困或俟豐年於舊額寺觀量度一二可也不從○丙子勅封清源王幼孺繼妻申氏為妃○丁丑貴州宣慰司宣慰使安觀子貴榮乞代父職許之○分守環縣都指揮周敦陳成俱以虜賊入境剽略不能防禦為兵部所劾命宥之停其俸兩月○戊寅命故金吾右衛帶俸都指揮俞事揚興子恭襲父原職本衛指揮使錦衣衛帶俸都指揮同知李清子英襲父原職本衛指揮僉事○監察御史沈浩言京城西南一帶地勢窪下且被居民侵占街道壅塞溝渠凡遇霖

潯水無所泄滄壞廬舍人受其患乞命內外臣董督䟽通事下
工部覆奏 上命內臣張端工部右侍郎劉昭督團營官軍王
千父時䟽浚有故違者奏聞區處○中軍右都督王鎮卒鎮字
克安順天府密雲縣人 皇太后之父也以祖任義勇衛千戶
因家南京天順甲申以戚畹恩授金吾左衛指揮使尋陞中軍
都督府同知成化戊子進右都督至是卒訃聞輟朝一日賜葬
祭如例鎮世以德善相承其父允寬大長者好延士大夫與南
京吏部尚書魏驥交莫逆鎮承家教為人重厚清謹雖居寵榮
不改其舊蓋篤行君子也子源嗣襲為都指揮使注錦衣衛後
封瑞安伯云○己卯 孝莊睿皇后忌辰 奉先殿行祭禮命
駙馬都尉蔡震祭 裕陵○庚辰遣內官祭中霤之神○陞翰
林院檢討吳希賢為修撰仍支原陞俸一級以九年任滿故也

○辛巳授知縣汪奎行人胡敬為監察御史○陝西都指揮傅泰雷澤又指揮陳溥等俱以去年虜騎入寇行巡按御史藪寶至是御史言秦州安定會寧通渭秦安隴西寧遠伏羌清水九州縣俱被寇而通渭秦安尤甚通計殺掠男婦三千三百六十四人虜牛馬等畜一十六萬五千三百有奇焚毀屋廬四千六百二十餘間食踐燒毀收貯穀麥等物三十六萬七千六百餘束時泰澤以兵千九百八十八人守備會寧溥又肅府儀衛正曹珍指揮徐昇宴彬千五百人守備安定指揮洪壽以兵三百人守備通渭百戶陳海鎮撫蔣慮以兵三百餘人守備秦安皆不能防禦失機貽患俱宜罪之事下兵部言泰等兵備寡少不能禦賊情有可恕命各停俸一年○巡撫淮揚右副都御史陳瀛卒瀛字德清浙江鄞縣人由乙丑進士授南京刑部主事陞員

外郎轉廣東按察僉事專督屯糧進副使巡視海道尋陞廣東
左布政使未幾擢都察院右副都御史巡撫其地召選總督漕
運兼巡撫鳳陽奏留守穆盛言人事坐盛于法准人快之丁內
艱起復巡撫河南未幾改巡撫北直隸道總督漕運缺吏部謂
濂嘗董其事復以命之尋卒賜葬祭錄其子櫛爲國子生濂貌
端莊美髭髯心地坦夷不爲蘄絕之行在廣東最久恂恂信實
政平事安上下安之○癸未翰林院侍講學士丘濬起復還任

明憲宗純皇帝實錄卷之一百二十九

明憲宗純皇帝實錄卷之一百三十

成化十年閏六月甲申朔兵科右給事中章鑑等劾奏太傅會
昌侯孫繼宗爲國貴戚總司兵柄幾二十年未聞展一籌以禦
夷狄樹一勲以報國家尸位素餐懷祿固寵此其宜退一也近
者太監章勤提督營伍審核繼宗私役軍士千餘雖朝廷置而
不問豈可恬不知愧復總兵柄乎此其宜退二也食萬鍾之祿
享八袞之壽子貴孫榮盛滿已極此其宜退三也伏望 陛下
解其兵柄賜之閒居則既不失始終優待貴戚之恩而繼宗亦
得以保全祿位矣修武伯沈煜鎮守寧夏都督同知顏彪鎮守
宣府皆非統馭之才且乏清庶之譽庸寇內侵擁兵自衛實緣
請託得遂還京又復生營管操坐府理事誣下罔上推姦避難
原心定罪不忠之甚者也及都督同知芮成往年鎮守四川與

巡撫都御史汪浩專尚私忿不與協謀一有警報浩則設計進捕而成則束手無為既而交惡互奏俱逮至京浩生詭詞論成生貪利降官故時議謂前日建功浩多於成今日抵法成輕於浩為之不平况浩竟死於邊而成復得任事人情天理其可容乎伏望以沈煜顏龐尚成恣依白玉董宦革例革其職任則俸門塞而輿論快矣得旨姑已之○命靈丘王府改補國將軍成統走過祿米免還官○乙酉錄故詹事府詹事兼翰林院侍讀學士李泰子珩為國子監生從其授例陳乞也○丙戌監察御史聶友良奏京城內外多僧道聚集日犯姦盜等罪不可勝計乞為之禁革下禮部覆奏宜行巡城御史等官嚴加禁約上曰僧道果遊食為非者從實發遣其不為非者毋一槩紛擾○六科給事中章鑑等言武靖侯趙輔自指揮使累陞都指揮

都督同知皆非軍功物征兩廣驟陞伯爵後征建州後陞沅侯
其與寧晉伯劉聚之歷正副千戶左右都督與世襲伯爵皆以
軍功所致者自不侔也而輔妄引爲例後得世襲宜可休矣今
又奏保書辦陳經得除吏目不畏國法不恤物議伏望 陛下
慎重爵賞欲與世襲伯爵則革去沅侯欲存沅侯則勿與世襲
而陳經所受職事併宜革去以杜僥倖奔競之風十三道御史
李釗等亦言昔仲叔于奚有功于衛辭邑而請繁纓孔子以爲
名器不可以假人曾彬下江南宋太祖厚賞之而不與使相欲
其取劉繼恩也古之重名器慎爵賞者類若此况沅侯之子止
襲指揮乃朝廷駕馭將帥觀賞勲庸之大權 祖宗酌而定之
使爲世遵而守之輔也何人敢爾借紊且又奏保陳經匿其前
任革職之事其間必有受賂廢法之情俱宜付之法曹明正其

罪起寢世襲之命削去妄求之官以爲人臣用上之戒得旨陳
經請託趙輔參舉皆宜治然事已處分俱宥之○丁亥欽天
監天文生楊昭奏本監監副張瑄自外官陞用不習天文地里
之術乞調別任以謹占驗之防爲律進之戒詔曰朝廷用人凡
有才能輒加陞擢昭敢爲此言法不可恕姑命錦衣衛杖之○
賜迤西鎮魯攬阿力子阿倫亮鎖曾擅織金麒麟并絳紵絲各
一從其奏乞也○雲南孟養囊罕岳思洪發母子遣陶孟刀板
慶等來朝貢象馬及金銀器賜宴并衣服絳段等物有差仍命
齋勒并文錦絳段回賜囊罕岳思洪發○戊子巡撫其肅右副
都御史朱英奏上預計安邊十事嚴賞罰以修武藝預徵發以
備軍餉補官長以統衆心寬禁例以革避難均水利以興屯種
專委任以革姦弊申禁例以警姦貪嚴禁約以柔遠人定名數

以革占濫謹防閑以弭邊患事下所司知之○己丑命寧晉伯
劉聚子祿襲爵歲支祿米一千石本色四百石折色六百石○
命故右都督王鎮子源為都指揮使於錦衣衛帶俸○命右軍
帶俸都督僉事王義前軍帶俸都督僉事呂英各於本府管事
從撫寧侯朱永等薦也○命陝西鎮守巡撫等官督支榆林綏
德二庫銀五千兩於漢中等府買茶運送西寧茶馬司令巡茶
御史買馬給軍騎操候秋成日照價徵銀還官從戶部請也○
辛卯太傅會昌侯孫繼宗被劾辭免兵柄及府事 上批答曰
繼宗國之親賢朕所倚重今懇陳老疾特允辭免兵柄仍理府
事且賜之勅曰卿以威晚之賢事我 祖宗多歷年所曩因合
謀成翼戴之勲遂膺簡拔任軍旅之重肆朕纘承大統深所倚
注耆老之章雖屢上而不許人之有言又何聽焉茲卿年踰八

十後懇乞休致朕閱勞以軍旅之務宜輟五軍營管操仍理府
事知經筵國有大政時同會議卿其專精神近醫藥以副朕眷
懋親賢之意明日繼宗復上章辭免府事 上不允仍免其奏
事承旨○壬辰造成安伯郭鎮定袁伯郭高往直隸山東河南
印馬○癸巳免在京濟州神武後長勇左承清右燕山前又直
隸涿州涿鹿左東務右興州後屯營州後屯保定中右前後十
四衛直隸保定府所屬高陽新安二縣秋種子粒共一萬二千
一百七十七石有奇馬草二萬三千一百三十五束以去年水
災故也○夜小犯者宿○甲午命府軍左衛帶休都指揮同知
鄒宏子義代原職木衛指揮使○乙未勅英國公張懋管五軍
營定西侯將琬同撫寧侯朱永管圍營張懋上章辭免 上批
答曰卿生長將門特茲簡任不允所辭○庚子命南京管操武

安侯鄭宏代蔣琬兼總操江兵科右給事中章鑑等因言宏已掌南京後府事兼管操備分又令管操江以一人而兼三事且宏猷為弗著不可無任宜舉能者得旨鄭宏管操止是協同朱儀以此就令兼管操江不必更任○辛丑工部尚書王復九年任滿命復任○乙巳復除山東按察司僉事諭璟于廣東○戶部言韓王薨其應襲庶長子旭膾生纔三歲且府中連喪不舉百需窘乏宜如襄陵王所請量給養贍命於王原祿三千石內歲給其半從之○陞錦衣衛正千戶馬俊為指揮僉事都督同知李文右通政劉文之規復哈密也俊實從行文等至井肅遣俊及總旗王希恭回回道事指揮僉事哈林等齎勅往諭達檀阿力俾還哈密城及歸王母時達檀阿力已留其妹婿牙蘭守哈密而挾其王母以去俊至土魯番城以勅開諭達檀阿力抗

語不遜明日輒稱有事遂征率所部出城覓留俊等月餘于蘭
忽自哈密夜至報言朝廷遣二大臣調兵三萬在甘州欲來攻
討速檀阿力乃還始以番禮宴勞俊等并昇王母至令與之語
王母見左右皆番人不敢言其情但託言哈密城已殘破不欲
還矣至夜乃潛遣人來云幸為我懇奏 天朝多遣兵來收復
哈密使後人好聽我老寡婦死于此不足惜也明日速檀阿
力遣使以番書及方物隨俊等入貢復過哈密城舊土人及番
人新戍者可千餘土人窘甚潛從來歸者五百人文等以聞于
朝且言速檀阿力所部精兵不過三百馬步兵不滿二千與巡
撫都御史朱英等議欲調官軍一千出境會合赤斤罕東等衛
番達并哈密都督罕慎及也克力指揮脫脫卜花等諸部人馬
剋期收復且乞陞用俊等以為邊方効力之勸事下兵部覆奏

請勅文等相機從事詔可馬俊等各陞一級○巡撫廷綏都御
史余子俊奏修築邊牆之數東自清水營紫城砦西至寧夏花
馬池營界牌止剷削山崖及築垣掘塹定邊營平地仍築小墩
其餘二三里之上修築對面敵臺崖砦接連巡警險如墩臺及
於崖砦空內適中險處築牆三堵橫一斜二如箕狀以為瞭空
避箭又有警擊賊之所及三山石澗池把都河俱添築一堡凡
事計能經久者始為之後兵四萬餘人不三月功成八九而榆
林孤山平夷安遠新興等營堡尤為莊麗又移鎮靖堡出白塔
澗口絕快灑河之沅環鎮靖堡之城阻塞要害具畧石逾北直
祇新修邊牆內地俱已獲畝起科令軍民屯種計田稅六萬石
有餘凡修城堡一十二座榆林城南一截舊有北一截創修安
邊營及建安常樂把都河永濟安邊新興石澗池三山馬跑泉

八堡俱創置響水鎮靖二堡俱移置凡修邊牆東西長一千七百七十里一百二十三步守護壕塼崖砦八百一十九座守護壕塼小墩七十八座邊墩一十五座奏上令所司知之○丙午上以朝官少中鴻臚寺等官點視不至者五百三十一人悉病者一百二十七人具名覆奏上曰懶惰朝參法當究治姑悉宥之仍罰俸三月其患病者所司驗實以聞○陞南京大理寺左寺正曹奇為陝西按察司僉事大理寺右寺副夏景為山西僉事○丁未山西都指揮使李錫充叅將分守大同後占軍士擅枷都指揮事多不法遣官同巡撫都御史鞠得其實坐贖徒還職○肅康王妃陳氏薨妃東城兵馬指揮宣之女宣德丙午冊立為肅王妃至是薨訃聞賜祭葬如例○戊申南京監察御史金忠初巡捕儀真等處發錦衣衛千戶王興巡捕納賕罪

法司陶興左右得實欲請旨執問興遂誣奏忠俱械繫赴京至
是南京御史李聰等十五人以忠無罪奏請宥之不從且責聰
等不知大體各停俸半年

明憲宗純皇帝實錄卷之一百三十